


# MARIANGELI A FANO BENEDICTI AUCTARIUM

*Ad Grammaticam Philosophicam  
ejusque Rudimenta.*

In quibus præter illa, quæ de literis Latinis novè  
disputantur, Grosippi sententia de Lexicorum  
Latinorum virtutibus ac vitiis, quæque ratio in  
conficiendo linguæ Latinæ Thesauro tenenda  
sit, distinctè exponitur.

*Accessit in Grosippi Grammaticam, Paradoxa, No-  
minum & Verborum Paradigmata, inque hoc  
ipsum Auctarium accuratissimus Index.*



AMSTELÆDAMI,  
Apud JUDOCUM PLUYMER Bibliopolam,  
propter Aquam, sub signo Senecæ. 1664.



*Illustrissimo Viro*

D. HIERONYMO  
DE SAGARRAGA,

*Senatori Regio & Sanctioris Consilii  
in Insubribus,*

MARIANGELUS A FANO  
BENEDICTI S. P. D.

**J**Am ipsi octodecim sunt anni, cum in hanc nostram Insubriam ap-  
pulsus, ea abstinencia, integritate,  
religione ac sanctitate jus reddi-  
disti, ut te non aliter ac reliquias  
aurei sæculi omnes colant, tibi linguis  
animisque faveant, ac prosperrima quæ-  
que augurentur, & ex quocunque ho-  
norum tuorum incremento, & acces-  
sione dignitatis maximum sibi fructum  
capere videantur. Ego privato præterea  
nomine tibi me plurimum debere agno-  
sco, cum patrem meum τὸν μακαρίτην mini-  
mè vulgari benevolentia dum vixit fue-  
ris complexus, & vita functo integrita-  
tis, fidei & officii testimonium prolixè

impertiri soleas : quæ utraque res mihi  
ad Illustris Viri *Pascasii Grosippi* gra-  
tiam suffragata est, ut & bibliotheca ejus  
meo more ac modo uti, & ipsum quo-  
ties vellem adire ac de literis consulere  
possem. Ea occasione fatifne uti scive-  
rim, ex hoc arbitraberis specimine,  
quod clarissimo tuo nomini inscribere  
mihi visum est. Nec enim in eo quic-  
quam invenies, quin id vel ex libris  
*Grosippi*, qua scriptis, qua editis, mu-  
tuatus sim ; vel ex viva voce mecum &  
cum aliis hominibus doctis, officii causa  
subinde ad eum visere solitis, differentis  
arripuerim. Etsi autem non ferè inve-  
niuntur Jurisconsulti, in Italia quidem  
nostra & in vestra Hispania, quibus  
quicquam operæ ad hoc literarum ge-  
nus conferre libeat, quod ita hominem  
decet, ut *humanitatis* ex eo nomen in-  
venerit : non tamen periculum est ul-  
lum, ne tibi literarium hoc munus for-  
deat potius, quàm te demereat. Satis  
enim ornatissima illa bibliotheca tua  
clamat, minimè tibi remotum à poli-  
tioribus literis esse ingenium, cum & ve-  
teres

teres auctores omnes, & ex recentioribus, ut quisque optimus censetur, in ea existent, tuque adventoribus tuis, viris literatis, facilè probes, te libros istiusmodi nequaquam in apparatu modò habere, sed quicquid subsecivi datur temporis, iis volvendis avidè tribuere. Accedit necessitudo illa, quæ tibi cum Grosippo per XIII jam annos prope fraterna intercedit, cujus inter homines natione ac vitæ genere alioqui differentes conciliandæ momentum aliquod in studiorum similitudine esse debuisse, alii suspicantur, ego autem planè scio; adeoque prorsus dubium non habeo, cum alia ingenii ejus monumenta Theologica, Ethica, Politica & Historica inter libros tuos conspicere, iisque otium oblectare gaudeas, quin libenter ista etiam, quæ tibi offero, sis cogniturus. Vale, vir illustrissime, meque paterni erga te studii & observantiæ hæredem gratia ac benevolentia tua complecti perge.

Mediol. Kal. Jul. M. DC. XXIX.

# A U C T A R I I

## A R G U M E N T A.

1. **D**E genere hoc loquendi, Necesse habeo monitore.
2. Doceor à te, non idem est, ac Tume doces. Johannes ab Austria & de Austria rectè dicitur.
3. Nullus Genitivus ab Adjectivo regitur, nec ab ullo Verbo.
4. De Syntaxi hac, Petendum est pacem: deque formali & materiali Accusativo, qui à Verbis regitur.
5. Nullum esse verborum Modum Potentialem, nec Permissivum.
6. Scio quod es doctus, vel sis doctus: & scio te esse doctum, indifferenter dici. Quæque sint virtutes ac vitia Lexici sive Thesaurilinguæ Latinae.
7. De Syntaxi Visum ire, & Visum iri: deque Nominibus Verbalibus, præcipuéque Participiis.
8. De Relativorum, præcipuéque Reciprocorum Syntaxi.
9. Annotationes in Alvarum de Syllabarum quantitate.
10. De versuum Comicorum dimensione.

Illustrissimo Viro

BALDUINO DE MONTE

SIMONCELLO

MARIANGELUS A FANO

BENEDICTI S. P. D.

I.

**N**on vereor, ne quisquam eorum qui te norunt (quis autem paulo humanior in Italia te non nosset, tam illustri nobilitate virum, & Latinæ atque Hetruscæ eloquentiæ tot jam libris testatæ fama clarum?) me parum in eo decorè facere simulet, quod cum Marti jam opereris, & legioni classique præsis, ad te de literis referre non dubitem. Sciunt enim omnes, te haud paulo rectius, quàm Homericum illum Asteropæum, ~~ædijur~~ five *Æquimanum* aut *Ambidextrum* perhiberi, qui pari facilitate belli pacisque artibus, armis & literis ad ætatis nostræ ornamentum uti soleas. Mihi hoc præterea satis exploratum est, te quicquid otii tibi suppeditat, in nulla re libentius conterere, quàm in eo literarum genere, quod nomen ab humanitate mutuatum est. Ejus quippe rei per-noscendæ occasio decem abhinc mensibus Pascasii Grosippi nostri beneficio mihi obtigit: ad quem cum hospitio in hac urbe nostra divertisses, dignus fui habitus te tantum *compellare virum*, & *dextra conjungere dextram*, atque adeo tuo aliorumque doctissimorum hominum convictu uti, ac quenadmodum mihi visus sum, *opulis accumbere Divum*. Inde ex eo tempore præstantes illas animi

& ingenii tui dotes colere non destiti, quodque natura fert, ut quos ipsi probamus, iis maximè probari nos velimus, aliquod mei erga te studii & amoris specimen edere jam diu constitui. Eo consilio nunc ad te mitto, quæ mihi Grammaticæ novæ Rudimenta, nonnullaque monita ex ejusdem Pascasii Grosippi Adversariis à me collecta ac digesta ad prelum adornanti, de capitibus quibusdam ad Latinæ orationis constructionem pertinentibus commentari visum est. Quibus si non omnino operam me luisse, sed pretium aliquod laboris à me factum censueris, erit cur mihi gaudeam, meque minimè jam dubium mutux tuæ erga me voluntatis argumentum habere credam.

Novæ ergo Grammaticæ auctor, ut nosti, pag. 131. clari in literis nominis viro solœcismi dicam impegerat ob ista ejus verba, *Nos monitorem necesse habemus*. Id vehementer Magistrum meum ejusdem docti viri disciplinæ alumnum pupugit: eaque is re advectionem Magistro commodare annisus est, cum defenderet, non regularem in verbis illis syntaxin esse, sed figuratam, quippe in quibus cum præpositio *In*, tum substantivum nomen *Negotium* per ellipsin supprimantur, proinde acsi dictum foret, *Nos necesse negotium, vel necessarium opus in monitore habemus*; velut alter ille loquendi modus satis pervulgatus fidem facit, *Nos monitorem opus habemus*, id est, nostrum opus & labor est in monitore, ut monitorem scilicet habeamus: pro quo aliter dicitur, *Monitor nobis opus est*, id est, monitor est illud opus, circa quod nos occupari convenit. Et, *Monitoris opus nobis est*: ubi Genitivus objecti significationem habet, velut auctor p. 128. monuit; sicut in hoc Plauti Persa, *Non habui ei fidem argenti*, id est, non credidi, eum mihi argentum daturum. Ita opus monitoris, sive de inve-

piendo



niendo monitore, nostrum nunc opus & labor est.  
Poëta in Triphallicis,

*Nemo meo melius nervum tendebat Ulysse,*

*Sive illi laterum, seu fuit artis opus.*

id est, sive laterum firmitas, sive ars & dexteritas quædam ad arcum intendendum requireretur. Plautino more dici etiam queat, *Monitorem nobis opus* vel *usus est*, præpositione *Ad* vel *Circa*, aut certè verbo *Esse* per elliptin suppresso: quod tamen loquendi genus posteriores missum fecerunt. Sanctius quidem in Minerva negat Latinè dici, *Opus habeo monitore* vel *monitoris*. Sed auctor noster eum falli demonstrat. Utitur enim illo Columella argenteæ ætatis scriptor; & Græcorum imitatione satis phrasis illa defenditur. Utroque enim modo Græci dicunt, ἔργον ἐστίν, *opus est*, & ἔργον ἔχει τὸ, *hoc opus habeo*. Mitto, quod nec ipso Tullio indignum esse hoc loquendi genus hic ejus locus in 2. de legibus monere nos videtur, *Tamquam hoc operis habueris, ut hanc nobis sedem efficeret ad disputandum*. Hoc enim perinde est, ac si dixisset, *Tamquam facere nobis hanc sedem opus habueris*. Certum præterea est, *Usus* & *Opus* promiscuè in eodem sensu dici. Virgil. Nam nec erat corii *usus*, id est, nulla utilitas erat in coriis. Sallust. 1. histor. *Vinarij lanique quorum præterea vulgus in dies usum habet*, id est, quorum vulgus quotidie opus habet, quibus quotidie utitur. Nihil ergo intercedit, quin bene Latinè dictum putetur, tam *Opus*, quàm *Usus habemus monitoris* aut *monitore*. Sed in *Necesse* longe alia est ratio: cum ea constructio nec regulis artis, nec consuetudini bene loquentium sit consentanea. Si enim *Necesse* accipias pro adverbio, ut vulgo solent, nullo genere minor erit dicti absurditas, quàm si quis diceret, *Necessario habemus monitorem*; ubi quid sit, quod habemus, intelligi non potest: sin autem

## 4 MARIANGELI AUCTAR.

quis concedat, nomen adjectivum esse, ( quod vir ille doctus vel ex Calepino suo discere poterat, quem ab auctore nostro nullo numero haberi ridiculè indignatur ) non potest nomen ejus substantivum in eo subaudire, nisi id alicubi à locuplete aliquo Latinitatis auctore expressum ostenderit. Ellipsis enim est figura Latinæ consuetudinis. Nisi quis ergo doceat, Latinos consuevisse eo modo loqui, recusare non potest, quin quod nec regulis, nec consuetudini est consentaneum, solæcismus censeatur. Itaque minimè dubium est, quin & ille *σολοικίζων* judicandus sit, qui dixerit, *Multas arbores cadendum iri puto* : nam etsi hæc syntaxis ratione non destituitur, si ad ellipsin referatur, quasi esset, *Viam iri puto ad cadendum multas arbores*, quomodo auctor noster in hoc altero fieri docuit, *Multas arbores casum iri videtur*. Quo exemplo promiscuè dici planum est, *Canes venatum ducere*, & *ad venatum*, & *ad venandum*; similiterque, *Ivit oppugnatum urbem*, & *ad oppugnandum urbem* : quia tamen nemo unquam sic locutus est, ut in participiis ejusmodi passivis præpositionem supprimeret, ipsum loquendi genus non minus consuetudini, quàm regulis adversatur, eaque re solæcismi notam ducit : quod omnes diligenter ac sine vitio Latinè scribere cupientes in primis meminisse Grosippus monet, ne syntaxi figurata freti, nova loquendi genera comminisci, solum sibi esse liberumque perperam arbitrentur. Exempli gratia, Latinæ consuetudini congruit, ut dicatur, *Homini id ætatis tantum onus imponere non audeo*. *Non te hominem id ætatis mentiri pudet*. *Hoc noctis domo prodire non audeo*. In quibus *Ad tempus*, vel *Circa tempus* subauditur, velut ex aliis Plauti ac Ciceronis locis discimus. Similiter dici solet, *Venit id temporis*, ut *retinendus esset* : ubi *Negotium* suppressitur, ut *Negotium* vel *Res temporis*

*temporis pro Tempus ponatur. Non tamen solœ-*  
*cismi crimen effugerit, si quis dicat cum Tacito,*  
*Hominem id auctoritatis, vel id sapientia, talia designare*  
*turpe est. Etsi enim dicas Id sapientia, Valere Ejus sa-*  
*pientia, rationem tamen locupletium scriptorum*  
*auctoritas deficit. Cæterum, quod doctissimus Al-*  
*varus vix credit futurum tempus in participiis pas-*  
*sivis in Dum exeuntibus, & cum verbo substantivo*  
*positis significari, de eo ut subdubitem facit hic*  
*Cæsar locus lib. I. belli civil. Misericordia civium,*  
*quos interficiendos videbat. Nam hic verbum Esse sup-*  
*primi, satis planum est: neque ullus relinquitur*  
*dubitandi locus, quin Interficiendos esse, non fit*  
*aliud, quàm Interfectum iri: quo quidem non de-*  
*bitum, officium, aut necessitatem, quod perperam Alva-*  
*rus sibi persuaferat, sed futurum tempus significari*  
*tam clarum est,*

*Quàm Solis radii esse, olim cùm sudum est, solent.*  
 Vale literatæ nobilitatis decus, facque ut Milesiæ  
 ruz, quod expectare nos jubebas, tandem exeant,  
 & ab omnibus lectitari possint. Mediol. postrid.  
 Kal. Jan. anni ineuntis M. D C. x x i x.

• Nobilissimo & Ornatissimo Viro

ALBERICO SEPTALIO JC.

MARIANGELUS A FANO

B E N E D I C T I S. D.

I I.

**S**Cis mirari multos ac negare satis intelligi  
 posse, quod Grosippus in verbis passivis, cum  
 præpositione *A* vel *Ab*, & subjecto Ablativo  
 constructis, rem agentem significari neget. Satis  
 quippe

quippe perspicuè rem agentem apparere, si dicam, *Ego à te doceor*, cùm sensus sit, *Tu me doces*. Verum iis, qui sic disputant, statim regerere licet, non minus verborum illorum hunc esse sensum, *Ego à te disco*, aut *de te fio doctior*: in quibus verbis rem agentem nec ab ullo verbo passivo, nec à præpositione significari planum est. Similiter cùm dico, *Tu à me amaris*, non mea magis, quàm tua exprimitur actio, cùm exponere sic liceat, *Tu à me amorem habes*, *tu es mihi in amoribus*. Rectè proinde in Propædia Lógica Grosippus monet, accuratè rationem habendam esse, quid formaliter & ex se, quid materialiter & ex eventu, seu per accidens, oratio significet. Hoc quippe fortuitum esse & accidentarium, quod verba hæc, *Tu à me amaris*, sic explicentur, *Ego te amo*, cùm non minus alia ratione qui velit, ea explicare possit. Ex ipsa vero verborum vi hunc esse illorum sensum, *Tu ex parte mea amaris*, hinc amaris, ex ea scilicet parte aut loco, ubi ego sum. Voces enim quemcumque locum significantes, pariter in *Loco rationis*, & in *Loco rei* usui esse, hoc est, tum in vero loco propriè dicto, tum in eo, quem per analogiam pro loco mente concipimus. Jam voces *Unde*, *Hinc*, *Inde*, *Nusquam*, *A*, *Ab*, *De*, *Ex*, propriè significant locum, à quo actio aut passio aliqua proficiscitur: per similitudinem vero Causas, Subjecta, Adjuncta, Totum, Partem, præcipuèque Tempus, à quo quid cœpit. Hoc pluribus exemplis in eadem Propædia demonstratum nosti: quorum pauca tibi in memoriam reduci, minimè spero ingratum habebis. Si ergo dicam, *Unde fuit Hannibal?* Indidem unde & Hasdrubal, nimirum Carthagine, à Carthagine, de, vel ex Carthagine. *Unde exsulavit Ovidius?* Roma vel Patria, ubi præpositio subauditur. *Unde scripsit?* De Ponto, vel ex Ponto. In istis Locus propriè dictus; sed

sed in iis , quæ subijciam , locus Imaginarius aut Tropicus significatur . Unde est tabellarius ? A patre , tamquam à loco , in quo est pater . Similiter Missus est à patre , locum seu partem , non rem agentem significat : sicut in Sacris , Spiritus Sanctus , quem Christus misit à Patre . Unde dabitur mihi viaticum ? A me dabitur , vel Hinc dabitur , A me dabo . Livius , Plures ab Romanis equites ceciderunt , id est , à parte Romanorum : sicut A Casare allata sunt litera , pro literæ Cæsaris : sicut Reus à Milone , pro Milonis reus : Fulgor ab auro , pro auri fulgor : Servus à milite , pro militis servus : Pars de mœnibus , pro mœnium pars . Cic. Diligentia à me expectatur , id est , alii hinc à me diligentiam expectant . Plaut. Gutta à me auferri non potest , id est , tu guttam hinc à me auferre non potes . Idem , Decet id abs te impetrari , hoc est , me inde à te id impetrare . Livius , Ab Latinis res repetita , non significat Latinos res repetiisse , sed Romanos inde à Latinis . Verum quidem est , in Passivis verbis nonnumquam agentis rei significationem esse : sed id fit per accidens , quoniam Causa agens , sive princeps , sive administra , aut instrumentalis , tamquam Locus , à quo motus principium est , concipitur : ut , A Scipione victus est Hannibal . Sed id non minus Activis verbis contingit : ut , A Scipione cladem accepit Hannibal . Ab Achille periit vel occidit Hector . Inde nimirum , id est , à parte vel loco Achillis , tamquam à causa efficiente , profectus est motus , nempe cædes aut casus . Sic in Ithyphallicis habemus , Membrum queritis , unde procreamur . Quomodo Hyginus in fabulis , Gladius unde se Ajax interfecit .

Ovid. Pectora trajectus Lynceo Castor ab ense .

Idem , Neve peregrinis tantum defendar ab armis .

In quibus causa instrumentalis significatur , unde velut à Loco effectus cœpit : quod ipsum simili-

ter

ter in materiæ significatione usuvenit. Unde *casa ista est composita ? Luto , vel de luto, ex luto.* Curtius lib.8. *Terra lini ferax , inde plerisque sunt vestes.* Sic, *Unde crevit Roma ? Alba ruinis, seu de ruinis , aut ex ruinis.* Totum quoque ut locus concipitur in isto , *Hinc inde est, de illo grege , de illis vel ex illis.* Duo fratri meo sunt filii : *inde majorem adoptavi mihi.* Versus de *Phaniffis* , five ex tota Comœdia Phænissarum. *Nihil de sacro , nihil ex publico attingi* , id est , nullam partem ex toto sacro aut publico. *De die convivium facere* , id est , inde à parte totius diurni temporis. *Non mihi partem istinc posco de isto vidulo* , pro partem totius viduli. Subjectum similiter : ut , *Unde emisisti hos captivos ? Emi de prada, de quastoribus.* Ubi prius *De Totum* , posterius Subjectum notat , cùm servi sint adjunctum domini. *Quasivi de illo* , pro *ex illo* , tamquam notitiæ subjecto. De Tempore notius est , quàm cui verba debeant impendi : quis enim nescit , *Inde, Hinc, Dehinc, & Deinde* Tempus , à quo motus principium habet , significare ? In quem modum voces quoque Locum , in quo quid est , significantes , ad Temporis notationem transferuntur, ut *Ubi* valeat *Cum, Hic & Ibi* verò *Tum.* Plaut. *Ubi voles pater esse, ibi esto* , pro quando voles , tum esto : sic , *Erit ubi vos ulciscar locus* , pro tempus cùm ulciscar. *Non est nunc narrandi locus* , pro tempus quo narretur. Sed longum nimis sit omnia, quæ Propediæ Logica & Rhetorica suppeditant , hoc loco iterare. Illuc ergo revertor , unde abieram. *Ego à te docetor*, formaliter non est idem, quod *Tu me doces* , sed *Ego istinc* , five à tua parte doctrinam capio , seu doctior fio : nam & præpositioni *De* locus est , ut Plaut. *Alios de te fieri doctiores* , id est , de te discere. Idem Pseud. *Aufereturne id pramium à me, quod promisi per jocum ?* SI. *De improbis viris auferri pramium & pradam decet.* Ubi videmus , *Ause-*  
retur

retur à me , non esse aliud , quàm *Auferetur de me.*  
 Pari modo *Tu à me amaris* , formaliter non rem  
 agentem , sed partem sive locum significat , ac si  
 esset , Tu hinc à me amorem habes , vel ex mea  
 parte amaris : quomodo Catullus nos interpretari  
 docet his versibus ,

*Nulla potest mulier tantum se dicere amatam*

*Verè, quantum à me Lesbia amata mea es :*

*Nulla fides ullo fuit umquam in fœdere tanta,*

*Quanta in amore tuo ex parte reperta mea est.*

Similiter quod est apud Terent. Phorm. *Non potest  
 satis pro merito ab illo tibi referri gratia* , id valere ex  
 parte illius , hæc nos Cæsar's verba docent lib. I.  
*belli civil. Pauca apud eos locutus , quod sibi à parte  
 eorum gratia relata non sit pro suis in eos maximis bene-*  
*ficiis, dimittit omnes incolumes.*

Jam nec illud satis probatur multis, quod de ad-  
 verbiis motum ex loco significantibus Grosippi  
 ejusdem tradit Grammatica , *Johannem de Austria* ,  
 perinde atque *Ab Austria* rectè Latinè dici , sup-  
 presso nomine *Ortus* , vel *Oriundus* , vel *Natus* , ut  
 idem sit, quod *Johannes homo Austrius* vel *Austriacus*.  
 Sed quàm illi in Latinis auctoribus hospites  
 sint , nihil negotii sit magno testimoniorum cumulo  
 demonstrare , ex quibus planum sit veteres signifi-  
 cando motui ex loco , Ablativis cum præpositio-  
 num aliqua , ut *A* , *Ex* , *De* , sive expressa , sive sup-  
 pressa, uti consuevisse. Virg. *Pastor ab Amphryso* , pro  
*Amphrysius*. Livius, *Turnus Herdonius ab Aricia* , pro  
*Aricinus*. Cicer. *Homo obscuro loco*. Plaut. *Adole-*  
*scens de summo loco*. Hygin. *Theseus ab Athenis* , pro  
*Atheniensis*. *Amphidamus de Arcadia* , pro *Arcas*.  
 Iterum Cic. *De Gyaro scripsi* , pro ex Gyaro. Et  
 Plaut. *Trucul. Tres adolescentes, Rure unus, alter ur-*  
*be, peregrè tertius*. Terent. *Mercenarium à villa vidi*.  
 Similia horum passim sunt obvia. Illud tamen in-  
 solentius

solentius non nemini videtur, quod Paradoxa literaria pag. 61. in Plauto reponendum docuerunt, *Non sum Animula*, pro non sum ab Animula Apuliæ oppido. Sed neque hujus generis non plurima leguntur. Cæsar lib. 1. civil. *Reducitur ad eum deprehensus ex itinere Cn. Magius Cremona*, præfectus fabrum Pompeji, pro Magius Cremonensis, ens à Cremona, vel de Cremona ortus. Sic lib. 3. civil. *Cæsar desideravit C. Fuginatem Placentia*, *Agravius Puteolis*, pro Placentinum & Puteolanum. Plaut. Merc. *Video hospitem Zacyntho*, pro Zacynthium, à Zacyntho. Et Afri. *Periphanes Rhodo*, mercator dives, pro à Rhodo. Rhodius. Propert. lib. 4. *Erat Crotalistris Philis*, pro à Philis, urbe & insula Nili. Ibid. *Tibia Mygdoniis libet eburna Cadis*, pro à Cadis, urbe Mygdoniæ : etsi in veteribus membranis non *Cadis*, sed *Modis* legi, in Grosippi codice annotatum vidi : quod & rectius puto. Atque hinc opinor intelligis nihil à Latine loquentium consuetudine abhorrere, si quis te *Albericum Septala*, aut de vel à *Septala*, vel *Septalium* compellet : quomodo me quoque *Mariangelum* à vel de *Fano Benedicti* profiteri soleo, quod castellum Novocomensis agri, ubi D. Benedicto fanum fuerat constitutum, ex quo & vulgo *S. Benedetto* vocatur (velut monumenta vetera fidem faciunt) majorum meorum juris fuerit. Sed quidni ego ex penitis faucibus despuo *Fuerit*, verbum nihili, cui lumbos defractus velim ?

*Omne ego pro nihilo esse duco, quod fuit, quando fuit.*

*Tamquam hominem quando animam efflavit, quid eum quæras, qui fuit.*

Tu me, nobilissime juvenis, quod facis, ama, & Vale.



*Viro Clarissimo*

PAULO JOSEPHO MERONO,

*Theologo & Philologo præstantissimo,*

MARIANGELUS A FANO

B E N E D I C T I S. D.

## III.

**S**ecutus tuum, Vir clarissime, consilium, quod nuper Romam discedens mihi dederas, Pascasii Grosippi ad Logicas, & Rhetoricas Acroases Propædiam diligenter legi, ejusque facti hoc nunc fero pretium, ut & Latinæ syntaxis fundamenta penitus perspiciam, & in bonorum auctorum lectione minore negotio procedam. Nec dubito ubi processu ætatis ad Philosophiæ aliarumque disciplinarum studium appulero animum, quin præsentis ejusdem Propædiæ utilitates magis experiar, quod ut tantus Theologus ac Philosophus, mihi futurum haud dubitanter confirmabas. Confido me rem tibi minimè ingratam facturum, si nonnullum ejus, quod dixi, specimen tibi exhibeam. In ipso ergo velut aditu Propædiæ Logicæ, ubi de Terminis seu Vocibus agitur, Terminum simplicem esse didici unicum vocabulum plurium vim habens, sicut *Nemo* valet hæc duo *Nullus homo*: & hujus generis esse pleraque nomina adjectiva cum Genitivo casu posita, & omnia adjectiva neutra sine substantivo posita. Itaque minimè jam obscura mihi videtur constructionis ratio in iis loquendi generibus, ubi Genitivus, quem Philosophica Grammatica pariter apud Græcos & Latinos perpetuò à nomine substantivo, aut à præpositionum

fitionum aliqua regi contendit, ab Adjectivo pendens speciem habet. Verbi gratia, *Demaneus est amans uxoris*. Hic *Amans* nomen est adjectivum, in quo substantivum subaudiri necesse est, cum ratio postulet, ut uno Relatorum posito simul & alterum ponatur. *Amans* igitur est *Homo amans*. quæ duæ voces vim habent nominis Substantivi, quod est *Amator*. Plaut. Pæn. *Siccine oportet homini amanti operam dare?* Et Pseud. *Ne me perdas hominem amantiem*. Ita planum fit, genitivum *Uxoris* à substantivo regi. Sic, *Parmeno est domini similis*. In adjectivo *Similis* substantivum *Homo* subauditur. Duæ verò voces *Homo similis*, unius substantivi nominis vim habent, unde genitivus *Domini* regitur, quasi esset, *Affimulator Domini*. quæ ipsa in multis aliis est ratio: ut, *Par*, *aqualis*, *servus*, *socius*, *maritus*, *propinquus*, *vicinus*, *fidus*, *amicus*, *proprius*, *alienus*, *superstes*, *consciens*, *contrarius*, &c. neque refert, quod sæpe nullo substantivo nomine res per adjectivum significata exprimi potest, cum rerum numerum verbis minime exæquari libenter omnes Philosophi assentiant. Itaque cum legimus *Corpus patiens inedia*, satis est nos intelligere in adjectivo substantivum aliquod suppressum esse, duabusque vocibus unam rem significari, acsi foret, *Passor seu Tolerator inedia*. Sic *Memor virtutis*, pro *Homo memor* valet *Recordator*, *Liberalis pecunia* est *Largitor*. In adjectivis porro neutris plerumque *Negotium*, *Opus* aut *Factum*, Transcendentes voces subaudiri, satis jam Grammatica Philosophica demonstratum vidisti: quod genus sunt ista, *Triste lupus est stabulis*, *Tantum fidei*, *Multum diei*, *Parum argenti*, *Hoc literarum*, *Id hominis*, *Id loci*, *Quid causa*, *Quid mulieris uxorem habes*. Est autem *Negotium mulieris* idem quod *Mulier*, sicut *Res cibi* est *Cibus*. Plaut. Stich. act. i. sc. i. *Virorum absentum negotiis sollicita sumus*, pro *De viris absentibus*.

absentibus. Cicero 2. ad Quinctum Frat. epist. 12. *Callisthenem, & ad Philistum redeo, in quibus te video volutatum. Callisthenis quidem vulgare, & notum negotium, quemadmodum Græci aliquot locuti sunt. Siculus ille, capitalis, creber, acutus, brevis. ubi Negotium Callisthenis ponitur pro Callisthenes, cujus dictio significatur esse vulgaris, cui multi Græcorum sint similes, cum aliter sit in Philisto. Sic Res hominum & Deorum, pro homines & Deos dixit Virgilius: O qui res hominumque Deumque Æternis regis imperiis, & fulmine terras. pro quo Horatius, Divosque mortalesque turmas Imperio regit unus aquo. Ovidius Omnia hominum negotia similiter, sed per ellipsin, pro Omnes homines dixit: Omnia sunt hominum tenui pendentia filo.*

Post atque haud multo, ubi de Suppositione præcipitur, Reduplicativam, seu Restrictivam suppositionem in Scholis Logicis vulgo perhiberi invenio, quæ vocem aliquam particula restrictiva seu limitante determinat, ac velut coercet, & ad certam totius partem adstringit. Ejus generis particulas esse *Qua*, pro *A* vel *ex qua parte*, *Quatenus* pro *Qua* fine tenus, *In quantum*, *Secundum*, *Ratione*, *Respectu*: ut, *Animal sentit, qua animal est, Homo quatenus homo ridet, Christus est filius David secundum carnem, vel respectu aut ratione carnis.* Sed etiam præpositionibus *Ad*, *A* & *Ab* expressis, aut suppressis hujusmodi restrictionem solere significari: ut apud Sallustium, *Modestus ad dominationem, & Sanctus alia*, pro *Quod* ad dominationem, quod ad alia attinet. Virg. *Omnia Mercurio similis*, pro *Ad omnia*. Idem, *Faciemque simillima lauro*, pro *Ad faciem*.

Horat. *Nec sevis animum mitior anguibus.* pro *Ad animum*, *ab animo*, vel *animo*. Plaut. *Ab ingenio improbus vel senex. Ab armis valeo ut lupus, clunes infrañtos gero. A pecunia haud perbene valeo.* Cicero:

*Inops ab amicis. Ab equitatu firmus, ab exercitu instructus, à militibus & à pecunia imparatus.* Interdum *Quod ad*, vel *Quantum ad* Latini dicunt eodem sensu, verbum *Assinet* per ellipsin supprimentes. Livius lib. 8. *Orium inde quantum à Volscis fuit*, id est, quantum attinet à Volscis, sive ad Volscos. Ovid.

*Quantum ad te Theseu, volucres Ariadna marinas  
Pavit in ignoto sola relicta loco.*

Barbari porrò ex *Quod ad* fecerunt *Quoad*, ut dicant, *Homo mortalis est, quoad corpus, non quoad animum.* Atque iste solæcismus duobus Varronis locis indoctorum librariorum opera insedit, lib. 7. de ling. Lat. *Hac sigillatim triplicia esse debent, quoad sexum, multitudinem, casum.* Et 1. rei rust. 9. *Quoad culturam refert: utrum terra sit macra, an pinguis.*

Jam quo loco de Forma sermo est, monet eadem Propædia solere Latinos Formam per Accusativum & Ablativum expressum aut suppressum, itemque Præpositione *Per*, *In*, *Ex* aut *Cum*, similiter vel expressa vel suppressa significare. Dicunt videlicet *Lætus lætitia*, & *Iratus iracundia*, & *Falsus falsimonia*, & *Honestus honore*. Plaut. Pseud. *Ut mea latus lætitia fiet.* Et Curc. act. 4. sc. 3. *Non ego mediocri incedo iratus iracundia.* Et Bacch. *Multi quos censeas esse amicos, reperiuntur falsi falsimoniis.* Capt. *Honore honestiorem me semper facit*: in quibus Præpositionem *Ex*, à qua regatur Ablativus, subintelligimus. Sed non minus Accusativo eandem ad rem usos suspicari libet, ut *Latus lætitiā* dicerent: sicut in Plauto sunt *Ædes clara clarorem merum*, pro quo & *clarore mero* dici poterat. In Verbis quidem videmus eos Atticorum more cognato Accusativo, vel Ablativo formam actionis significare solitos. Dicunt enim *Vivere vitam* & *vita*, *Servire servitutem* & *servitute*, *Currit cursum celerem* & *cursum celeri*, *Iro iter* & *itinere*, *Ludere ludum* & *ludo*, *Gaudere*

*dere gaudium & gaudio, Latari latitiam & letitia, Precari aliquem preces, precibus, per precem & cum prece (ut Liv. lib. 9. Legati missi ad pacem cum precibus petendam) Pugnare pugnam & pugna, Saltare saltationem & saltatione, Dolere dolorem & dolore, Ridere risum & risu.* In quibus omnibus casus Formam significantes sunt expressi : nam *Latitia* est forma læti, *Ira* irati, *Vita* viventis, *Cursus* currentis, &c. In aliis casus per ellipsin supprimitur, ut *Pabuli latus ager*. Subauditur enim substantivum *Latitia*, à quo Genitivus regitur. Sic *integer vita*, subaudi Integritate, *Purus sceleris puritate*, *Peritus juris peritia*, *Potens sui potestate*, *Cupidus vini cupiditate*, *Miser animi miseria*, *Avidus cibi aviditate*, *Memor tui memoria* (quomodo memoria memini, & memoria oblitus. Plaut. Capt. act. 2. sc. 3. *Istuc ne prapicias, facile memoria memini tamen*. Trin. act. 4. sc. 3. *Tribus ne poteriis te memoria oblitum*) *Similis alicujus*, similitudine, *Cumulatus scelerum cumulo*, *Satur rerum saturitate*, *Onustus auri onere*, *Orbus auxilii orbitate*, *Plenus vini copia* (quod idem valet ac plenitudine) *Refer-tus nugarum copia*, *Abundans lactis abundantia*. Hinc porro minimè magni negotii est, syntaxeos rationem expedire in plerisque verbis cum Genitivo constructis, si omnem genitivum à nomine substantivo regi meminerimus, tum omne verbum activum accusativo Formam significante, sive expresso, sive suppresso conjunctum esse. *Ango me animi vel Angor animi*. Subaudire licet *angorem*. *Excruciare se animi cruciatum*, *Fallit me animi falsimonia* sive error, *Desipere mentis insipientiam*, *Fastidire alicujus fastidium*, *Potiri hostium potestatem*, *Misereor tui miseriam*, *miseret me tui miseria*, *Pudet me facti pudor*, *Piget me laboris pigror seu pigritia*, *Tadet me illius tædium*, *Pœnitet disti pœna*, *Agere furti actionem*, *Admonere periculi monitum*, *Non fallebar sermonis falsi-*

moniam vel errorem, *Meminisse alicujus* memoriam, *Studere alicujus* studium, *Invidere alicui rei alicujus* invidiam : sicut Horatius ---- *nec illi Sepositi ciceris , nec longa invidit avena ;* & Græci φθονῶσι τοῖς ἐπιδόχαις , subaudi φθόνον. nam & Græcæ syntaxis regulæ ad hunc modum corrigendæ sunt. Simul tamen verum est, quod Grosippus in Propædia de Causa præcipiens monet, Causam sive suo vocabulo expressam, sive *Gratia, Nomine, Ergo, Opere, Facto, Merito*, aut aliis vocibus significatam, alias disertim poni, alias per ellipsin reticeri, indeque Genitivum regi : ejusque ellipseos conjecturam ex eo duci, si Genitivus per Accusativum aut Ablativum cum præpositionibus *Ob, In, Ad, Ab, De, Ex*, causæ significationem habentibus, iisque vel expressis, vel subauditis explicari possit, ut *Lator & latus laborum*. Subauditur *Causa* vel *Ergo* vel *Gratia*, cum eodem sensu dicere liceat *Laboribus, ex laboribus, ob labores*. Indoluit *successorum Minerva*, subaudi *Causa*, quia est *Ob successa, successis* aut *ex successis*. Bona scilicet Minervæ successa dolorem efficiunt.

Notat autem Grosippus noster idem ipsum in voce *Causa* apud Latinos, quod apud Græcos in Adverbio seu Præpositione ὡςκα usuvenire: ut videlicet cum verbis & nominibus sive expressa, sive suppressa Genitivum regat, & alias vim Præpositionis *Propter* habeat, alias restrictionem vel certam partem significet, acsi esset *Ad, A, Quantum ad*, seu barbarè *Quoad*. Tamquam si dicam, *Hoc unum bene fecit, etsi aliarum rerum est improbus*. Subauditur *Causa*; quod nonnumquam Cicero exprimit. Utrovis autem modo explicari potest, sive *Propter res*, sive *Quantum ad alias res attinet*. quibus duplex sensus similiter erit, si præpositione *A*, causam significante, utamur hoc modo, *Ab aliis rebus est improbus*, vel per ellipsin, *Aliis rebus* : quæ loquendi

loquendi genera passim sunt obvia. Ita plana est Syntaxeos ratio in istis, *Sanus mentis & animi, sanus animo & ab animo, & sanus animum, Falsus animi, miser animi, suspensus animi, Vacuus rerum & rebus, Nudus opum & opibus, Terra ferax uvarum & uvis, Notus ingenii, ab ingenio & ingenio, Dignus laudis, ad laudem & laude, Cassus luminis & lumine*. Nimirum Ablativi à præpositione Causam vel Partem significante, Genitivi à nominibus *Causa, Gratia, Ergo* ( id est, *Opere vel Facto* ) Nomine aut merito reguntur. Causa vero significat omne id, quo vel præfente, vel absente & permittente, seu non impediēte, quid fieri videtur, quam *Causam Insipientem & Otiosam* Grosippus vocat: ut in hoc Plauti, *Mea causa saluus sis licet*. pro quo idem alias, *Per me saluus sis licet*, id est, Quod ad me attinet, non impedio quin sis saluus. Quoniam vero vox *Causa* etiam rem significat quæ in disceptationem venit, eo fit, ut in verbis judicialibus subaudiatur, ac suppressa Genitivum regat: ut *Accusare furti*, nempe Causa, ob furtum, de furto, *Insimulare cadis & de cade, Postulare majestatis & de majestate, Liberare aliquem culpa, culpa, à culpa, Absolvere scelēris, scelere, de scelere, Adstringere vel Alligare se furti & furto, Damnatus voti & voto seu de voto, Condemnare sacrilegii & de sacrilegio, Perdere aliquem capitis*: ubi *Causa* vel *Crimine capitis* est, *Causa* vel *Crimine capitali*. Ergo meministi monere Grosippum, esse Ablativum à Græco ἵππορ, idemque valere, quod Opere sive Facto, ut *Amoris ergo*, sit Facto sive Causa amoris, quod amor fecit, sive cujus causa fuit. Ita Plaut. Bacchid. *Memento ne Phœnix factis tuis fiam*, id est, Tui causa, propter te. Et Mercat. *Tu quemvis confidentem facild tuis factis facis*. Nam *Facere* significat Causam esse: ut apud eundem in Bacchid.

*Id mihi haud utrum velim licere intelligo :*

*Ita bellum hospes fecit Archidemides.*

*Ita feci ut auri quantum vellet, sumeret.*

De Nomine pro Causa satis multa in Paradoxis literariis dicta puto. Ciceronis tamen locum non possum, quin recitem ex Vatiniana, *Ut tu me carum esse dixisti populo non tam causa mea, quam Reip. sic ego te dico esse odio civitati non tam tuo, quam Reip. nomine.* Ejusdem est, *Damnatus nomine conjurationis.* ubi Nomine per ellipsin omitti poterat: sicut etiam in isto, *Me tibi nomine negligentia suspectum esse doleo.* Rectè enim dicitur *Suspectus negligentia, negligentia, de negligentia, super negligentia, & in negligentia.* Præcipuè tamen Nomen id videtur significare Causæ genus, quod non tamen rei causa est, quam esse præfertur. Virgil. *Conjugium vocat: hoc prætexit nomine culpam*, id est, suum cum hospite concubitus excusat prætexto conjugii nomine. Nomen ergo conjugii non tam causa est, quam prætextus consuetudinis Æneæ cum Didone. Postea ad significandum quodvis causæ genus usui esse cœpit: quomodo & *Gratia*, cui scilicet res effecta refertur accepta. Pacuvius, *Quem fama gratia ante omnes nobilitat viros*, id est, qui propter famam, seu famæ ergo est nobilissimus: pro quo & *Fama merito* dicere poterat, ut Ovid. in Sapphus epistola, *Et formæ meritis tu mihi Phœbus eris*, id est, formæ causa, seu propter formam, sive ut Plautus amat dicere, *Virtute formæ.* Sed quid ago? quin manum tollo de tabula, nisi patientia tua abusum merito me existimari nihil pensi habeam. Vale, virorum optime, mihiq; virtutis ac doctrinæ tuæ admiratori favere perge. Mediolano, Kal. Martias anno 1629.



AUGUSTINO MASCARDO

*Viro Clarissimo*

MARIANGELUS A FANO

BENEDICTI S. D.

IV.

**Q**Uo tempore ingenii tui monumenta penes Grosippum vidi, ex eo cum admirari te & colere cœpi, tum mei erga te affectus tibi declarandi occasionem mihi evenire magnoperè concupivi. Nunc ipsum ergo prelosubjecturus quæ ille nuper de quodam loquendi genere subtiliter differuit, minimè ingratum tibi facturus videor, si ejus disputationis judicem te capiam, quem ipse Grosippus elegantissimè Latine scribere agnoscit, nec temerè quemquam hac ætate sive soluta, sive numeris adstricta oratione te priorem inveniri censeret. Tu, vir præstantissime, quod à me fit, boni pro humanitate tua consules, meque mutua tua benevolentia dignum arbitraberis. Vale.

De ratione Syntaxeos in illo,

*Petendum est pacem.*

*Ex Pascaſii Grosippi Adversariis.*

**O**Mnem Accusativum à præpositione, aut à verbo activo regi certum est. Hic nulla est præpositio expressa, aut subaudienda, à qua accusativus *Pacem* regatur. Necesse est ergo regi à verbo activo sive expresso, sive suppresso. Hic porrò nullum verbum activum exprimitur. Itaque suppressum sit ac subaudiri debeat, neces-

sum est. quod autem illud sit verbum, hinc potest intelligi. Omne verbum finitum habet pro supposito nominativum expressum aut suppressum, eumque vel *parvè* voce, vel *durè* potestate aut virtute, sive ut Scholasticè loquar, vel formalem aut actua-lem, vel virtua-lem aut potentialem. Nominativus virtualis, est verbum Infinitum nominis loco pos-  
 tum. Talis hoc loco subauditus est *Petere pacem*, quod idem est ac *Petitus*, vel *Petitio pacis*: pro quo fingamus licet vocem *Petimen*, vel *Petimentum*. sic plana exhibet constructio, sive dicas *Petitus pacis est petendus*, sive *Petitio pacis est petenda*, seu denique *Petere pacem* aut *Petimentum pacis est petendum*. non aliter quàm *Petere pacem est necessarium*: ubi *Petere* manifestè vim Nominativi habet. quo autem modo verbum infinitum sive Infinitivi modi, loco nominis substantivi positum regat accusativum, Grammaticæ p. 34. & Parad. p. 6. & 7. exposui. Sed ne insolentior videatur cognati nominis aut verbi infiniti repetitio, audiatur Priscianus, cujus l. 18. verba sunt: Si quis hæc impersonalia velit inspicere penitus, ad ipsas res verborum referuntur, & sunt tertiæ personæ, etiamsi prima & secunda deficient: unde Participia inveniuntur, *Curritur cursus*, & *Decurso spatio*. Et mox: Possunt habere intellectum nominativum ipsius rei, quæ in verbo intelligitur. nam cum dico *Curritur*, *Cursus* intelligitur; & *Sedetur*, sessio; & *Ambulatur*, ambulatio: sic & similia. quæ res in omnibus verbis etiam absolutis necesse est ut intelligatur, ut *Vivo vitam*, & *Ambulo ambulationem*, & *Sedeo sessionem*, & *Curro cursum*.

Nimirum omne verbum activum aut formalem, aut materialem accusativum regit. *Formalis* est, qui non potest in verbo non intelligi, cum res ipsa verbo significata habeat ab illo essentiam seu naturam suam,

suam, ut sit scilicet quod est. Ita *Gaudium* est formale gaudentis, *Risus* ridentis, *Insania* insanientis, *Error* errantis. Tales ergo accusativi perpetuò intelliguntur in verbis sine accusativo politis, ut *Gaudet*, *Ridet*, *Insanit*, *Errat*. Exprimuntur autem, quoties modus agendi significatur, ut *Gaudet gaudium immodicum*, *Ridet risum ineptum*, *Insanit insaniam solemnem*, *Errat errorem turpissimum*. quorum significatio est, *Gaudet immodicè*, *Ridet ineptè*, *Insanit solemniter*, *Errat turpissimè*. *Materialis* accusativus est, quo objectum denotatur, seu materia circa quam actio occupatur, ut *Rogo te*, *Precor te*, *Rideo te*, *Eo viam*, *Peto pacem*. Utriusque porrò accusativi, hoc est, tam formalis, interni & cognati, quàm materialis, externi & alieni, vim ac potestatem habet verbum infinitivum nominis loco positum: nam *Incipit insanire*, valet *Incipit insaniam*; pariterque *Insanit insanire*, est *Insanit insaniam*. *Desiste petere*, pro *Petitionem*. *Disce silere*, pro *Silentium*. *Noli errare*, pro *Errorem*. *Plaut. Bacch. Hic vereri perdidit*, pro *Verecundiam*. *Horatius, Reddes dulce loqui, reddes ridere decorum*, pro *Reddes dulcem locutionem*, & decentem risum. Similiter formali accusativo rectè dixerimus, *Ridet ridere decorum*, *Ludit ludere insolens*, pro *Ludum insolentem*, quomodo alibi *Horatius loquitur*. Sic certè *Properat properare citissimum*, pro *Cito properat*, *Plauti imitatione dicitur*, cuius verba sunt *Aul. act. 2. sc. 2. Nunc domum properare propero*. Idem *Pseud. act. 5. sc. 1. Pergitisne pergere?* pro *Perfectionem*. quidni ergo de candidato consulatum petente rectè dixerò? *Petit petere minimè ambitiosum*, pro *petitionem minimè ambitiosam*, sive *Petere esus*, quod *petit, minimè ambitiosum est*. In Hebraico quidem consuetudo fert, ut dicatur *Ambulat ambulare*, pro *ambulationem*, *Morieris mori*, pro *mortem*, *Venire veniet*, pro *adventum*, *Expectavi expectare* pro *expectationem*.

tionem. Pariter apud Græcos legimus dictum *ἔειπεν*, *Abiit autem abire*, pro abitionem; *ἔφη*, *Dixit dicere*, pro dictum. Sed & Germani mei eodem modo, *Ich wil gehen gehen*, *Ibo ire*, pro *Ibo itum* sive itionem. nec dissimiliter Cic. 1. Acad. *Confestim ad eum ire perreximus*. Et in Arato, *Post hanc ore fero, Capricornus vadere pergit*. Et Virgil. *Observans, quæ signa ferant, quo tendere pergant*. Et Terent. *Domum ire pergam*. In his omnibus Accusativi formalis loco verbum Infinitum ponitur: nam *Pergere*, *ire*, *tendere*, *vadere* sunt synonyma, ut sensu nihil differant; *Perrexit pergere*, *perrexit ire*, *perrexit vadere*, *perrexit eo tendere*. Quo pacto etiam in hoc Terentii formalis accusativus à verbo regitur, *Color ejus signum pudoris indicat*. Nam *Signum* ponitur pro *Indicium*, eoque forma verbi *Indicat*, non objectum exprimitur. Sic *Sentire*, hoc est, *Audire auditum*. Lucret. lib. 3. dixit, *Neque aures Auditam per se possunt sentire, nec esse*: quo etiam libro *Moveri motum* legimus, *Primordia conclusa moventur Sensiferos motus, quos extra corpus in auras Aëris haud possunt post mortem ejecta moveri*. Rarò autem usuvenit, ut idem verbum simul formalem & materialem accusativum regat: cujus rei exempla sunt apud Catonem de re rustica, *Fane pater, te bonas preces precor, ut sis mihi volens propitius*. Ubi in *Precor te*, est accusativus externus, alienus & materialis, sive objectivus. In *precor preces*, est internus, cognatus & formalis, qui semper in verbo *Precor* intelligitur, etsi numquam exprimitur. Hoc autem loco visus est exprimendus, quoniam diversa sunt precum genera. Sunt enim *Preces bona*, quibus bona à diis petuntur; sunt *Mala*, quibus mala alicui inprecamur, quæ & *Dire* & *Thyestæ preces* vocantur ab Horatio. Solent autem Latini materialem accusativum in dativum convertere, quoties verbum activum, formalem sive

five expressum, five suppressum regit. Verbi gratia, apud Virgil. *Optime Grajugenum, cui me fortuna precari Voluit.* Subaudimus accusativum formalem *Preces*: quomodo *Servire alicui*, subaudito interno accusativo *Servitutem*. aliter dicimus *Servire aliquem*. Turpil. *Qua mulier volet sibi suum amicum esse diuturnum, modicè atque parè ejus serviat cupidines.* Senec. *Assuescamus paucioribus servis serviri.* Plaut. *Matrona est unum inservire amantem.* Sic in *Nocere alicui*, subauditur *Noxam vel Nocumentum*; cum aliter non malè dicatur, *Nocere aliquem*. Plaut. *Furo me nociturum esse neminem.* Sic in *Invidere alicui* deest *Invidiam*, cum alioquin rectum sit *Invidere aliquem*. Ita in *Adulari alicui*, deest *Adulationem*: aliter enim *adulari aliquem* rectius dicitur. Nec aliter *Impedire alicui* dicitur, subaudito *Impedimentum*. Varro 9. de ling. Lat. *In vestimentis & adificiis novitati non impedit vetus consuetudo.* Sic *Misereri alicui*, subaudi *Miserationem*. Hyginus fabul. 58. *Cui Venus miserta est.* Quintilianus pater Declamat. 272. *An matrem accusari aequum est, cui misereri satis non possumus?* nec tamen dissimulare possum, rectius videri, ut *Miseret me illius*, sit *Misericordia illius*, aut *Miseria illius* miserum me facit, id est, me cruciat, ut animi, vel ab animo miser sim; & *Misereor illius*, sit *Miser fio illius* *miseria*: cui consequens est, ut *Misereor tibi*, valeat *Tua causa* miser fio, five animi discrucior; sicut *Gratulor tibi*, *Gaudeo tibi*, *Rideo tibi*. Nec dubito, quin ut *Currere alicui* frequenter veteres dixerunt, subaudito *Curam*, similiter *Amare alicui* dixerint, ut *Amorem* supprimerent, cum *Amator alicui*, pro *alicujus* in Plauti Milite extremo legamus. Etiam *Basfare* dativum adsciscit, ubi formalis ejus accusativus exprimitur, ut sit *Basfare alicui* *basia*: quæ ipsa multorum aliorum est ratio, quæ enumerare longum sit.

Jam

Jam nec illud non satis exploratum est, quodcumque Nomen sit verbi activi appositum, idem esse passivi, cum verbi, tum participii suppositum, ut *Amo pecuniam, Amatur pecunia, Amata est pecunia, Amanda est pecunia*. Itaque cum *Cursus* vel *Currere* sit appositum verbi *Currit*: rectè dicetur, *Cursus curritur*, vel *Currere curritur*. Eadem est ratio in istis, *Propero properare, Properare properatur, Properare properatum est, & properandum est. Pergam pergere, Pergere pergitur, Pergere perrectum est, & pergendum est. Precor precari, id est, preces, Precari precandum est. Servit servire, Servire serviendum est. Petit petere, Petere petendum est. Cic. de Senect. Quam viam nobis ingrediendum sit: subaudi Ingredi. Si ergo dicam, Ne malè audiamus verendum est, subaudis Vereri. Ita Pergendum est nobis hanc viam, subaudimus Pergere. Insaniendum est cum furentibus, supple Insanire. sicut Insanire cum furiosis necessarium est, Triste insanire hilari est periculosum, Ridere decorum senectuti non contingit. Ergo in Ridendum est, subaudimus Ridere, sicut Bibere in Nunc est bibendum. Tibi judicandum est rectè fecerim, supple Judicare seu Judicium: quomodo Poëta apud Cic. I. Divin. Paris judicavit judicium inclutum inter tres Deas. Ita Tibi ad illum eundem est, subaudi Ire, quod valet Itus sive Itio aut Iter, ut apud Horat. Ire tamen restat, Numa quo devenit & Ancus. Ita Non est invidendum virtuti gloriam, subaudi Invidere: quomodo Invidere virtuti iniquum est. Horum similia afferri possent longè plurima: sed merito vereor, ne vel istis nonnullam periurgias aut supervacuæ operositatis notam duxerim. Hoc tantum dictis appingendum videtur, leporis Attici genus à Grammaticis censerì, ut verba cum cognatis accusativis construuntur: tanquam *manian mainei*, insanit insaniam, vel furit furorem, *phygen pheugei*, fugit fugam, *Leron Lereis*, nugas nugaris, *mochthon mochtei*,*

*mochithei*, laborem laborat, *archein archen despoti-*  
*cen*, imperare imperium herile, *machomai machen*,  
 pugno pugnam, *pheresthai phoran*, ferri lationem seu  
 moveri motum, *tolmasthai mega tolmema*, magnum  
 ausum audere, *hybrin hybrizeis*, quod Latini redde-  
 rent, *Injurie es injurias*. pro quo Barbari *Injuste in-*  
*jurias*, id est, contumeliam facis. Cæterum quod  
 interesse Lucianus putat inter *hybrizo se & hybrizo*  
*eis se*, in eo tota errat via, perinde ac vulgus Gram-  
 maticorum Ellipsin non animadvertentium. nam in  
*hybrizo se*, id est, *contumelia te afficio*, regularis est  
 Syntaxis verbi activi cum accusativo materiali: in  
*hybrizo eis se*, id est, *sum in te contumeliosus*, figurata  
 est Syntaxis, in qua formalis accusativus *hybrin*, per  
 ellipsin reticetur, prorsus sicut in *Adulari alicui con-*  
*ringere monui*: quod Quintilianus tantus magi-  
 ster, qua ratione dictum foret, minimè perspi-  
 ciens, culpis annumerare, atque inter Latinitatis à  
 Ciceronis ætate jam degenerantis exempla recen-  
 sere ausus est. qua de re Paradoxon nostrorum  
 quarta epistola plura qui volet invenerit.

*Nobili & cultissimi ingenii Viro*

FRANCISCO ELLIO

MARIANGELUS A FANO

BENEDICTI S. D.

V.

CUM sciam, quanta cum voluptate legere  
 soleas, quæ ad politiores literas pertinent,  
 quantumq; in omni humanitatis ratione judi-  
 cio polleas, nullus mihi relinquitur dubitandi locus,  
 quin

quin quæ Grosippus noster adversus Grammaticorum sententiam de *Verborum modis* nuper disputavit, eas sis avidè lecturus. Hoc amplius verò nonnihil te mihi debitum arbitror, qui hujus tibi lucubrationis copiam obtulerim. Id spectata mihi humanitas tua spondet, quam natalium tuorum nobilitate dignam possides. Vale.

*Modi Verborum Potentialis & Permissivus sunt supervacuum & inane Grammaticorum commentum.*

**N**Egari, opinor, non debet, maximum *Emmanuelis Alvari* fuisse benè de linguæ Latinæ studiosis merendi studium, magnum bonorum auctorum usum, minimè poenitendam Latinè scribendi facultatem. Itaque cum laus ei multa debetur, tum gratia pro iis, quæ præstitit, haud mediocris. Simul tamen fatendum est, quod res ipsa clamat, non semel cum veterum Grammaticorum auctoritate auferri se passum, ut iudicio, quo valebat tamen, in iis, quæ ineptè illi excogitarant, limandis uti superfederit. Ei rei documento sit vel *Potentialis & Permissivus* Verborum modus, quos sibi à Prisciano aliisque Grammaticis obtrudi passus est, iisque porro tenera tironum ingenia fatigare nihil pensi habuit. Ipse quidem maximum ejus laboris sui pretium facere sibi visus est, & politissimi vir ingenii dictionisque cultissimæ, qui causam pro ejus Grammatica adversus Veronensem Pescettium dixit (qui quidem dum *Scholarum Collegii Romani Correctorem* se profitetur, eadem opera haud obscure fert, *curvas* ibi, qui corrigi necesse habeant, minimè deesse) is ergo tantum non triumphum Alvaro decernit ob tam insignem



insignem Modis illis tradendis operam juventuti navatam. At nos Annotationibus in nominum & verborum Paradigmata satis planum videmur fecisse, nullos verborum modos esse, nisi qui Adverbiis exprimuntur; magnamque veterum ἀδιαφορίαν in usurpandis primorum & secundorum temporum verbis (quæ vulgo *Indicativi*, *Optativi* & *Subjunctivi* modi nuncupantur) usumque promiscuum fuisse: quæ de re in *Minerva* nostra uberius disputavimus. Nunc hoc modo Lectori probatum velim, subineptè Potentialem significandi modum in iis fingi verbis, quibus hoc ex eventu nullaque necessitate aut insita vi, sed solo interpretantis arbitrato contingit, ut verbo *Posse* explicari queant. Verbi gratia: In hoc Terentii, *Bonus hic vir est. Si hic vir sit bonus?* nulla prorsus est necessitas, cur verbum *sit* pro *esse potest* dictum accipiamus, cum idem ipsum, quod semper alias, hoc quoque loco significet. Est enim per reticentiam concisè, sive ἰνερπλήτως dictum, pro *Ain ut hic sit vir bonus? Estne ut hic sit vir bonus?* sive *Itane res est, ut hic sit vir bonus?* quod quàm verè dicam, vel hinc judicari poterit. Cicero lib. 9. ad Attic. epist. II. *De Domitio opinor esse ut in Cosano sit, & consilium ejus ignoretur.* Si dixisset, *Domitius in Cosano sit? Domitii consilium ignoretur?* quis jam dubitaret, quin integra oratio futura fuerit? *Estne ut Domitius in Cosano sit? Estne ut Domitii consilium ignoretur?* Plautus *Pœnul.* act. 5. sc. 2. *Si ita est, ut tu sis Iacchonis filius.* Itaque si dictum foret, *Tunc ut sis Iacchonis filius?* nequaquam nobis interpretandum esset, *Tunc potes esse Iacchonis filius?* sed potius, *Itane res est, ut tu sis Iacchonis filius?* Idem *Men.* act. 4. sc. 2. *Mihi ut tu dederis pallam?* numquam factum reperies. pro Factumne est ita, ut mihi dederis? Idem *Amphit.* act. I. sc. I. *Factum est, ut ego illud vini ebiberim.* pro Ita factum est, ita res est, ut

ebiberim : nam *Factum* & *Res* indiscriminatim pro eodem accipi , Grammaticæ pag. 148. demonstratum videris. Idem Plautus *Trinum.* act. 2. sc. 2. *Factum est ut illud perierit* , pro *Ita factum* , seu *res est*. Itaque frustra quis *Potentialem* modum in istis somniet. *Istudne perierit ? Egone illud vini ebiberim ?* Posse verò *Ain* quoque aut *Dicisne* in ejusmodi subaudiri , multis locupletium auctorum locis docere queam : sed paucis in specimen contentus fuero. Terent. *Hec.* act. 1. sc. 2. *Quid ais, cum virgine adolescens cubuerit plus potus, sese illa abstinere ut posuerit ? non verum arbitror.* Plautus *Mostell.* act. 1. sc. 1. *Non verum loquere, ut quis absens absentem comesse possit.* Varro lib. 1. rei rust. cap. 2. *Verum dicit ut ille hoc scripserit.* Hinc porro planum fit , quid in istis subaudiri liceat , *Illene hoc scripseris ? Quisquamne absens absentem comedere possit ?* Similiter in illo Ciceronis, *Ego te Consulem putem, cum me non putes Senatorem ?* suppressum putemus licet , *An dicis, an postulas, an faciam ut, eritne ut :* in quibus generibus Romanorum idiotismum esse ex Donato discimus. Is enim in *Phorm.* act. 2. sc. 1. *Honestam locutionem esse monei, si est ut culpam in se admiserit, pro si admisit.* quale est Horatianum illud , *Non est ut copia major ab Jove donari possit tibi.* pro *Non potest tibi donari.* Et alterum ejusdem, *Est ut viro vir latius ordines arbuta,* pro *Viro vir latius ordinat.* Subauditur enim *Res* & *Ita.* Ut enim semper est similitudinis , adeoque *Ita* ei respondet : quod Grammat. pag. 44. & 80. monui. *Est* verò velut verbum finitum , *Nominativum* suppositum habeat necesse est. qua de re pag. 65. attigi. Ac ne quis perperam sibi persuadeat, *nominativum Vir,* esse verbi *Est* suppositum, habemus Terentii locum *Phorm.* act. 5. sc. 7. *Si vis mihi uxorem dare, ducam : sin est, ut velis manere illam apud te, dos hic maneat.* unde præterea discimus , eundem utrobi-

utrobique sensum esse, *Si vis, & Si est ut velis*, pro Si ita res vel negotium est ut velis. Cicero lib. 14. famil. epist. 9. *Ejusmodi spero negotia esse, ut vos istic commodissime sitis.* pro quo dicere poterat, *Spero esse ut istic commodè sitis.* Iterum Terent. Adelph. act. 3. sc. 6. *Si est ut facturum sit officium, faciat*, pro Si facturum est officium, si ejusmodi negotium est, si res ita se habet, ut sit facturum officium. Et Hecyr. act. 4. sc. 1. *Roga, velitne uxorem, an non: si est ut dicat velle se, redde; sin est autem ut nolit, rectè ego consului mea.* Et mox sc. 4. *Sin est ut aliter tua sit sententia, accipias puerum.* Et mox, *Manere affinitatem hanc inter nos volo, si nullo modo est ut possit.* Et act. 5. sc. 2. *Si est ut hac Pamphilum verè ab se segregarit.* Massurius Sabinus apud Agell. 4. cap. 20. *Cur ita est, ut tu sis, quàm equus, curatior?* Ubi *Res* subaudiri nemo est quin perspiciat. In hoc ergo Quinctiliani, *Frangas citius, quàm corrigas, qua in pravum induruerunt*, subaudimus, *Ita res est, ut: Ejusmodi negotium est, ut.* Et in hoc Virgilii, *Unus homo tantas strages impune per urbem Ediderit?* subaudimus, *Eritne ut, Itane res erit ut.* quomodo apud Terent. Adelph. act. 2. sc. 1. *Usque ad necem operiere loris. S. A. loris liber? A. sic erit.* ut scilicet operiare. In ejusdem quidem Heauton. act. 5. sc. 2. orationem hanc penè integram hoc modo legimus, *Itane tandem quaso est Menedeme, ut pater tam in brevi spatio omnem de me ejecerit animum patris?* Sic plerosque omnes libros veteres habere Faernus testatur, nec nisi sola vox *Res* deest, ut omni ex parte sit regularis constructio, quæ per figuram sic èfferri potuit, *Pater ergo omnem de me animum patris ejecerit?* Et scæna, quæ proximè sequitur, orationem hoc modo concisam legimus, *Subditum se suspicatur. C. H. Subditum, ain tu? S. O. certè sic erit.* pro Ain tu ut se suspicetur subditum? Sic erit res ut se suspicetur subditum? Apud Lucretium

lib.2. legimus, *Non est ut credere possis.* pro quo alius diceret, *Non possis credere* : verbo *Est*, suppresso simul cum ejus supposito, quod dixi esse *Res* vel *Negotium*. Itaque si quis dicat, *Non facile credas, quàm hoc sit factu difficile*, nihil attinet ad Potentialem modum confugere, & *Credas* per *Credere potes* interpretari, cum Lucretius nos doceat, plenam orationem esse, *Non est ut facile credas*. Etiam in Permissivo seu Concessivo *Alvari* modo verbi *Esse* imperativus, sive futurum tertium *Esto* subauditur, ut Permissio omnis ab eo, quod subtrahitur, pendeat, non ab eo, quod exprimitur. Cicero, *Hæc si vobis non probamus, sint falsa sanè : invidiosa sanè non sunt.* pro, *Esto ut sint falsa*, *Licet ut sint falsa*. Terent. *Profundat, perdat, pereat : nihil ad me attinet.* pro *Licet ut profundat*, *Esto ut profundat* : sicut Juvenal. *Nil fecerit esto.* pro *Ita res esto, ac nihil fecerit*. Ita in hoc Ciceronis, *Trahantur per me pedibus omnes rei : non laboro, subaudiamus* *Licet Esto ut*, vel *Licet ut*. quomodo Plaut. Rud. *Mea quidem causa salvus sis licet.* Et ipse Cicero, *Per me vel stertas licet.* Eadem ratio est in hoc Ciceronis, *Malus civis C. Carbo fuit. Fuerit aliis : tibi quando esse coepit ?* pro *Esto ut fuerit*, *Licet fuerit*. sicut idem de Finib. 2. *Esto fecerit, si ita vis, Torquatus propter suas utilitates.* pro *Ita esto ut fecerit*. Et in hoc Virgilii, *Verum anceps pugna fuerat fortuna, fuisset.* pro *Esto ut fuisset*, *Licet fuisset*. Neque dispar est ratio in isto Cic. *Age, restitero Peripateticis, sustinuerò Epicureos : Diodoro quid faciam Stoico ?* valet enim, *Esto ut restitero*, *Licet restitero* seu *restituerim*. Priscè enim *Amaverim & Amavero, Faxim & Faxo, Caplim & Capso, Dederim & Dederò, Aufugerim & Aufugero, Dixerim & Dixero*, omniaque id genus alia promiscuè tam de futuro, quàm de præterito dicebant : quod eos præcipuè, qui in Plauto hospites non sunt, præterire non potest.

test. Itaque frustra est Alvarus cùm Potentiali modo adscribit Plinianum illud, *Nec facîle dixerim, quæ atate cœperit.* Itemque hoc Tullianum, *Pomeridianas libentius dixerim, quàm post meridianas.* Est enim futurum secundum pro primo positum, id est, *Dixerim* pro *Dicam*: quomodo Plautus. *Emissim* sive *Emerim* vel *Emero*, & *Emam* indifferenter usurpat. *Casin. act. 2. sc. 2. Non ego istuc verbum emissim titi-vilisio.* *Pœnul. act. 1. sc. 2. Cujus ego septem noctes ne-bula cyatho non emam.* In aliis porrò exemplis, quæ potentiali modo Alvarus asserit, *si velim* aut *velit*, *si libeat*, *si placeat*, *si velles*, *si necesse sit*, *si res ferat*, aut aliud quippiam ejusmodi suppressum esse intelligitur. *Virgil. Nec si cuncta velint breviter decur-rere possim.* pro quo per concisionem sive imminu-tionem alius diceret, *Non possim cuncta brevi oratione percurrere.* *Plaut. Pseud. Homines qui gestant crimina, si meo arbitratu liceat, omnes pendeant.* pro quo dici poterat, *Pendeant omnes qui gestant crimina.* Idem *Afin. Nauteam bibere malim, si necessum est, quàm illam osculari.* *Virgil. Hoc Ithacus velit, & magno mer-centur Atreide.* Subauditur, *Si liceat.* *Sallust. Sed confecto pralio, tum verò cerneret quanta audacia fuisset in exercitu Catilina.* Subaudimus, *Si videres, si velles.* *Cicero, Voconia lex videlicet te delectabat. Imitatus esses illum ipsum Voconium.* Subauditur, *Si te lex illa delectabat.* Ita nihil attinet, ut vel *Potuisses* vel *Debuisses* imitari, in-terpretemur. In hoc *Virgil. Et ni mea cura resistat, Nam flamma tulerint, inimicus & hauserit ensis,* subau-dire possumus, *Esset ut, Foret ut.* similiterque in isto *Livii, Tum verò nequicquam Capitolium servaverim, si ci-vem meum in servitutem duci videam.* In *Virgiliano il-lo, Quid facerem,* suppressum intelligimus *Vis ut, Cen-ses ut*, vel, *Si rectè facere volebam.* In *Terentiano au-tem, Diceret, quid feci, quid peccavi?* planum satis est subaudiendum esse, *Si eum objurgarem*: adeoque

intempestivum est interpretari *Diceret per Posset dicere*. Ista quippe senex filium, si objurgatus esset, non dicere posse, sed certe dicturum fuisse sentit. Cæterum quod de *Capfim* & *Capso* dixi, in memoriam me revocat ejus, quod perperam censuit Cicero, in *Capfis* tres esse voces, quasi factum sit ex *Cape sis vis*. quid ergo faciet Tullius de *Capso*, *Capfis*, *Capsimus*, quæ Plautus habet? Si alicubi legit Cicero *Cap sis*, non fuit illud simile imperativis *Dic sis*, *Fae sis*, *Duc sis* (nam *Cap* per apocöpen pro *Cape* non dicitur) sed fuit secunda persona à *Capfim* vel *Capso*, quo prisci utebantur pro *Ceperim*, & *Cepero*, & subaudiebatur *Fac* de quo in Grammat. pag. 37. monui. Cæterum *Cape sis* in Plauto legimus *Afin. act. 3. sc. 3. Cape hoc sis, Libane*. Et *Rud. act. 2. sc. 5. Cape aquam hanc sis*. Et *Merc. act. 5. sc. 2. Cape sis puer hoc pallium*. Et *Trin. act. 3. sc. 2. Cape sis virtutem animo*.

## LEONARDO PAPPO JC.

&amp; Canonico Constantiensi

## MARIANGELUS A FANO

BENEDICTI S. P. D.

## VI.

**E**T si te veterem Grossippi nostri contubernalem & interioris notæ amicum minimè præterire potest, quæ illius de Lexicis, sive Vocabulariis, aut Thesauris linguæ Latinæ, eorumque forma & usu sit sententia: minimè tamen ingratum tibi facturum me confido, si tibi perscribam, quæ in familiari sermone eadem de re non semel differentem audiivi. Ejusmodi ergo vocabulorum Latinorum Indices tum demum numeris omnibus abso-

absolutos & quantavis prædicatione dignos fore  
 cenſet, ſi *Maſtri*, non *Miniſtri* tantum operam le-  
 ctoribus ſuis navent, pariterque *Judicium* informet  
 & *Inventionem* adjuvent, ut nimirum cum de verbis  
 ſingulis ac conjunctis exploratè judicari queat, quæ  
 vera ſingulorum vis ſit ac ſignificatio, quoſque illa  
 auctores habeant, tum ut quacunque de re ſcriptu-  
 rus, ea minimè laborioſè reperire poſſit quæ animi  
 ſenſa explanent, ſive numquam illa ſciverit, ſive  
 lecta quidem vel audita in memoria non habeat.  
*Judicium* porro tribus rebus dirigitur, Ratione,  
 Obſervatione & Interpretatione. *Ratio* vel ad Ety-  
 mologiam vel ad Syntaxin pertinet. *Etymologica ra-  
 tio* poſtulat ut doceatur, ad quam orationis partem  
 quæque vox pertineat, hoc eſt, Nomenne ſit an  
 Verbum, an particularum aliqua, Præpoſitio puta,  
 Adverbium, Conjunctio & Interjectio: tum quæ  
 nominis ſpecies, adjectivumne an ſubſtantivum, &  
 adjectivumne natura an uſu: adhæc primitivane  
 ſit, ſeu primæ impoſitionis, an aliunde flexa ſeu  
 derivata: præterea quæ propria ejus ſit ſignifica-  
 tio, quæ Tropica ſeu figurata. Verè enim unica tan-  
 tum eſt vocabuli cujuſque propria ſignificatio, re-  
 liquæ omnes Tropum continent ob rerum inter ſe  
 ſignificatarum affectionem aliquam: quia ſcilicet  
 altera alterius vel cauſa eſt, vel effectum; vel ſub-  
 jectum, vel adjunctum; vel totum, vel pars; vel  
 antecedens, vel conſequens, vel connexum; vel  
 ſignum, vel ſignatum; vel conjugatum; vel con-  
 ſentaneum aut ſimile, vel diſſentaneum aut oppoſi-  
 tum. tandem ſimplicibus ſubjici debent compoſita,  
 & derivata primigeniis, quod ea res magnum ad  
 intelligendum ſingulorum vim ac poteſtatem mo-  
 mentum faciat. *Syntaxeos ratio* in iis, quæ Concor-  
 diæ aut Rectiõis ſunt, occupatur: non tamen ut  
 Grammaticæ partes invadat, ſed ut adimoneat Le-

ctorem, sicubi obscurum est, secundumne regulas constructionis, an per figuram aliquid dicatur. Verbi gratia: *Primum*, adverbialiter positum per ellipsin præpositionis & nominis substantivi, pro *Ad primum tempus* aut *locum*. *Primo*, adverbialiter positum per ellipsin præpositionis & nominis substantivi, pro *In primo*, *A primo loco*, aut *tempore*, aut *pretio*, aut *numero*, aut *pedatu*. *Latere aliquem*, Græca figura, pro *alicui*. *Reginus* adjectivum; sicut *Regius*, cujus solum fœmininum in usu mansit *Regina*, in quo subauditur vel *uxor* vel *filia*. *Patria*, nomen natura adjectivum, cum quo subauditur *Terra*; sed usu substantivum: ut *Livius*, *Neapolis mihi materna patria est*. *Mille hominum*, pro *Mille homines* per ellipsin vocis *Rem* aut *Negotium*: sicut *Plus centum annorum est*, & *decem talentorum mihi reliquit*.

*Observationis* est, ea ex melioris notæ auctoribus referre, quæ partim bene loquentium consuetudini sunt consentanea, partim honesta, & lecta atque à plebe semota: ut scilicet illa orationis vitia caveri possint, quæ Grosippus noster in Propædia sua Rhetorica *Insolentia* & *Adiaphoria* subjicit, Archaismus puta, Neoterismus, Idiotismus seu Peregrinitas & vilitas vel Plebitas: etsi notitiæ saltem causa illa quoque in Lexico observari convenit, quæ vel prisce, vel novè ac singulariter, vel peregrinè præcipuèque Græcanicè, vel denique pro plebis Romanæ consuetudine alicubi dicta inveniuntur, dum tamen vitii nota singulis appingatur, ne, quid turdò usurpet, Lector ignorare possit. Hoc autem vix præstiterit, nisi qui singulorum penè vocabulorum loquendique generum Indices ex unoquoque aureæ & argenteæ ætatis scriptore confectos habet; ut nihil prorsus eum queat effugere: aliter enim iudicium Lectoris dubium semper & fluctuans relinquet. Verbi gratia: Si judicare velis, satisne Latine dictum



dictum sit, *Daturum me tibi promitto cum eo*, ut mox mihi reddas, consultus linguæ Latinæ Thesaurus anno 1573. Lugduni editus, qui longè cæteris Indicibus præstat, docebit te, *Cum eo*, pro *Ea lege* apud Columellam & Cornelium Celsum legi: sed neque qua id ratione dictum sit, expedit, neque ullum ejus auctorem aureæ ætatis laudat. Ut ergo exploratò judicare de hoc loquendi genere possis, Lexicographi partes erunt, hoc modo commentari,

*Cum eo*, per ellipsin dicitur, pro *Cum eo modo* seu pacto, *Cum hac lege & conditione*. Cic. 6. ad Attic. 1. *Mihi non excidit illud, quod tu ad me scripsisses, si nihil aliud de hac provincia, nisi Bruti benevolentiam deportassem, mihi id satis esse. Sit sanè, quoniam ita tu vis: sed tamen cum eo (credo) quod sine peccato meo fiat.* Livius lib. 8. 14. *Lavinii civitas data, sacraque sua reddita cum eo, ut ades Funonis communis Lavinii cum Populo Romano esset. Et mox, Antium nova colonia missa cum eo, ut Antiatribus permetteretur, si & ipsi adscribi coloni vellent.*

Similiter si scire certum velis, *Instar* pro *Ferè*, *Quasi*, *Circiter* probène dictum sit, nec observatione ulla, nec ratione judicium tuum vulgata Lexica moderabuntur: quod faciet, si sic scribat Lexicographus,

*Instar*, nomen substantivum, nominativo & accusativo casu modo inventum, significat *speciem*, *similitudinem*, *modum* seu *quantitatem*. Sueton. Julio cap. 61. *Equi sui instar pro ade Veneris dedicavit*, id est, statuam, effigiem. Ulpianus leg. 22. Dig. de operis novi nunciatione, *Si proponatur instar quoddam & quasi facies quadam operis*, id est, *Species*, ut quale opus futurum sit, quodammodò appareat. Cæsar 3. belli civil. *Animadversum est, cohortes quoddam, quod instar legionis videretur, esse post sylvam*, id est, Ad numerum simile legioni. Hirtius bello Alex. *Cæsar cohortium trium instar in terram exposuerat.*

**Livius lib.28. 17.** *Scipio receptas Hispanias parvum instar eorum ducebat, quæ spe ac magnitudine animi concepisset.* **Cicero 10. ad Attic. Epistola,** *quæ voluminis instar erat.* **Idem 2. Offic.** *Qui clientes se appellari, mortis instar putant.* **Idem 5. Verrin.** *Navis ita magna, ut urbis instar habere inter piraticos myoparones videretur, id est, speciem.* **Idem Orat.** *Idæ magna sunt, & tamquam animi instar in corpore, id est, similitudo.* **Idem 4. Tuscul.** *Terra ad universi cæli complexum puncti instar obinet.* **Virg. 6. Æneid.** *Qui circum strepitus comitum, quantum instar in ipso est? id est, quanta species & magni viri indoles ac similitudo?* **Idem 2. Æneid.** *Instar montis equum divina Palladis arte ædificant: ubi ellipsis est, pro Equum entem instar montis, sive qui est instar montis.* Aut deest **Præpositio Ad,** quam teste **Servio Septimius Serenus** celebris Poëta Lyricus expressit, ejusque exemplo **Apulejus** & **Imperatores** in **Codice Justin.** sæpius, ut *Ad instar montis equus*, sit velut *Ad modum*, seu similitudinem aut magnitudinem montis. Hinc ad exprimendum numerum, promiscuè *Ad modum* & *Ad instar*, aut per ellipsin *Instar* usui esse solet. **Livius,** *Sex millia hostium caesa, quinque ad modum Romanorum,* id est, quasi, ferè, circiter. **Idem,** *Mille ad modum vehicula capta. Exaëto ad modum mense Februario.* **Cic. 16. ad Attic. epist. 5.** *Mearum epistolarum nulla est synagoge seu collectio. Sed habet Tiro instar septuaginta, subaudi Epistolarum.* **Varro 1. rei rust. 1.** *Adjecit non pauca, & de Magonis demisit instar librorum octo.* **Columel. 2. cap. 5.** *Acervi stercoris instar quinque modiorum disponuntur.* **Catul.** *Murtola habet instar triginta jugera prati, pro Habet jugera prati ad instar, sive ad modum triginta jugerum.* Sic habent omnes codices manu formisque descripti. Sola **Plantini** & **Raphelengii** editio stolidam & à Latini sermonis ratione alienissimam **Josephi Burdoscali-**  
geri

geri conjecturam in contextum recepit, extrita vera scriptura: qua de re videatur Scioppii Scaliger Hypobolimæus, pag. 210.

*Interpretationis* denique est, explanare auctorum loca quæ recitantur, ut Lexicon sit commentarii vice, nec eos qui Latinè volunt scribere, verbis Latinis barbarè uti patiatur. Verbi gratia, *Fidem adhibere*, in Plauti Rudenti legitur: quod Lexicographus interpretari debet, idem scilicet significare quod Uti fide, ad negotium aliquod fidem afferre in eoque cum fide versari, sicut *Adhibere diligentiam*. nam nisi sic explicaverit, faciet Lector, quod Ausonius, Manutius, multique alii primores in literis viri fecerunt, ut dicat *Adhibere fidem*, pro Credere alicui: quod minimè Latinum esse Grosippus Paradox. pag. 43 & in Propædiæ Rhetoricæ fragmento nuper edito monuit. quod enim apud Ulpianum invenitur leg. 1. Dig. de quæstion. aut mendosum, aut à Triboniano profectum videtur, sicut & *Furamentum* vox barbara: etsi nec Ulpiani ætas ea est, quæ Latini sermonis corruptela vacet. Ita *Projicere ampullas* apud Horatium, monebit Lexicographus esse idem, quod Missas facere, valere jubere, abjicere, abstinere, non uti: quæ verbi *Projicere* significatio in Plauto, Ciceronè, Catullo & Seneca observari potest. Aliter minimè Latinè & ridiculè de tumidi & gloriosi sermonis homine Horatii versu Lector utetur, *Projicit ampullas & sesquipedalia verba*: quemadmodum Casaubono usuvenit, cujus in Comment. Athenæi pag. 186. verba sunt, *Nunquam Comicus Græcus Tragicorum Poëtarum verba sesquipedalia subsannat, quin ampullas projiciat*. Ita *Salillum anima* apud Plautum, nisi quis in Lexico rectè interpretatum viderit, ridiculè pro Corpore accipiet, quasi Corpus sit salinum, Anima vero sal. At enim *Salillum anima amittere*, non est *Amittere corpus*

*corpus* (quod Ciceroni & Lucretio significat *Macescere* seu *macilentum* fieri : cui contrarium *Corpus facere*, apud Phædrum fabulatorem, pro *Pinguetiscere* sive *Habitiorem* fieri) sed *Amittere* animam, seu *mori*. Ex quo perspicuum evadit, *Salillum anima* dictum pro *Anima*, quæ est *Salillus*, sive *sal* corpori datus ut ne putiscat : sicut *Premia palma* Virgilio, pro *Palma* quæ est *præmium* : *Arbores abietis* Livio, pro *Abietes* quæ sunt *arbores* : *Medorum hostes* Propertio, pro *Hostes Medi*, quorum similia Grosippus Gram. pag. 128. annotavit. Ratio porro hujus veræ interpretationis ex antiquitatis pendet notitia. Ex Græco nimirum *ἀλς* Latini formarunt *Salis*, quoniam nec consonantes continuabant (ut in *Plebes*, *Faces*, *Ancipes*, *Præcipes*, & similibus apparet) & adspirationis notam sibilo commutabant, ut *ē sex*, *inā septem*, *ūc sus* &c. A prisco ergo *Salis* derivatur *Salillus*, sicut à *Lapis* *Lapillus*, ab *Anguis* *Anguilla*. Jam ergo Prolusionum Academicarum scriptori periit *sal* suus, quem in illudendo Cantabro illo viri frustulo consumserat, adeoque per hunc *sa*lem *insulsus* victitare potest. Neque tamen *salillum* Grosippus propterea negat à *Salino* rectè deduci ; qua voce Plautus etiam in *Persa* utitur, *Qui servo salinum obsignant cum sale*, pro *Salinum* vas, in quo est *sal*, non inane. sicut *Curcul. Sinus cum vino*, pro *Sinus* in quo est *vinum*. Ex quo judicari potest, quàm nullo judicio Plauti locum Germani editores non præter solitum nuper corruerint, cum invitis libris scriptis ediderunt, *Servo allium obsignant cum sale* : omnino autem facilem reddit interpretationem Etymologiæ ratio, de qua suprâ attigi, si primitiva an derivata vox sit consideretur, quidque propriè ac per Tropum aliquem significet. Verbi gratia : *Lego* primitiva vox est, à qua derivatur *Diligo*, cujus propria significatio

tio est, *Hinc inde lego & ab aliis discerno*: quod facit qui cum magna pomorum congeries humi jaceat, non legit seu colligit omnia, sed grandiora modò eximit, quæ auferat. Et quoniam ex multis pauci eligendi sunt, quos quis amet, hinc factum ut *Diligere* pro *Amare* usurparetur per metonymiam Antecedentis. Atque hinc Cicero *Amare* plus esse monet, quàm *Diligere*, quod in Diligendo sit amoris principium. *Dilectus* ergo *militum* (quomodo Festus scribendum docet) propriè dicitur; per Tropum verò significat eum, qui amatur. unde & *Dilectio* (qua tamen voce nemo Latinus utitur) quæ posterioribus Tacito & Symmacho est *Diligentia*: quæ vox Ciceroni idem quoque quod Electionem vel Dilectum significat. Pro Plancio, *Non est consilium in vulgo, non ratio, non discrimen, non diligentia*. Cicero *Dilectum & Discrimen* conjunctim solet dicere, ut sensu vix quicquam differre significet. *Diligens*, propriè est Eligens seu Deligens: per Tropum usurpatur non modò pro *Amante*, ut dictum est, sed etiam pro *Studio*, *Sedulo*, *Attento*; cui contrarium *Segnis*, cum Studium & Attentio sit adjunctum Electionis. Postea significat quoque *Parcum*, id est, attentum ad rem familiarem: quæ jam est Synecdoche partis. Accuratio enim & Sedulitas quævis est Totum, cujus species est Parcimonia, id est, sedulitas in re familiari. Horum exempla ex Cicerone & aliis afferre, longum sit. Hinc *Diligenter* pro Studiosè & Accuratè per Tropum dicitur, cum propria ejus significatio sit, Cum dilecto & discrimine. Atque ita expedita erit interpretatio Ciceroniani hujus, *Diligenter Latine loqui*. In Bruto, *De Tito Flaminio nihil accepi, nisi Latine diligenter locutum*, hoc est, Usum verbis lectis, Solium ex variis ejusdem potestatis vocabulis ea eligere, quæ honesto & nobili viro digniora viderentur; plebeia verò & for-

fordida missa facere. Et infrà ibidem, *Verba ipsa, non illa quidem elegantissimo sermone. Itaque diligenter Latine loquendi laude caruit: neque tamen est admodum inquinatè locutus.* Hic Diligenter loquitur, qui non loquitur Inquinatè, id est, qui abstinet sordidis ac humilibus. Seneca 2. de Ira 12. *Quicquid voles scire, qualesis, tempori trade. nihil diligenter in fluctu cernitur, nunquam liquidum sincerumque ex turbido venit.* Sic Varro de ling. Lat. 5. *His magis promiscuè, quàm diligenter consuetudo est usa.* Ubi Diligenter & Promiscuè sive Indifferenter aut Indiscriminatim videmus contrario inter se nomine opponi, ut Diligenter valeat Distinctè, non Confusè, ut aliud ab alio discernatur.

Reliquum est, ut quæ *Inventionis adjumenta à Lexicis præstari debeant, consideremus.* Alia nimirum sermoni necessaria sunt, alia dictioni. *Sermo* alius absolute ac simpliciter *Homini* est, alius *Homini* ingenui sive honesti aut nobilis, sicut *Distinctus* est hominis *Diserti* sive *Oratoris* aut *Poëtæ*. *Homini* ad explicanda animi sensa verbis propriis usus est, quæ tamen nec *obsoleta* sint, nec *nova*, nec *peragrina*. *Honesti* verò hominis oratio debet esse *Diligens*, aut *Elegans*, hoc est, in qua verborum sit *Dilectus*, ne plebeiis & sordidis inquinetur. *Diserti* hominis dictionem cultus & copia commendant, si nimirum *Tropis*, figuris & amplificationibus ornetur, eademque res aliis atque aliis verbis subinde efferatur. Itaque sic demum *Lexicographus* suo functus fuerit officio, si quicquid vel sermoni, vel dictioni usus erit, scripturo suppeditet. Ejus verò rei tres modos invenit *Grosippus*. Unus est ipsarum rerum in certas classes descriptio, quæ suis appellationibus insigniantur, iisque tam verbis, quàm nominibus: quod nemo rectius & felicius præstiterit clarissimo & humanarum rerum nostra

nostra ætate non dico cum primis, sed quod Gro-  
sippus censeret, unice docto *Iohanne Baptista Donio*  
*Florentino*, qui *Hermathena* suæ in viginti libros dis-  
tribuitæ instar ac *πρόπλασμα* Grosippo nuper misit.  
quod quidem opus si summi Pontificis & Fran-  
cisci Cardinalis Barberini auspicio ac munificentia  
extremam aliquando manum recipiat, politiores  
litteras in perpetuum stabilitas, nullumque post hac  
à barbariæ periculum fore auguror: multoque ea  
res Barberiniano nomini erit amplior ac glorio-  
rior, quàm quicquid est in orbe toto Pyramidum  
aut quarumcumque insanissimarum substructio-  
num moles.

Alter *Inventionis adjuvande* modus est verborum  
cum singulorum tum conjunctorum *Isodynamia*,  
sive ut vulgo loquuntur *Æquivalentia*, cum vide-  
licet maximè notis in promptuque positis ea subji-  
ciuntur, quæ aut eandem, aut saltem finitimam  
significandi vim habent, ut eorum usu orationem  
sive ornare, sive variare possis. Verbi gratia, in  
serie verborum à litera *M* incipientium, ad vocem  
*Mutabilis*, similiterque alio loco ad nomen *Incon-*  
*stans*, annotari cum alia, tum ista poterunt, quæ  
auctorum lectio suppeditaverit: *Mobilis. Volaticus.*  
*Desultorius. Ventosus. Instabilis. Volubilis. Volucer. Va-*  
*gus. Levis. Commutabilis. Varius. Multiplex. Flexibilis.*  
*Incertus. Ad omnem auram spei mobilis atque infidus.*  
*A se ipse dissentiens. Instar veli utcumque in alio ventus*  
*est, ex inde vertitur. Pluma aut folio facilius movetur.*  
*Magna ejus est varietas voluntatis & dissimilitudo opi-*  
*nionis ac judicii. Crebrò nimis stylum vertis, & frequens*  
*in decretis ejus litura est, aliudque stans, aliud sedens*  
*sentit. Horum verò usum si quis exploratius co-*  
*gnoscere avebit, de singulis priorem Lexici par-*  
*tem, id est, Commentarium consulat, ubi ipsa au-*  
*ctorum verba observata & explanata inveniet.*

Hæc

Hæc enim posterior pars vicem *Promptuarii* seu penuariæ cellæ præstat, unde quis ad ornandi vel variandi usum necessaria queat depromere. Extant quidem Manutii Elegantiæ, Hadriani Cardinalis, Antonii Schori, Oberti Gifanii, multorumque aliorum Phrasiologiæ, quæ tamen plus ferè Judicio, quàm Inventioni subserviunt, nec nisi minimam eorum, quæ afferri ex auctoribus poterant, partem repræsentant. Necesse autem habet, qui hac provincia rectè defungi volet, ea quæ in auctoribus minimè vulgariter dicta offenderit, in omnem partem versare, quibusque ea modis variari possint, periculum facere, ut sub pluribus capitibus eorum inveniendi facultas scripturo suppetat. Verbi gratia; In Cicerone lego, *Tanta temeritas, ut non procul abhorreat ab insania*. Considerans verborum vim, invenio sententiam eorum esse, *Temeritas similis, aut non dissimilis insania*. quomodo & Catullus de Suffeno, *Tantum abhorret ac mutat*, pro Tam est sui ipsius dissimilis. In Promptuario ergo scribo, *Similis. Non procul abhorret ab insania*. Item, *Dissimilis. Non procul abhorret ab insania*. Pari modo legens in Cicerone, *Hæc etsi ficta; tamen non absunt à consuetudine somniorum*, expensa sermonis elegantia comperio vulgari modo dici posse, *Non est novum, aut inusitatum talia somniari, aut Solent talia somniari* Itaque in Promptuario verbis *Solet, Novum, Inusitatum*, adscribo genus hoc loquendi, *Hæc non absunt à consuetudine somniorum*. Ad verbum quoque *Solet*. Plautinum illud & Ciceronianum appingo, *Consuetudine aliquid facere*. Hoc quippe est *Solere facere*. Ita cùm in Seneca lego, *Obsessa setis cervix*, interpretor significari *Pilosum* vel *Hirsutum*; adeoque sub iisdem verbis in Promptuarium refero illud Senecæ: in quo etiam legens ista, *Aliud ex aliis placet vexatque nos, petita relinquimus, relictæ repetimus*:



*timus : alterna inter cupiditatem nostram & pœnitentiam vices sunt, intelligo vulgari modo dici potuisse, Modò hoc , modò illud placet. Modò cupimus , modò nos pœnitet. Interdum hoc , interdum illud. Aliàs hoc, aliàs illud. Ut ergo hujus generis elegantia Lector orationem illustrare aut variare possit , sub diversis Promptuarii capitibus ac velut Inventionis locis ea illi repræsentò.*

Postremus *adjuvanda Inventionis* modus est *Appositio* , cum adjunctorum , ( cujus generis sunt adjectiva nomina ) tum adverbiorum ; quorum utroque orationem amplificari , pleniorēque & velut succosiorē reddi , ex Rhetoricis satis notum est : tamquam si dicas , *Homo omnium animalium divinissimus, Ille belli fulmen & Carthaginis horror Scipio, Æneia nutrix Cajeta, Amicus firmus & fidelis. Amare aliquem plurimum , maxime , mirifice , præcipue , valde , misere , perditè , afflictim. Cupere aliquid ardentè, summe , valde , vehementer , misere , nimis , impense , haud modicè.* Etsi autem ista Apposita Inventioni subserviunt, rectius tamen in Commentario suis vel verbis , vel nominibus suppinguntur , velut in Nizoliano Ciceronis Indice factum video.

Atque ista sunt , quæ Lexicographum facere oportere Grosippus censet , si omnes officii numeros implere , meritoque suo puncta doctorum auferre velit. *Ambrosius* Comit̃s de Calepio vel *Calepini* in agro Bergomati filius, familiæ Augustinianæ monachus in suo Lexico , quod ætas illa nondum satis literis exulta ferebat , præstitit , adeoque venia,quàm laude ulla est dignior. Etsi autem homini literato Grosippus erubescendum ducit , Calepini Indicis mentionem facere ( quo nomine non nemo de Romanis literatoribus ei succensere fertur) longè tamen ille abest , ut tam inclementer *Calepino* dicat , quàm ab eruditissimo homine *Francisco*

*Florido factum est, cujus in Apologia pro Poëtis Latinis verba sunt, Quàm laudari Nicolaus Perottus, tam reprehendi jure optimo potest Ambrosius Calepinus monachus cum suo illo insulso factidoque Dictionario, quem ex Perotti sudoribus servato literarum ordine ita disposuit, ut à se ne gry quidem in eo protulerit, ut optimè illis consuli posse nemo ambigat, si fax illa publico edicto supprimatur: quamvis Perotti auctoritatem auxerit potius, quàm imminuerit. Illius enim nomini multa in reddenda verborum ratione ab eruditis deferuntur, cum Calepino vix credant, quod veterum auctorum exemplis comprobavit: ac ille denique honoris, hic ludibrii causa in doctorum cœtibus nominari solet. At enim Calepinus hodie in omnium versatur manibus, magno doctissimorum hominum certamine auctior & melior, cum eruditi ac disertissimi illius Perotti Cornucopia, in vicum vendentem thus & odores deferri, ibique piper amicire & tunicas scombris præbere soleat, non ob aliam sanè causam, nisi quod minore multo negotio, quæ quisque velit, in Calepino invenire potest. Veruntamen quod plurima in eo desiderabantur, animus fuit additus Roberto Stephano Parisiensi typographo, ut decem diversarum nationum hominibus, quos tamquam Græcè ac Latinè intelligentes domi suæ alebat, verba omnia loquendique genera ex Latinis auctoribus excerpti provinciam delegaret: unde natus Thesaurus ejus tribus voluminibus distinctus, quem postea Calius Curio Fori Romani, Theodosius Trebellius Promptuarii nomine inscriptum Basileæ edidit, nulla Stephani mentione. Bibliopola tandem Lugdunensis magna eorum accessione, quæ Turnebi, Lambini, aliorumque Philologorum libri suppeditarant, auctiorem & emendatiorem Lugduni produxit anno 1573. quem in compendium post anno 1613. redegit Ludovicus Lucius, & Thesaurum sive Ærarium lin-*

lingua Latina inscripfit. In istis tamen omnibus plurima sunt, quæ merito cum inscitia, tum supinae cujusdam oscitantia ac negligentia accuses. Primum enim nihil dici potuit stolidius & imperitius, quàm quod in Judicio de Latinis scriptoribus inter *inelegantes & imperfectos* Plautum, Terentium & Lucretium recensent, inter *perfectos* autem & *elephantissimos* Varronem & Sallustium, inter *postremos* denique & *deficientes* Valerium Maximum, Senecam & Curtium, velut Apuleji æquales. Deinde Etymologiæ ratione sæpenumero lectoris fallunt judicium, cum Adjectiva nomina habeant pro Substantivis, Adverbiisque accenseant quæ sunt Nomina: ut mittam quod primitivis derivata non at-textunt, nec simplicibus composita, in quo tamen maximum est momentum ad vim singulorum rectius intelligendam. Itaque errorem istum corrigere conatus est in suo *Eruditionis Scholastica Thesaur*o *Basilii Faber*, etsi non semel eum ratio in eo fugit, ut quæ ex quibus derivata essent, minimè perspiceret: quod genus est, *Demo* & *Sumo*, quæ pro primitivis habet, cum sint profecta ab *Emo*, quod monente Festo prisca significabat *Accipio*. Adhæc magnam Observatio istorum mendam continet, cum & nonnulla afferant, quæ minimè Latina sunt, nec in ullo satis idoneo scriptore extant, & plurima rursus vocabula reticeant, quæ suos tamen auctores habent: cujus rei specimen in *Roberti Constantini Supplemento lingua Latina* Lugduni, & in *Basilii Zanchii Epitome* Basileæ edita videre licet. quod minus difficulter crederet, qui jam inde ab anno 1573. aliquos auctores veteres eo tempore ignoratos, alios infinitis partibus auctiores & emendatiores ex variis Bibliothecis erutos fuisse sciat, tamquam Phœdri fabulas, Hygini Mythica & Astronomica, Quinctiliani patris Declamationes, Senecæ rhetor-

ris Oratoria, Servium Petri Danielis, Varronem Scioppii, Festum Scaligeri & Fulvii Ursini, Nonium Merceri, Auctores finium regundorum Rigaltii, Inscriptiones Gruteri, Glossaria Philoxeni, Placidi, Isidori & aliorum. Sed generum loquendi sive phrasum, quæ in Plauto, Terentio, Lucretio, Cicerone, Cæsare, Nepote, Livio, aliisque aureæ & argenteæ ætatis scriptoribus extant, multo maximam partem auctores illi intactam reliquerunt: eoque fit ut nemo jam tutò de Latinitate judicare possit, cum merito verendum sit, ne quod isti Theauri non exhibent, diligens lector alicubi apud probæ auctores observare potuerit. Accedit, quod mendosissimis Auctorum editionibus usi cum ipsi se observatores, tum lectores suos sæpissime turpiter frustrantur. Exemplo sit, quod voce *Capularis*, Plauti ex Milite versum hunc recitant, *Tam capulari stamine tibi diu videor vivere*. Et sanè sic in Aldi Manutii editione legitur, qua tamen nihil dici potest mendosius & portentosis erroribus inquinatius. Et Itali nostri cum Aldi Plautum legerunt, sibi plaudunt ac tantum non beati videntur, nec exemplaria illa inspicere dignum ducunt, quæ vetustissimorum codicum fide Transalpini homines accuratissimè emendarunt: quod ipsum non minore *εὐθυμία & ἀετιολογία* in cæteris faciunt auctoribus, prorsus ut si frugibus inventis malint glande victitare. Sed ad versum illum redeo, quem ex emendatioribus membranis ita viri docti nobis exhibent,

*Quid ais tu? itane tibi ego videor oppido Achrun-  
ticus?*

*Tam capularis? tamne diu tibi videor vivere?*

Ad extremum tanta passim cum imperitia in locis auctorum interpretandis versantur, ut doctis quidem uberem risus materiam præbeant, minus verò doctis

doctis errorem objiciant, ut verbis Latinis barbarè utantur: cujus quidem rei specimina nonnulla paulo superius exhibui, quorum similia, si opus sit, multò plurima afferri queant.

Quod deinde ad Inventionem attinet, aut nulli, aut non magno saltem sunt usui. Epitheta quidem aliqua sive adjectiva nomina substantivis appingunt, cæterum non nisi ea vocabula, quæ jam nota habeas, quantocunque quærendi & volandi labore invenire possis.

Habes Grosippi nostri de Lexici Latini virtutibus ac vitiis sententiam, cujus tria illa *Promptuaria* volumina, quantum ei qui quacumque de re Latine velit scribere, adjumenti præstent, experiundo didicisse te scio. Ut autem, quanta idem cum *Lexico* in linguæ Latinæ Commentario versetur, existimare possis, hoc tibi specimen mitto, dissertationem scilicet de Natura & Usu vocabuli *Quod*, cujus ego occasionem illi præbueram. Tu, vir optime & doctissime, meum hoc te demerendi studium boni ut consulas rogo. Vale, ac Merono plurimam verbis meis salutem dicito.

S Y N O P S I S.

Lexici duæ par- tes esse debent: nimirum Liber	Commenta- rius, dirigens Judicium	{ Ratione, Observatione, Interpretatione.
	Promptua- rius, adju- vans Inven- tionem	{ Descriptione rerum in certas classes, Isodynamia sive Æqui- valentia, Appositione adjuncto- rum & adverbiorum.

*Satisne Latinè dicatur , Scio quod sis doctus ,  
vel Credo quod , vel Dico quod : &  
quæ dicti sit ratio.*

**P**lerique omnes, qui haud vulgariter didicisse literas cum sibi, tum cæteris videntur, hoc loquendi genus velut minimè Latinè explodunt, ejusque loco, *Scio, Credo, Dico te esse doctum*, usurpandum esse contendunt: præcipuè vero Magister meus Franciscus Sanctius in Minerva ei se generi infestum præbuit, utque barbarum esse & locupletibus linguæ Latinæ auctoribus ignotum fuisse vinceret, summis viribus annisus est. Ratione eam ad rem hac utitur, *Quod* apud Latinos semper esse nomen Relativum, in quo substantivum, ad quod refertur, subaudiri necesse sit. Relationem esse in isto Ciceronis, *Quod epistolam conscissam doles, noli laborare.* Ordinem enim & sensum esse, *Noli laborare circa id quod, vel Ex eo quod, vel Propter id quod.* Eandem esse rationem in his Terentii verbis *Hec. act. 2. sc. 3. Nam quod me accusat nunc vir, sum extra noxiam.* Ubi relationem esse ad nomen, quod subauditur, hoc modo Donatus agnoscit: *Deest In eo, ut sit: In eo quod me accusat nunc vir, sum extra noxiam. An deest Quod, ut sit Propter quod.* Mallem dixisset *Ad* subaudiri, quod Græcis est *κατά*: ut dicimus, *Quid me accusas, Si quid te offendo, Nihil te moror, Ne me aliquid tibi succensere suspiceris, Si mihi imposuisses aliquid, animo iniquo ferrem.* In quibus omnibus *Ad*, per ellipsin suppressum esse, in Grammaticis demonstravi; ubi & Ulpiani Jurisc. verba regulari syntaxi congruentia retuli, *Si ea res cursum fluminis ad aliquid immutavit.* Itaque facillè hoc Sanctio concedo, *Quod* semper nomen relativum esse: simul tamen in illis quo-

quoque quæ ab eo damnantur loquendi generibus, relationem esse, & præpositionem *Ad* subaudiri contendo. Operæ verò pretium facturus videor, si prius ipsum loquendi modum à melioris notæ auctorum consuetudine nequaquam abhorrere, ipsorum verbis in medium allatis doceam, tum syntaxeos rationem quam illi secuti fuere, subtilius indagem.

Plaut. *Asin.* act. 1. sc. 1. *Equidem scio jam, filius quod meus amet istanc meretricem è proximo Philenium.*

Idem *Aul.* act. 2. sc. 1. *Scio quod dictura es, hanc esse pauperem. Ita est in optimæ notæ membranis.*

Idem *Pœn.* act. 3. sc. 1. *Scitis rem, narravi vobis, quod vestra opera mihi opus sit.*

Ennius, *Utinam mortem oppetam prius, quàm eveniat, quod in pauperie mea senex graviter gemam.*

Cicero 7. *famil. epist.* 28. *Memini quod mihi desipere videbare, quod cum istis potius viveres, quàm nobiscum.*

Idem 10. *ad Attic. epist.* 4. *Furabat ad summam, quod nullo negotio faceret amicissimum mihi Cæsarem. Affirmabat, cùm scripisset, quod me cuperet ad urbem venire, illum quidem gratias agere maximas, & non modo probare, sed etiam gaudere.*

Idem *offic.* 1. *Illud animadverto, quod qui proprio nomine perduellis esset, is hostis vocaretur.*

Idem *lib.* 1. *in Verr.* *Is mihi etiam queritur, quod à nobis novem solis diebus prima actio iudicii sui transacta sit.*

Idem *alibi*, *Bene facis, quod me adjuvas.*

Cato apud Plinium 29. *cap.* 1. *De Gracis istis dicam, quod bonum sit eorum literas inspicere, non perdiscere.*

Varro 1. *rei rust.* 7. *Cato dicit, quod primus ager sit,*  
D 4
ubi

*ubi vinea possint esse bono vino & mulio : secundus, ubi hortus irriguus. Et cap. 2. Verum est quod jubet ranam coquere in aqua.*

*Idem 2. rei rust. 4. Corpus matris à sacerdotibus, quod in falsura fuerit, demonstratur. Alii scripserunt, quod è Sicilia Hercules persecutus sit in Italiam nobilem taurum, qui diceretur Italus.*

*Ibidem cap. 10. Quod ad sceturam humanam pertinet pastorum, facile est quod habeant conservam in villa.*

*Vitruv. initio lib. 10. Utinam dii fecissent, quod ea lex etiam populo Romano esset constituta.*

*Livius lib. 45. Quàm feliciter temp. administraverim, & quod duo fulmina per hos dies domum meam perculerint, non ignorare vos, Quirites, arbitror.*

*Alconius in Verrin. 2. Moris veterum fuit, quod Prator soleret pronunciare, Dixerunt.*

*Seneca rhetor. 2. Controv. 5. Apparet, quod utique non oportuit, si ne licuit quidem.*

*Fuscus Arellius Horatii æqualis apud Senec. 1. Controvers. 2. Probabo, quod non sit pudica.*

*Hyginus Augusti libertus in Astronom. 217. Nonnulli dicunt, quod hac prima fuit Hercules concertatio. Et 221. De ceto dicitur, quod à Neptuno sit missus, ut Andromedam interficeret.*

*Ovid. 5. Trist. 1. Delicias si quis lascivæque carmina quarit, Pramoneo nunquam scripta quod ista legat.*

*Quo loco præterire non possum acutissimam Tusci Lucumenis conjecturam, legendum scilicet, Pramoneo ne unquam scripta cotista legat. Ab Ovidio scilicet didicerunt hodierni Hetrusci Cotesto, quod significat Iste.*

*Idem in epistola Sapphus in Vaticano codice, Huc ades inque sinus formose relabere nostros, Non quod ames oro, sed quod amare sinas.*

Jam



Jam ut Syntaxeos ratio fiat perspicua, illud præcipue animadvertendum videtur, in plerisque locorum istorum *Ut*, pro *Quod*, nullo ferè sensus discrimine usurpari potuisse, velut ex iis, quæ sub-jiciam, cognosci poterit.

Plaut. Amphit. act. 2. sc. 2. *Quis nisi vos narra-vit mihi, illic ut fueris pralium? Audivi ut Pto-reiam regem tute occideris.*

Ibidem Prologo, *Mos ille numquam meo fuit patri, ut exprobraret quod bonis faceret boni.*

Sic Mænech. act. 5. sc. 1. *An mos est ita hic, pere-grino ut narrent fabulas?*

Idem Bacchid. act. 2. sc. 2. *Scis ut, ut confringi vas cito Samium solet.*

Idem Mostell. act. 1. sc. 1. *Non verum loquere, ut quis absens absentem comesse possit.*

Idem Merc. act. 2. sc. 1. *Mihi illud videri mirum, ut capra uxoris dotem ambaderit.*

Idem Pæn. act. 5. sc. 2. *Si ita est, ut tu sis Iaccho-nis filius.*

Idem Amph. act. 1. sc. 1. *Factum est, ut ego illud vini ebiberim.*

Idem Trin. act. 2. sc. 2. *Factum est, ut istud perierit. Cicero 9. Attic. epist. 11. De Domitio ita opinor esse, ut in Casano sit, & consilium ejus ignoretur.*

Idem 14 Attic. epist. 14. *Accedit, ut ne ipsum qui-dem Clodium meum insigne odium fuerit unquam. quomodo sæpe Lucretius.*

Idem pro Sex. Roscio. *Non est verisimile, ut Chry-sogonus horum literas adamarit.*

Varro 1. rei rust. 2. *Verum dicit, ut ille hoc scripserit.*

Hygin. Astron. 195. *De Cassiopeia plures dixerunt, ut gloriata sit se forma Nereidas superare. Et 229. De Phaëtonte plures scripserunt, ut patriis curru-veclis terras incenderit.*

Quinctil. Declam. 254. *Satis est, ut nihil fixerit.*

Terent. Hec. act. 3. sc. 4. *Vovit si saluus domum redisset, ut me ambulando rumperet.*

Livius lib. 22. num. 53. *Ex animi sententia juro, ut ego rempub. non deseram.*

Ita discimus, eandem prorsus verborum esse sententiam, si quis dicat, *Narravit, Audivi, Scripsit, Verum est, ibi fuisse pralium, ut fuerit ibi pralium, quod fuit ibi pralium.* Similiter *Facile est ut hoc fiat, quod hoc fiat, & hoc fieri. Voluit quod sacra faceret, ut sacra faceret, & sacra se facturum. Mos est hominum, quod obliviscantur beneficia, ut obliviscantur beneficia, & oblivisci beneficia. Satis est quod nihil finxerit, ut nihil finxerit, & nihil finxisse. Juravit quod faceret, ut faceret, & se facturum.* Hoc ita stabilito, proximum est ut particula *Ut* modum seu similitudinem cogitemus significari, ipsamque relativam esse, qui particula *Sic*, vel *Ita* siue expressa, siue per ellipsin suppressa respondeat. Quod quidem ita καθολικόν ac perpetuum est, ut etiam tum locum habeat, quando vel causam finalem, vel tempus, vel votum, vel abominationem, vel hypothefin per particulam *Ut* exprimimus: quam rem quoniam vel summi in literis viri non nisi per caliginem intelligere se declarant, minimè operam lusero, si distinctius singularum particulæ significationum exempla recitem, & nusquam non similitudinem unà significari doceam. Sic enim de eo, quod fuerat nobis propositum, exploratius constitui poterit.

Causa ergo finalis aut Finis per *Ut* significatur in hoc Terentii Andr. act. 4. sc. 2. *Orare jussit hera, si se ames, jam ut ad se venias*, pro Ea causa orare ut venias. Sic quippe Plautus Stich. act. 2. sc. 3. *Nimis vellem hæc fores herum fugissent, ea causa ut haberent malum*, pro Ea de causa, qua de causa haberent malum, siue *Qui*, id est, qua re haberent malum.

Terent.

Terent. Eun. act. 3. sc. 3. *Ubi veni, causam ut ibi manerem reperis.* Similitudinem verò hic significari, & ad particulam *sic* vel *ita* suppressam fieri relationem, hinc perspicì potest.

Plaut. Stich. act. 1. sc. 2. *Amici mihi ita auctores sunt, ut vos hinc abducam.*

Ibid. act. 4. sc. 2. *Deliberavi cum amicis, ita mihi auctores fuere, ut me jugularem fame.*

Idem Capt. act. 4. sc. 2. *Ita dico, magnus ut sit ignis. Quin ita faciam, ut te cupias facere sumptum.*

Idem Bacch. act. 1. sc. 2. *Hac ita me orat, ut aliquem hominem sibi reperiam, qui sibi caveat.* Et act. 2. sc. 2. *Veniat miles ita ne mihi sit mora, pro Ita ut ne sit.*

Idem Milit. act. 1. sc. 2. *Eum ita faciemus, ut quod vidit, non viderit.*

Terent. Heaut. act. 4. sc. 1. *Nunc ita tempus est, ut cupiam filiam.*

Idem Adelph. act. 3. sc. 2. *Qui in sui gremio positurum puerum dicebat: patres*

*Ita obsecraturum, ut liceret sibi hanc uxorem ducere.*

Ita in Basilicano ac plerisque aliis codicibus legi Faërnus testatur, qui non animadvertit *Patris* (quod in Bembi & Vaticano codice invenerat) esse priscum accusativum. Æschinus porro duos habebat patres, quos oraturus erat, Micionem & Demeam.

Cicer. 2. Tuscul. *Non sum ita hebes, ut ista dicam.*

Idem 13. famil. epist. 70. *Quia non est obscura tua in me benevolentia, sic fit, ut multi per me tibi velint commendari.*

Idem 5. Attic. epist. 11. *Nihil à me fieri ita videbunt, ut sibi sit delinquendi locus.*

Idem . . . . *Planè ita faciunt, ut me unice diligant.*

Propert. lib. 2. eleg. 13. *Fussit & Ascræum sic habi-*

*tare nemus, Non ut Pieria quercus mea verba sequantur; Sed magis ut nostro stupefiat Cynthia versu.*

Tempus significat eadem particula, quando idem quod *Postquam* valere vulgo dicitur: ut in hoc Ciceronis, *Is ut me salutavit, statim profectus est.* Verum & hic similitudinem adsignificari, & *Sic* vel *Ita* subaudiri, non est dubium.

Cicero . . . . . *Ille ut erat lena amictus, ita venit in concionem.*

Lucret. 3. *Tu quidem, ut es leto sopitus, sic eris avi, Quod superest cunctis privatus doloribus agris.*

Livius 21. *Saguntini ut à praliis quietem habuerant per aliquot dies, ita non nocte, non die umquam cessaverant ab opere.*

Voti significationem habet *Ut*, quando pro *Usinam* usurpatur; ut in hoc Terentii Adelph. *Ut te Syro magnus perdat Jupiter.* Sed nemo nisi indoctissimus dubitaverit, quin subaudiat, *Ita oro vel precor*: nam pro *Ut*, sæpe *Qui* positum legimus, qui est ablativus, in quo subauditur *Modo*, quasi esset, *Hoc modo precor, quomodo Jupiter te perdat, id est, Ita te perdat, ut ego precor.*

Terent. Andr. act. 2. sc. 1. *Fac qui detur tibi: ego id agam, mihi qui ne detur.*

Idem Phorm. act. 1. sc. 2. *Quidam Phormio, qui illum Dii omnes perduint.*

Plaut. Rud. act. 4. sc. 4. *Qui te Dii omnes perdant, qui me hodie oculis vidisti tuis.*

Idem Trin. act. 4. sc. 2. *Hem istie erit, qui istum Dii perdant.*

Ennius Telepho, *Qui illum Dii Deaque magno mactassint malo.*

Hoc autem loco observationem meretur, pro *Qui*, vel *Ut*, etiam *Quod* rectè usurpari, ut integrior oratio sit, *Ita Deum precor ut te perdat, qui tibi*

tibi det malum, quod tibi malum duit. Cujus syntaxeos rationem mox videbimus : interea de usu hinc constabit.

Plaut. Pseud. act. 4. sc. 7. *Strenui damno mihi, improbi usui sunt. Si. malum quod tibi Dii dabunt, qui sic scelestus es.*

Idem Mostell. act. 3. sc. 1. *Malum quod isti Dii Deaque omnes duint, Ita mea consilia pervertis penissimè.*

Jam Abominationem particula *Ut* exprimi vulgo censent, cùm eam post verba Timoris negandi vim habere contendunt. Terent. Andr. *Metuo ut substat hospes.* Id enim valere ajunt, Puto hospitem non substitutum, idque abominor & evenire nolim : sicut eadem fabula act. 2. sc. 2. *Tu Pamphile times, ne ducas ; tu autem Charine, ut ducas uxorem.* Verùm satis jam planum fecit Sanctius, *Ut* nihil aliud quàm similitudinem hic significare, quodque de negatione dicunt, perspicuè falsum esse : nam pro *Ut* nullo sensus discrimine *Quomodo*, vel *Quemadmodum* dicere licet, & cùm negare volumus, negandi particulam exprimimus. Verba gratia,

Cicero 10. famil. epist. 10. *Timeo quemadmodum hac explicari possint.*

Idem pro Milone, *Effet verò timendum, quoniam modo id ferret civitas.*

Lib. 4. ad Heren. *Tametsi vereor, quomodo accepturi sitis.*

Idem pro Marcel. *Vereor, ut hoc intelligi non possit.*

Idem Tusc. 2. *Veremur, ut hoc natura non patiatur.*

Cæsar bell. Gall. lib. 5. *Labiens veritus si ex hibernis fuga similem profectionem fecisset, ut hostium impetum sustinere non posset.*

Quinctilian. lib. 8. cap. 3. *Vocabulum Oppido, quo sunt usi paulum tempore nostro superiores, vereor ut non jam ferat quisquam.*

Horat.

Horat. 1. Sat. 3. *nam Ut ferula cadas meritum ma-  
jora subire Verbera non vereor.*

Verum quidem est, plerumque *Vereor ne non possit*,  
vel *Vereor ut possit*, pro *Vereor ut non possit*, in aucto-  
ribus inveniri : cujus simile quiddam in aliis quo-  
que generibus usuvenit. Verbi gratia : Eodem sensu  
dicitur, *Cave ut credas*, *cave credas*, *cave ne credas*,  
& *cave credere*. *Vetas me flere*, *vetas ut fleam*, *vetas  
ne fleam*. qua de re alias videro : nunc satis sit mo-  
nuisse, *Ut* in istis modum significare, sive affirmare  
eam, sive negare statuamus. quod ipsum non minus  
fit, ubi *Ut* cum aliis verbis jungitur, aut junctum  
intelligitur. Tanquam.

Plaut. Epid. act. 1. sc. 1. *Id modo videndum est, ut  
materies suppetat scutariis, si in singulis stipendiis  
is ad hostes exuvias dabit.*

Cic. 7. Attic. epist. 14. *De mulieribus vide ut satis  
honestum nobis sit, eas Roma esse, cum cetera ulla  
dignitate discesserint.*

Idem 14. fam. epist. 14. *Si famina vestri similes  
Roma non sunt, videndum est, ut honestè vos esse  
possitis. Ita omnes libri, quibus invitis Veren-  
dum reponere stultitia est.*

Ibid. epist. 18. *Videte ne non liceat exire cum velitis.*

Idem de Fato, *Vide ne non eadem illorum causa sit  
& Stoicorum.*

Varro lib. 9. de ling. Lat. *Non tam hanc partem ab  
illa dividendum, quam illud videndum, ut satis sit  
verecundi etiam illam in eandem arenam vocare pu-  
gnatum.*

Idem 2. rei rust. 4. in fine, *Cum circumspiceret Ae-  
ticus, ne quid praterisset, Hoc silentium, inquit,  
vocat alium ad partem.*

Senec. epist. 98. *Calamitosus est animus futuri an-  
xius, qui sollicitus est, ut ea, quibus delectatur, ad  
extremum usque permaneant.*

Plaut.

Plaut. Captiv. act. 1. sc. 2. *Ad alios captivos meos visam, ne hac nocte quippiam turbaverint.*

Idem Persa act. 1. sc. 2. *Visam hesternas reliquias, quieverintne rectè, num infuerit febris, oportane fuerint, ne quis obreptaverit.*

In horum locorum aliis satis planum est, *Ut* significare *Quemadmodum*; in aliis unà cum *Ne* subauditur: et si *Ne* pro *Num* quoque accipi videtur posse. Sed ut ad Abominationis significationem redeam, eam non minus per *Quod*, quàm per *Ut* exprimi posse, hic Plauti versus nos docet, Afin. act. 2. sc. 1. *Quid illuc, quod exanimatus currit huc Leonidas? metuo quod illic obscenavit mea fallacia*, id est, metuo ne ille fallaciæ, quam paro, malum omen attulerit: sicut idem Milit. act. 2. sc. 6. *Nunc pol metuo ego, ne quid infuscaverit.*

Tandem hypothefin vel conditionem *Ut* significat cum per *Etsi*, *Quamvis*, vulgo explicatur; velut in hoc Ovidii, *Ut desint vires tamen est laudanda voluntas*. Et in isto Cic. *Ut summa haberem cetera, temporis certè vix satis habui. Hac, ut ego absim, nihilominus confici possunt*. In his porro concisa est oratio, cum subaudiatur *Fac ita*, vel *Da*, vel *Pone*, vel *Ita res esto*: ut Terent. Heaut. act. 5. sc. 2. *Itane tandem est, ut pater omnem animum patris ejeceris?* Et Masurius Sabinus apud Agellium lib. 4. cap. 20. *Cur ita est, ut tu sis quàm equus curatior?* Non minus autem per *Quod* hypothefin significari, multis auctorum locis demonstrari potest, quorum nonnulla hic placet subjicere: sic enim id quod recepimus, multo minore negotio Lectori probabimus.

Plaut. Afin. act. 4. sc. 1.

*Alienum hominem intromittat neminem*

*Quod illa aut amicum aut patronum nominet,*

*Aut quod illa amica sua amatorem pradicet.*

*Fores occlusa omnibus sient, nisi tibi.*

*Quod*

*Quod illa dicat peregrinè allatam epistolam ,  
Ne epistola quidem ulla uspiam sit in adibus.*

Idem Aulul. act. 1. sc. 2.

*Cave quemquam alienum in ades intromiseris.*

*Quod quispiam ignem quarat, extinguere volo.*

Idem Milit. act. 2. sc. 2.

*Quemque à milite hoc videritis hominem in nostris  
regulis*

*Extra unum Palastrionem, hunc deturbatote in  
viam.*

*Quod ille gallinam aut columbam se sectari, aut  
simiam*

*Dicat: desperistis, ni usque ad mortem malè mul-  
tassitis.*

Terentius Eunuch. act. 4. sc. 7.

*Sanè quod tibi nunc vir videatur esse, hic nebulo ma-  
gnus est.*

Ibid. act. 5. sc. 9.

*Si in platea hac te offendero post umquam, quod di-  
cas mihi,*

*Alium querebam, iter hac habui: periisti.*

Cic. in Pison. Nam quod iste vobis tantummodo  
impudens & audax videatur, nihil scitote esse lu-  
xuriosius.

Idem II. Attic. epist. 9. Literas Quinti fratris  
te remisi. quas si putabis illi ipsi utile esse reddi, reddes:  
nihil me ludent. Nam quod obsignata sunt, habet, opinor,  
ejus signum Pomponia.

Idem 2. Attic. 6. Quod tibi superioribus literis pro-  
miseram, fore ut opus exstaret hujus peregrinatio-  
nis: nihil jam magnopere confirmo.

Idem 3. Attic. 13. Quod ad te scripseram, me in  
Epiro futurum: posteaquam extenuari spem nostram  
vidi, mutavi consilium.

Propert. lib. 3. eleg. 1. Quod non Tanariis domus  
est mihi fulta colummis; At Musa comites, at car-  
mina



*mina cara legenti. Pro quo Lucretius & Virgilius dixerunt, Si non, at, pro Etsi non, tamen.*

Ovid. *Illam quod est virgo, quod tela Cupidinis odit, Multa dedit multis vulnera, multa dabit.*

Idem epist. Helenæ, *Quod bene te jactes, & fortia facta loquaris: A verbis facies dissides illa tui.*

Auctor liberi carminis, *Quod sim ligneus, ut vides, Priapus, Prendam te tamen & tenebo prensam.*

Ex istis discimus, *Ut & Quod sæpissime eandem significandi vim habere: quemadmodum in istis quoque usu venit, quæ multo videbuntur insolentiora.*

Plaut. Mili. act. 2. sc. 2. *Ferit femur ita vehementer, quod tactui agre suppetis.*

Idem Merc. act. 3. sc. 1. *Magis est quod rideas, quam ut lamentere.*

Idem Curc. act. 2. sc. 3. *Facite ventum ut gaudeam.*

Terent. Phorm. act. 5. sc. 2. *Vin' facere quod ego gaudeam, quodque viro tuo oculi doleant.*

Cic. 7. famil. epist. 10. *Est quod gaudeas te in ista loca venisse.*

Valer. Max. lib. 4. cap. 7. num. 3. *Ad eo blando uteris imperio, quod ut supplicium honori præsuleris.*

Coelius ad Cicer. 8. famil. epist. 3. *Hoc usque ed suave est, quod tota vita risus nobis deesse non poteris.*

Nunc ut ratio Syntaxeos, quam investigamus, expediri possit, in primis animadvertendum venit, *Ut* particulam similitudinis significandæ vim habere, adeoque ad antecedens *Ita*, vel *Sic*, vel *Ad eum modum*, *Ad id exemplum*, vel ad *Eo modo*, *Eo pacto*, tamquam ad correlatum suum (ut Logici loquuntur) referri, sive aliquod correlatum sit expressum, sive per ellipsin suppressum. Expressi exemplum est in hoc Catonis de re rust. cap. 78. *Ad eundem modum facito, ut placentam sine melle.* pro quo figuratè dixisset, *Facito ut placentam.* Et in hoc Plaut.

Mercat. act. 2. sc. 1. *Non ita amo, ut sani solent homines; sed eodem pacto, ut insani solent. Amavi hercle equidem ego olim in adolescentia: Verum ad hoc exemplum numquam, ut nunc insanio. Ubi Eodem pacto, & Ad hoc exemplum per figuram omitti poterant. Et in hoc ejusdem Bacch. act. 5. sc. 2. Scin' quo pacto me ad te introducas? B. me cum ut sis, pro Eo pacto ut tecum sis, five Ita ut tecum sis. Et Capt. act. 4. sc. 1. Eodem pacto, ut Comici servi solent, conjiciam in collum pallium. Et Rudent. act. 4. sc. 7. Nullus erat illo pacto, ut illi jufferant. Suppressi correlati exempla passim sunt obvia, quorum non pauca supra recitavimus, velut Plauti, Factum est ut istud perierit. Narravit mihi, ut illic fuerit pralium. Audiui ut regem occideris. Ejusdem est hoc Pers. act. 1. sc. 1. Facere amicum tibi me potes sempiternum. S. quemadmodum? T. ut mihi des nummos sexcentos mutuos. Subaudimus, Ad hunc modum, quod est Ita. Et Trinum. act. 3. sc. 1. Quomodo tu istuc dixisti Lesbonicum suam sororem despondisse? hoc modo? Unde intelligimus, si dictum fuisset, Dixisti ut Lesbonicus sororem desponderis, subaudiendum Hoc modo: quasi esset, Ita dixisti, ut desponderis.*

His ita suppositis ac præmunitis in mentem nobis veniat, pro *Quis modus* Latine dici solere. *Quid modi*: ut *Asin. act. 5. sc. 2. Quid modi pater amplexandi facies?* Et *ibid. act. 1. sc. 3. Qui modus dandi?* *Quid modi est amandi?* pro quo *Merc. act. 3. sc. 4. dixit, Quis modus tibi exilio tandem eveniet?* qui *finis fuga?* Pariter proinde pro *Is modus*, rectè dicemus *Id modi*; sicut *Id loci* pro *Is locus*, *Id causa* pro *Ea causa*. Ergo si *Id modi* five expressum, five suppressum antecessit, rectè *Ad quod*, & per ellipsin *Quod* subjicitur, cujus exemplum est in hoc Plauti *Aulul. act. 1. sc. 2. Ne causa quid sit, quod te quisquam queritet*, pro *Ob*, five *Ad quod causæ*: pro quo dici poterat, *Ne causa quid sit, ut te quisquam queritet.*

Quo-

Quomodo Cic. pro domo, *Ne quid esset, ut lugerent boni semper*, pro *Ne quid esset causæ*. Et Ovid. 3. Trist. 4. *Quid fuit, ut tutas agitaret Dædalus alas, Icarus immensas nomine signet aquas.* pro *Quid causæ*, seu *Quæ causa fuit cur, vel ob quam*. Nam *Ut*, est *Quo modo*. Modus autem per Tropum significat alias *Finalem causam* (ex quo *Finis* & *Modus* sæpe idem significant: unde Cic. *Modum faciam*, pro *Finiam epistolam*, & *Modum ac finem orationi facere*) alias *Efficientem* propter quam quid fit. Plaut. Pseud. act. 4. sc. 3. *In metu sum triplici modo*, id est, *Tribus de causis*. ex quo intelligimus, quomodo *Ut* post verba *Timoris causæ* significationem habeat. Terent. Phorm. act. 3. sc. 1. *Enimvero Antipho multis modis cum istoc animo vituperandus es*, pro *Multis de causis*. Et Hecyr. act. 2. sc. 3. *Filium multis modis jam exspecto ut redeat domum*. Ubi si cum Plauto dixisset, *Triplici modo filium exspecto ut redeat*, nemo dubitaret quin *Ut*, esset *Quomodo* seu *Qui*. Ita planum fit, quæ in istis sit constructio. Terent. Andr. act. 2. sc. 5. *Sed est quod succenset tibi*, pro *Est aliquid causæ*, sive *Est aliquod negotium propter quod succenset*. Idem Hecyr. act. 2. sc. 2. *Est quod me transire ad forum jam oportet*. Plaut. Rud. act. 2. sc. 6. *Bonam est quod habeas gratiam merito mihi*. Cic. 4. Attic. epist. 8. *Ignoro quid sit, quod se à me remouit*. Plaut. Stich. act. 1. sc. 2. *Hoc est quod ad vos venio, quodque esse ambas conventas volo*. Nimirum figuratæ sunt id genus locutiones, propter duplicem ellipsin. Prius enim subauditur *Aliquid*, vel *Illud Causa*, aut *Negotium*. Deinde præpositio *Ad* supprimitur, à qua *Quod* accusativus regitur. *Ad*, porro alias *Finali* (ut Scholarum lingua loqui pergam) alias *Impulsivæ causæ* significandæ servit. *Finis* significatur in istis, Cic. *Gladiatores emit ad cadem*. *Ad memoriam sempiternam*. *Ad quid laboramus res Romanas?*

nas? & per ellipsin, *Quid frustra laboramus?* Livius, *Ad fidem tantarum rerum effundi annulos iussit.* Impulsiva in istis; Cic. *Qua mihi à te ad timorem amantissimè proponuntur.* Livius, *Cùm abacta boves ad desiderium relictarum mugissent.* Prop. *Panditur ad nullas janua nigra preces.* In hoc ergo Lentuli ad Ciceronem 12. famil. epist. 14. *Quod huc properent venire, causam non habent*, pro Ad quod negotium, finis significatur, qui non minus per *Ut*, vel *Cur*, vel *Quare*, vel *Quamobrem* exprimi poterat: ut Terent. Hecyr. act. 3. sc. 3. *Causam vides, quamobrem hac à te abierit.* Cic. 13. fam. epist. 7. *Non erat causa, cur à te aliquid contenderem.* Et Heren. 2. *Causam ostendimus Ulyssi fuisse, quare interfecerit Ajacem.* Terent. Eunuch. act. 3. sc. 3. *Ubi veni, causam ut ibi manerem reperit.* In isto verò Ciceronis 7. Attic. epist. 9. *Si ob eam causam, quod ratio ejus non habeatur, exercitum adducat*, pro Ad quod causæ, sive Ad quod nomen, causa propter quam, sive impellens significatur: quo ipso sensu dici quoque poterat, *Si exercitum adducat, id quod ratio ejus non habeatur.* Sic quippe non semel Terentius, Cicero & Livius loquuntur, idque Paulus Manutius sibi notavit. Est autem immutata ac per ellipsin concisa oratio, quæ sic foret integra, *Si ad id nomen exercitum adducat, ad quod nomen ratio ejus non habeatur.* Ubi *Nomen* pro *Causa* ponitur; sicut in illo Virgilii, *Quo nomine lasa, Quidve dolens regina Deum.* de quo in Paradoxis literariis epist. 7. plura disputavimus. Sæpius autem *Quod* ponitur pro Ad quod negotium rei, Ad quod rei, vel Ad quod modi. Plaut. Amph. act. 1. sc. 3. *Quid istud est negotii, quod tu tam subito domo abeas*, pro Ad quod, sive ob quod abeas. Terent. Andr. act. 4. sc. 3. *Si quid est quod mea opera opus sit vobis*, pro Si quid est negotium ad quod opus sit. Plaut. Asin. act. 1. sc. 1. *Scio quod filius meus amet meretricem,*  
pro

pro Scio ad quod modi amet, scio modum, ad quod modi amet, sive quemadmodum amet: sicut Bacchid. act. 3. sc. 3. *Ego omnem rem scio, quemadmodum est*, pro Ad eum modum rem scio, ad quem modum est. Cujus generis plena oratio est ista Vitruvii lib. 6. cap. 1. *Reliqua regiones ad eum modum temperata, quemadmodum calum est ad inclinationem mundi collocatum*. Similiter in hoc Varronis, lib. 1. rei rust. 2. *Verum dicit, ut ille hoc scripserit*, pro Ut dici poterat *Quemadmodum*, vel *Quomodo* aut *Quo pacto*: nam & ita Plautus Capt. act. 2. sc. 3. *Dicito patri, quo pacto mihi convenerit de filio*, pro Dicito modum seu pactum, quo pacto convenerit. Si dixisset, *Dicito*, quod mihi convenerit, esset, *Dicito pactum*, ad quod pactum convenerit. Ita Plaut. Merc. act. 4. sc. 4. *Miraris, quod cocus hac attulit*, pro *Miraris modum*, ad quod modi cocus hac attulit: nam eodem sensu dici poterat, *Miraris, ut hac cocus attulerit*. *Quomodo* eadem fabula act. 2. sc. 1. *Mihi illud videri mirum, ut capra simia dotem ambadederit*, pro *Quomodo* ambadederit: velut Laberius Casulero, *Miror quomodo mamma mihi descenderunt*, pro *Miror modum*, quo modo descenderunt. Itaque *Miror quod descenderunt*, est *Miror modum*, ad quod modi descenderunt, ut *Quod* significet idem prorsus quod *Quemadmodum*: cujus illustre exemplum est hoc Ciceronis 13. famil. epist. 40. *Si ulla umquam apud te mea commendatio valuit, quod scio multas valuisse plurimum, hac ut valeat rogo*. Hic enim *Quod* est Ad quod modi: sicut etiam in isto Plauti Aulul. act. 2. sc. 5.

*Hic apud nos magna turba ac magna familia est,  
Supellex, aurum, vestes, vasa argentea.  
Ubi si perierit quippiam (quod te scio  
Facile abstinere posse, si nihil obviam est)  
Dicant, Coci abstulerunt, comprehendite.*

His duobus exemplis jam triginta duo sunt anni cum vocis *Quod* usum publicè ostendi : sed rationem neque ipse tum vidi , neque quisquam eorum , qui , quod à me didicerant , tamquam suo Marte inventum , in libros suos retulerunt. Dehinc nihil erit caliginis , non modo in isto , quod hoc loco monui , sed neque in multis aliis loquendi generibus , ubi *Quod* per ellipsin præpositionis significat *In quo* , vel *de quo negotio* , vel *Quantum attinet ad negotium præsens* , sive *de quo sermo est* , velut ex subjectis exemplis intelligi poterit.

Terent. Eunuch. act. 2. sc. 1. *Munus nostrum ornato verbis, quod poteris; & istum amulum, quod poteris, ab ea pellito.* pro *Ad quod poteris* , *Quoad poteris* , *In quantum poteris*.

Idem Heaut. act. 3. sc. 1. *Quod potero, adjutaba senem.*

Idem Andr. act. 1. sc. 5. *Hujus formam atque atatem vides, nec elam te est, quam illi nunc utraque inutilis & ad pudicitiam & ad rem tutandam sit. Quod ego te per hanc dextram oro, ne abs te hanc segreges, neu deferas.*

Idem Hecyr. act. 3. sc. 2. *Malè metuo, ne Philumena magis morbus aggravescat, quod te Æsculapi, ne quid sit hujus, oro.* Ubi perperam Muretus *Quod αἰτιολογικῶς* pro *Propter quod dictum* interpretatur , cum sit *Ad quod negotium quantum attinet*.

Idem Adelph. act. 3. sc. 2. *Nunc illud est, quod si omnes omnia sua consilia conferant, auxilii nihil afferant.* pro *Nunc illud est tempus, ad quod nihil afferant auxilii* : nam *Ad* , in tempore significando usui esse solet , ut Phorm. act. 3. sc. 2. *Tibi est olim dies, ad quam dares, præstituta.* Cic. *Venit ad id tempus, quod scribis. Ad Januarii te expectamus.*

Idem

Idem Heaut. act. I. sc. I. *Hac inter nos nupera notitia admodum est, inde adeo quod agrum hic in proximo mercatus es. pro* Inde ab eo tempore, ad quod tempus mercatus es.

Plaut. Amphit. act. I. sc. 4. *Fam diu est, quod ventri victum non datis. Fam pridem videtur factum, quod homines quatuor in soporem collocastis, pro* Ad quod tempus.

Cic. 7. fam. epist. 28. *Memini quod mihi desipere videbare. pro* Memini tempus illud ad quod videbare desipere. Vel, *Ad eum modum memini, ad quod modi.*

Idem 14. fam. epist. 4. *Cum omnia mihi tempora sunt misera, tum vero cum scribo ad vos, conficior lacrymis sic, ut ferre non possim. Quod utinam vitæ minus cupidus fuisset, ceresè nihil in vitæ mali vidissemus. Quod si nos ad aliquam spem fortuna reservavit, minus est erratum à nobis. Hic bis Quod valet Ad quod negotium, id est, Ad quod negotium, sive ad quam rem quod attinet. Fallitur Manutius qui Quod per Sed cum hic, tum alibi positum ait. Alicubi enim ridicula fieret oratio, si quis Sed pro Quod reponeret. Ita Ter. Phorm. act. I. sc. 3. Rogas, qui tam audacis facinoris mihi sis conscius? Quod utinam ne Phormioni id suadere in mentem incidisset. Pari modo Quod ni, vel Quod nisi, Quod si, Quod etsi, Quod ne, Quod cum, Quod ubi, Quod nunc, Quod quoniam, Quod quia, Quod id, apud optimos auctores legimus: in quibus semper Quod refertur ad præsens negotium, in eoque præpositio Ad subauditur; adeoque nihil horum in principio orationis, ubi nihil sit quod præcesserit, rectè usurpatur.*

Cic. *Quod ni ita putarem, ipse perscriberem. Et Terent. Phorm. act. I. sc. 3. Adeon' rem rediisse,*

ut patrem extimescam, ubi adventi ejus in mentem venit? Quod ni fuisset incogitans, ita eum expectarem, ut par fuit. Ita etiam Lucretius & Livius.

Idem de Finib. 4. Quod etsi ingeniis magnis pradii quidam dicendi copiam sine ratione consequuntur: ars tamen est dux certior, quàm natura.

Idem in Lucullo, Quid ergo est, quod percipi possis, si no sensus quidem vera nunciant? quos tu Luculle communi loco defendis. quod ne id facere posses, iccirco heri non necessario loco contra sensus multa dixeram. Hoc ita imitatur Apulejus, Quod ne vobis videar Poëtico ritu incredibilia fingere, dabo exemplum.

Idem lib. 1. in Verrem, num. 26. Simul servis suis Rubrius, ut januam clauderent, imperet. Quod ubi Philodamus intellexit id agi, ut filia sua vis afferretur, servos suos ad se vocat.

Cæsar belli civil. 2. de Massiliæ obfisione, Porta, quibus locis videbatur, eruptionis causa in muro relinquuntur. Quod ubi hostes viderunt, ea qua longo spatio refici non posse sperassent, paucorum dierum labore refecta esse, ad easdem deditiois conditiones recurrunt.

Idem belli civil. 3. Munitionem cohortes ignorantia loci sunt secuta, cum portam quærent castrorum, quod eam munitionem esse arbitrarentur. Quod cum esset animadversum conjunctam esse flumini, protinus his munitionibus defendente nullo transcendunt.

Livius lib. 41. num. 10. Consul utrumque decedere provincia jussit. Quod cum milites se consuli dicta audientes fore dicerent, cum is more majorum votis nuncupatis profectus ab urbe esset, furens ira catenas poposcit.

Cicero 9. famil. epist. 15. Nam quod me amas  
(quod



( quod id & jam pridem & constanter facis ) est id quidem magnum, sed tibi commune cum multis, pro Ad quod modi, seu Quemadmodum id facis.

Idem extremo lib. I. de Finib. Voluptatibus amicitia non solum presentibus fruuntur, sed etiam spe eriguntur consequentis ac posterius temporis. Quod quia nullo modo sine amicitia firmam jucunditatem vita tenere possumus, ideo amicitia cum voluptate connectitur.

Cœlius 8. famil. epist. 14. Neque mearum rerum quid consilii capiam reperio. Quod non dubito quin te quoque hac deliberatio sit perturbatura.

Lucret. lib. I. vers. 221.

Quod nunc aeterno quia constat semine quaque,  
Nullius exitium patitur natura videri.

Et vers. 501. — parvissima quæ sunt,  
Ex infinitis constabunt partibus æque.

Quod quoniam ratio reclamat vera negatque,  
Credere posse animum, victus fateare necesse est,  
Esse ea, quæ nullis jam prædita partibus extent.

Viro Clarissimo

LUCÆ HOLSTENIO,

Hamburgensis Ecclesiæ Præposito,

MARIANGELUS A FANO

BENEDICTI S. P. D.

VII.

ET si te literarum Græcarum & Latinarum hac nostra ætate cum primis peritum bonorum auctorum lectio, multaque tam versa, quam prosa oratione scribendi exercitatio nihil de iis, quæ rectè, ac secus Latine dicuntur, ambigere patitur: nequaquam tamen dubito, quin idem

ipsum tibi, quod aliis maximi in literis nominis, usuveniat, ut te occultas eorum causas, quæ Latini sermonis fert consuetudo, *Grosippo* facem prælucente penitus convifere delectet. Cum enim scire natura jucundum fit, nihil verò sciri possit, cujus causa ignoretur, fieri omnino nequit, quin etiam ubi rem quampiam noris, ejus causam discere gaudeas, ea verò ignorata imperfectum ex rei notitia fructum capias. Inter alia verò multa loquendi genera, quorum rationem ante *Grosippum* nemo expedire scivit, nosti esse illud *Visum ire & iri*: ubi *Grosippus* duplicem ellipsin esse monuit, ut plena regularique syntaxi consentanea sit oratio, *Viam ire*, vel *iri ad visum*, hoc est, Ad videndum. Huic porrò consequens est, ut in *Catonis* loco, quem *Agellius* recitat, legendum sit, *Contumelia quam mihi per hujusmodi petulantiam factum itur*, non ut *Agellius* alucinatur, *Quæ mihi factum itur*. Rationes Paradoxo ejus secundo p. 13. & Grammaticæ pag. 132. visas tibi esse non dubito: quibus addas licet, cum *Plautus* in *Amphitruonis* Prologo dixerit, *Justam rem oratum à vobis veni ei*, qui roget, *Ad quid venit*? rectè responderi, *Rem justam oratum venit*: nam Accusativus ab *Oratum* regitur, & Verbi finiti *Venit* suppositum subaudimus, quod est *Adventus* seu *Venire*. Nemini proinde dubium esse potest, quin rectè quoque dicam, *Rem justam oratum itur*, & *Rem justam oratum iri videtur*, pro Ad orandum rem justam iri videtur, nempe *Iter* seu *Viam*. Est autem Tropus duplex in hoc genere, *Via itur oratum*, sive ad orandum, pro *Orabitur*; seu per periphrasin, *Erit ut oretur*: nam *Viam ire*, tendere, intendere aut insistere, pro *Velle* aut *Conari* per Metaphoram dicitur. Sed *Velle facere* pro *Facere* est Metonymia causæ pro effecto, cum voluntas & facultas actionum causæ sint. qua de re *Grosippus* in *Propædia Rhetorica* agit copiosius. Jam

satis

fati tibi apparere opinor, rectè dictum esse, *Rem justam oratum veniri videtur*, non *Res justa*: quoniam, ut dixi, *Rem justam* regitur ab *Oratum*. Similiter itaque & *Rem justam oratum iri videtur*, dicendum est, non *Res justa*. Sensus quippe est, *Iri videtur à legatis, ut orent rem justam*; prorsus ut si dictum sit, *Ire videntur legati oratum rem justam*. Atque hinc planum fit apud Fabium legi oportere, *Reum parricidii damnatum iri videbatur*, nempe à Judicibus; hi scilicet ire videbantur, ut damnarent parricidii reum. Perinde ergo est acsi dicas, *Ad damnandum parricidii reum iri videbatur*. Neque verò quicquam negotii Grosippo faceffit, quod apud Ciceronem de Inventionem 2. quo loco de Controversia scripti & sententiæ agit, hoc modo legitur, *Si ipsa separatim ex se verba considerentur, omnia aut pleraque ambigua visum iri*. Deest enim verbum *Esse*, ut integra oratio sit, *Visum iri omnia verba esse ambigua*: quo exemplo & Plinius lib. 7. cap. 1. *In quibus prodigiosa aliqua multis visum iri* haud dubito, pro *Viam iri ad visum* (id est, *Ut videatur*, hoc est, *Fore ut videatur multis*) aliqua esse prodigiosa.

Obscurissima quoque, vel doctis est dicti ratio in hoc Terentii Hecyr. act. 5. sc. 1.

*Jam ea atate sum, ut non sit peccato mihi ignosci aquum.* Donatus putat aut deesse *In*, ut sit *In peccato*; aut *Peccato mihi positum pro Peccanti mihi*. Sed in utroque alucinatur. Adrianus Behotius Apophoret. lib. 1. cap. 8. rectè interpretatur *Peccato si peccatum sit*. Ratio verò syntaxeos Grosippo docente hæc est: In *Peccare*, nisi externus addatur Accusativus, internus aut formalis subauditur, nempe *Peccatum*: quomodo Græci ἀμαρτίαν ἀμαρτίαν aut ἀμαρτίαν, cuius accusativi vim habet verbum infinitum, ut si dicam *Peccavit peccare*; sicut Nominativi in isto, *Peccare peccatum est*. In Ablativo porro, qui vulgo *Absolutus* aut *Consequentia* perhibetur, præpositionem

nem *A* subaudimus, quæ idem quod *Post* significat: ut, *Urbe condita* pro *Ab urbe condita*, id est, post conditam urbem. Livius lib. 23. 36. *Ab re bene gesta letum exercitum*. Et lib. 4. 41. *Mœsta civitati ab re male gesta Posthumius reus objectus*. Ovid. 2. Trist. *Hic tibi sic redeat superato victor ab hoste*.

Lucan. I. ——— *Moremque sinistrum  
Sacrorum Druida positis repetitis ab armis*.

Jam ergo *Peccato* est *A* peccato peccare, hoc est, Postquam peccare peccatum fit. Similiter in hoc Cic. 2. Agrar. *Cui errato nulla venia, rectè facto exigua laus proponitur*. Sententia est, Postquam errare erratum, rectè facere factum fit. Et in isto Horatii,

*Excepto quod non simul esses, cetera laus*.

Sensus est, Postquam excipere, quod non esses simul, exceptum fit. Neque tamen repugnat Grosippus, quin præpositio *In* subaudiatur, dum tamen *Post* significet: ut in hoc Catulli,

*Cœnabis bene, mi Fabulle, apud me*

*Paucis si tibi Dii favent, diebus*.

quod est, *Post paucos dies*.

Plaut. Pæn. *Aruspex dixit paucis diebus nos fore  
liberas*.

Propert. *Venturum paucis me tibi Luciferis*.

Idem, *At tu etiam juvenem spernis, me perfida,  
cum sis*

*Ipsa anus haud longa curva futura die*.

id est, *Propediem*, *Post diem non longam*. Præpositionem vero *In* desiderari in istis, multa auctorum loca nos docent:

Terent. Andr. *In diebus paucis, quibus hac acta  
sunt, Chrysis moritur*.

pro *Post dies paucos*.


Catull. *Si reditum retulisset is haud in tempore longo*.

pro quo Virgil. *Respexit tamen, & longo post tempore  
venit*.

Cæterum quoniam in *Participia* incidi, quæ Grosippus

sippus distinctam ab aliis partem orationis esse negat, ac *Nomina Verbalia* esse contendit, sed quæ aliquod Verbi accidens participant: operæ videor pretium facturus, si quæ ille de nominibus verbalibus Grammaticæ pag. 145. differuit, Synopsi quadam comprehensa oculis subijciam.

# SYNOPSIS NOMINUM VERBALIUM.



*Ornatissimo & Eruditissimo Viro*

OCTAVIO FERRARIO

MARIANGELUS A FANO

BENEDICTI S. P. D.

## VIII.

**C**Um multa doctores veteris Grammaticæ , quam *Cloacinam*, ut scis , Grosippus noster indigitat , maximis impedita difficultatibus tradiderint , tum haud scio quicquamne spinosius , quàm de Relativorum nominum , præcipuèque Reciprocorum constructione præceperint , ut verè Crucem ingenii ea in re fixisse videantur. Minimè proinde vulgare hoc etiam Grosippi est beneficium, quo Latinarum literarum studiosos sibi devinxit, cum istam ingeniorum carnificinam sustulit, totamque hanc syntaxin perspicuè expedit. Erunt , satis scio, qui subducto supercilio hanc ejus operam aspernentur , seque ea causa manum versuros negent , quippe quibus *amoris* sua cordi sit , omnis verò humanior literatura perinde ac suibus amaracinum adversetur. His ego barbariæ cœnum , cui adsueverunt , libens relinquo , ut porcorum vice

*Insatiabiliter toti volvantur ibidem.*

Tibi quidem hanc Grosippi præceptionem cognitu jucundissimam fore confido , ut qui præstans , quo polles , ingenium non Philosophicis modò ac Theologicis studiis tibi imbuendum, sed literarum quoque Græcarum ac Latinarum apparatu ornamdum esse rectè statueris. Vale , nosque ama.

# DE RELATIVORUM,

Præcipueque Reciprocorum Syntaxi

PASCASII GROSIPPI.

*Admonitio.*

**D**E Relativo generali vix attinebat quicquam præcipere, cum sit species Adjectivi, adeoque necesse habeat cum antecedente nomine, expreffo aut fuppreffo, in numero & genere, vel certè in generis terminatione convenire, etfi casu difcrepet; cum fequente verò nomine expreffo aut fuppreffo, perinde ut quodvis adjectivum cum fubftantivo confentit: ut, *Odi hominem, qui fimulatè loquitur.* Hic relativum *Qui*, cum antecedente nomine fubftantivo expreffo, quod eft *Hominem*, confentit in numero & genere, fed casu difcrepat: cum fequenti verò nomine fubftantivo fuppreffo, quod eft *Homo*, confentit in numero, genere & casu. Similiter in hoc, *Fuit quidam mercator, is navem fregit, qua vehebatur*, relativum *Is*, cum antecedente & fequente nomine *Mercator*, confentit in genere, numero & casu. Sed relativum *Qua*, cum antecedente nomine *Navem*, convenit in genere & numero, etfi casu difcrepet; cum fequente autem fuppreffo, quod eft *Nave*, convenit in genere, numero & casu. Cæterum *Qua vehebatur*, non eft regularis constructio, cum ablativi cafus nomen cum verbo non concordet per ullam regulam, nec etiam ab ullo verbo regatur. Eft ergo Figura, & quidem illa figuræ fpecies, in qua aliquid deeft, *Ellipsis* puta. Jam ex duodecim Maximis, five Regulis capitalibus Syntaxeos conftat, omnem Ablativum à præpofitione regi. Deeft ergo *A*, vel *In* præpofitio, à qua *Nave* ablativus fuppreffus regi-

regitur; quæ jam altera Ellipsis est. Ex iisdem enim Maximis discitur, *omne Adjectivum habere suum Substantivum sive expressum, sive suppressum, cum quo concordet.* Sic *Non laudo, qui heros fallunt.* Relativum *Qui* cum antecedente nomine substantivo suppresso *Homines* convenit in genere & numero tantum, cum eodem sequente iterum suppresso in genere, numero & casu. Esse verò accusativum *Homines* per Ellipsin suppressum, ex Maxima illa intelligitur, *Omne verbum activum semper accusativum expressum aut suppressum regit.*

De Reciproco duplex est consideratio; nam vel de Constructione ejus præcipitur, vel de Significatione. Quod ad Constructionem attinet, quæ hujus loci est propria, alia est ratio reciproci substantivi *sui, sibi & se*; alia reciproci adjectivi *suus, sua, suum*. Substantivum reciprocum cum antecedente nomine, quod refert, & in quod reflectitur, in numero convenit, etsi *sui, sibi & se* tam pluralis, quàm singularis sunt numeri: ut, *Nemo sui obliviscitur. Omnes sibi sapiunt. Nemo se odit. Omnes sibi bene esse malunt, quàm alteri.* Adjectivum reciprocum cum substantivo nomine secum conjuncto perinde ut alia adjectiva in genere, numero & casu convenit: ut, *Ulciscuntur eum mores sui. Jubet salvare suos vir uxorem suam. Expectat te domi sua. Ille rerum suarum satagit. Non novit eum mater sua.*

De significatione Reciproci, alterius loci est præceptio. Hoc loco duo monuisse satis fuerit. Alterum, *Suus* interdum significare idem quod *Proprius*: ut, *Justitia suum cuique tribuit. Suo sibi gladio hunc jugulo. Ille suo sibi servit patri*, id est, Patri proprio, qui ei sive sibi est suus. *Suam sibi rem salvam sistam, cum venerit, pro Rem*, quæ ei sua est seu propria. quo exemplo & *Meus mihi, & Tuus tibi* rectè dixeris. *Piaut. Truc. Ubi malè accipiar mea mihi*  
pecu-



pecunia. Et Cas. Opinione melius res tibi habet tua.  
 Cic. 10. ad Attic. epist. 8. Feram sicut multi clarissi-  
 mi homines tulerunt : nisi me fortè Sardanapali vice in  
 suo lectulo mori malle censueris , quàm exsilio Themisto-  
 cleo. Ubi Suo, valet Proprio, cui opponitur Alienum.  
 Terent. Eunuch. Viden' os suum , & cibus quid faciat  
 alienus ? Alterum, Relationem antecedentis nomi-  
 nis tertiæ personæ, quod sit primum & præcipuum  
 suppositum , indifferenter fieri per relativum com-  
 mune & reciprocum , nisi sermo inde fiat ambi-  
 guus : nam vitandæ ambiguitatis causa alias Reci-  
 proco , alias quocunque relativo nomine antece-  
 dens refertur , cùm constructionis , utro quis uta-  
 tur, nihil interfit. Ut Cor. Nepos, Antonius non so-  
 lum Ciceroni , sed etiam omnibus suis amicis erat inimi-  
 cissimus , pro Ejus , id est , Ciceronis. Idem, Amicis  
 absentes in eorum periculis cura erant Attico , pro Suis ,  
 nempe Amicorum. Idem, Cicero prædixit , qua vivo  
 se acciderunt , pro Eo vivo. Livius , In Pauli domo  
 præter se nemo superest , pro Præter ipsum. Plaut.  
 Capt. Numquam ei servus fuit præter se. Idem Milit.  
 Si quid malitiosè faciendum est mulieri, ea sibi immortalis  
 memoria est meminisse , pro Ea illi. Ibid. Excruciat  
 me herus , quia hac sibi non dixerim , pro Ipsi. Idem  
 Trin. Malus bonum malum esse vult , ut sit sui similis ,  
 pro Ipsius. Ibid. Cognatis dicam , bona mea inter eos  
 partiant , pro Inter se. Cato de re rust. cap. 37.  
 Vitis si macra erit , sarmenta sua conciditò minutè , pro  
 Sarmenta ejus. Cicero , Ulciscuntur illum mores sui.  
 Eum mores ipsius convincunt. Idem, Quid arbitramini  
 Rheginos mereri velle , ut ab eis marmorea Venus illane  
 auferatur ? pro Ab se. Idem, Camillus scripsit te cum  
 eo locutum , pro Secum. Ascon. in Milon. Pompejus  
 fuerat familiarissimus Clodio , & sectam suam sequi se pa-  
 lam profitebatur , pro Sectam ejus. Ovid. Ecce rogant  
 tenera sibi dem præcepta puella , pro Ipsis. Vellejus,

*Alexander à Lyfippo impetravit, ut casorum equitum faceret statuas, & ipfius quoque iis interponeret, id est, Alexandri: nam fi suam dixisset, fuisset ambiguum, de Alexandri, an de Lyfippi statua loqueretur. Cæsar, Helvetii persuadent Rauracis, ut unà cum iis profisciscantur, pro Secum unà, id est, cum Helvetiis. Idem, Allobrogibus persuadent, ut per suos fines eos ire patiantur, pro Ut se Helvetios per fines suos, id est, ipsorum Allobrogum, ire patiantur. Idem, Pompejus rescripsit, non suo consilio aut voluntate Domitium se Corfinium contulisse, pro Non ipfius Pompeji consilio. Cæcina, Casar irascitur ei, qui aliquid scripsit contra voluntatem suam, pro Ejus, nempe Cæsaris. Idem, Ignovit omnibus, qui multa Deos venerati sunt contra ejus salutem. Cicer. Dionysius Amasium suum interfici jussit, quia viam demonstravisset intermendi sui, pro Ipfius, nempe Dionysii. Idem, Pythius piscatores rogavit, ut ante hortulos suos piscarentur, pro Ipfius.*

*Nobili & Studiofo Adolescentulo*

P E T R O P A U L O

C A R A V A G I O

MARIANGELUS A FANO

B E N E D I C T I S. P. D.

IX.

**Q**Uæ in Alvari de Syllabarum quantitate præceptiones Grosippi qua monitis, qua libris adjutus nuper annotavi, dono tibi nunc mitto, in monumentum amicitiae nostræ, meique erga te studii pignus. Non quidem auctor tibi esse velim, ut in scribendis versibus quicquam hoc tempore

tempore ab Alvari regulis, quas memoriæ jam mandasti, recedas. Ubi tamen cum ætate iudicium confirmaveris, plusne Grammaticorum placitis, quàm magnorum Poëtarum exemplo tibi standum sit, nemine quamvis monente tua sponte constitues. Vale.

# MARIANGELI A FANO BENEDICTI

## *Annotationes in Alvarum de Syllabarum dimensione.*

(a) I, & V vocalibus præpositas, non esse consonantes, sed diphthongi partem, Grosippus à pag. 156. usque ad 165. multis disputat, quem consulere Magister poterit.

(b) Primam in *Fieri* veteres producere solebant. Plaut. Amphit. act. 1. sc. 2. *Pater curavit uno ut factu fieret.* Trin. *Si in obserendo possint interfieri.*

(c) I, in *Alterius* producit elegantissimus Grammaticus Terentianus, ubi de Jambico versu loquitur, *Nec alterius indigens opis veni.* Item de carmine Heroico, *Sub alterius consonat vocabulo.*

(d) Unde fiat, ut diphthongus sequente vocali corripatur, vide in Grammat. Philosoph. pag. 163. Quod mox de Vocalis productione ob sequentem I consonantem præcipitur, à Virgilio non est observatum *Æneid. 5. Ore rejectantem, mistosque in sanguine dentes.*

(e) *Abscido*, ex *Abs* & *Cado*, usitatissimum Latinis verbum fuisse docuit Gifanius in Lucretiano indice, quo loco *Vitalia rerum* quid sit, exsequitur; itemque in Latinæ linguæ observationibus. In libro Glossarum Vaticanæ bibliothecæ sic se legisse Grosippus testatur, *Abscidens, abruptens.* Virgil. *Hic*

*plantas tenero abscidens de corpore matrum.* Ita Glossis auctoribus corrigere Virgilii locum possumus, quamvis omnes tam typis, quàm manu descripti codices habeant *Abscindens*.

(f) *Recensitus* tamen penultima longa dixit Claudianus ferreæ ætatis scriptor.

(g) Doctissimus Gifanius in præfatione ad Lucretii Lectorem, secundam in *Nihilo* natura longam esse, adeoque corripì non posse perperam censet, quod prior in *Hilum* sit longa. Catullus enim perspicuè eam corripit in versu isto Glyconio, *Calites, nihilominus -v||-vv-||v-*

(h) Mediam in *Ambitus* participio natura non minus brevem esse, atque in *Exitus, Aditus, Initus, Obitus, Præteritus*; sed ex eventu, seu per accidens produci, quia scilicet ultima in *Ambe* vel *Ambi*, cum prima litera vocis *Itus* in diphthongum coalescat, ex Grammat. Philos. pag. 178. & Parad. literar. pag. 62. disci potest, quod ipsum sibi quoque visum esse suis ad Grosippum literis testatur cultissimus ætatis nostræ Poëta & Jurisconsultus Hieronymus Aleander.

(i) De *Refert*, pro *Interest*, dupliciter Alvarus fallitur: nam nec priorem semper habet longam, nec à *Res* originem ducit. Juvenalis versus est,

*Sportula quid referat, quantum rationibus addat.*  
id est, Quid intersit, quid tibi utilitatis afferat, apportet vel importet. Vide Grosippi Grammat. pag. 70. Ubi docet, *Quid hoc mea refert*, concisè dici, pro *Quid hoc refert*, sive affert ad mea negotia, sive ad meas res, aut rebus meis.

Plaut. Persa, *Quid id ad me, aut meam rem refert, Persa quid rerum gerant?*

Ibid. *Prius percunctari volo, qua ad rem referunt.*

(k) Frustra tot exceptionibus Alvarus cavet regulæ suæ de quantitate præpositionis *Pro*, cum dubium

bium non sit, quod in Lucretio Gifanius notat, anticipi eam apud Latinos intervallo fuisse. Hinc *Profocer*, & *Pronurus*, O longa, *Pronepos* brevi Ovidius, extulit.

(l) Ejusdem Gifanii in Lucretiano indice verba sunt, *Putant Grammatici RE semper breve esse; falsò, ut alibi docuimus: SUB, & AB, semper brevia; & hoc minus rectè. De PRO simile est eorum judicium, etiam, nisi me fallit meum, depravatam.* Lucretii versus lib. 3. in libris veteribus,

*Nec desiderium nostri nos adigit ullum.*

Et lib. 1. *Recidere inferiora magis, quàm corpora nostra. Tantum religio potuit suadere malorum.*

Iterum lib. 3. *Refugisse volunt longè, longèque remâsse.*

Et lib. 2. *Reliquia motus vitales vincere sape.*

*Id rursum cali relatum templa receptent.*

Et lib. 4. *Percipe nam certò penitus remota videntur.*

Propert. *Recidit inque suos mensa supina pedes.*

Ovid. 10. *Metam. Recidit in solidam longo post tem-  
pore terram.*

Horat. *Dii tibi dent classem capta reducere Troja.*

(m) E in *Tepefacio*, *Liquefacio* & similibus anceps est, quoniam quantitas ejus proferenda voce macro-syllaba vix apparebat. Notat Alvarus ex Lucretio *Expergefacta*, *Patefecit*, *Patefiat*, *Rarefiat*, E longa. Addi indidem poterat *Putrefactus*. Lib. 2. *Et tamen hac cum sint quasi putrefacta per imbres.* Nec dubito, quin idem in *Arefecit* facturus fuerit, nisi necessitate metrica adductus sic invertisset lib. 6. *Principio terram sol excoquit, & facit are.* Sed in *Cinefactus* E idem corripit lib. 3. *At nos horrifico cinefactum te prope busto.*

(n) Q in *Retroversus* hodie corripit monet Alvarus. id quam benè fiat, nescio: nam posterior in *Retro* perpetuò à Lucretio, Virgilio, ejusdemq; notæ aliis

producitur. *Retroversum* Grosippus in Lucretio reponendum censet lib. 4. ubi de speculis agitur,

*Usque adeo à speculo in speculum tralucet imago :*

*Et cùm lava data est, fit rursus ut dextera fiat :*

*Inde retroversum redit & convertis eodem.*

Monet Gifanius in veteribus libris esse, *Retrosum redit* : unde ipsi visum fuit legere *Reddit*. Sed nihil attinet versum tam elumbem Poëtæ tribuere.

(o) Cur O in *Bobus* producatür ; ratio est , quoniam contracta vox est ex *Bovibus* : unde primum factum est *Boubus*, inde *Bubus* & *Bobus*.

(p) *Natricis* genitivus à *Natrix*, sine dubio longa est, cùm sit à nando natrix, sicut à Natando Natrix. Alvarum induxit Nonius, cujus in laudandis auctorum verbis oscitantiam suspectam habere debuit. Lucillii versus Jani Douzæ patris iudicio rectius sic legitur, *Natricem impressit manibus crassam & capitata.* Sumitur autem Natrix, sicut & Serpens apud Græcos, pro eo, quod incolumi pudore non dixero.

(q) *Venimus* præsentis temporis, media brevi extulit Terentius Phorm. act. I. sc. 2.

*Eamus, duc nos sodes ; Imus, venimus,*

*Videmus. Virgo pulera : & quo mage diceres.*

(r) Notat Gifanius in ipso Lucretiani indicis vestibulo, A litteram sæpè à veteribus contra vulgatos Grammaticorum canones productam reperiri, sed loca plerumque esse mendis inquinata turpissimè. Lucret. I. *Sanguinis, aut aliquid, nostra quo corpora aluntur.* Et lib. 4. *Qua quasi membrana vel cortex nominanda est.* Virgil. *Dona debinc auro gravia, sectoque elephanto.*

Grosippus hoc amplius notavit pleraque ancipitia esse, quæ vulgo brevia, aut longa tantum credantur. Ut *Contra* posteriore brevi apud Manilium, & Valerium Flaccum, quorum versus Alvarus recitat,

tat, & apud Phædrum lib. 3. fabul. 41. *Alii onerant saxis, quidam contra miseriti*: ut dubitandi nulla sit ratio, quin ipsum in *Ultra*, *Citra* & *Frustra* usu venerit, etsi exempla ejus rei non extant, nisi apud Terent. Heaut. act. 4. sc. 8. *Daturum vah frustra sum igitur gavisus miser*: qui est senarius, in quo Faërnus *A* in *Frustra* non sine exemplo corripitur, & *R* in *Igitur* elidi monet. In *Triginta* & similibus ultimam alias produci, alias corripitur idem exemplis docet Alvarus. *Antea* Catullus & Horatius ultima producta efferunt, quia usu facta fuit particula, cum fuerit *Ante ea facta*, hoc est, *Ante id factum*. Idem ergo in *Postea* fieri poterit, cum sit *Post ea facta*. Ovid. contra *A* in *Postea* corripitur: nihil ergo impedit, quin idem fiat in *Antea*. In *Propterea* producit *A*, quia usus fecit particulam: sed eadem corripitur posse, vel hinc judicare licet, quod *Ea propter* Lucret. lib. 4. dixerit, etsi *A* longa ob positionem: quæ ipsa est ratio in *Interea* & *Præterea*. Ridiculum est, quod Alvarus *Putat* pro adverbio habet in hoc Pers. *Hoc putat non justum est, illud malè, rectius istud*. Est enim futurum tertium, sive præsens Imperativi primæ conjugationis: quomodo & in hoc Triphallicorum versu, *Ut Phæbo putat filioque Phæbi*: qui est Phalevcius. Martialis. *In folio putat se mergere Flaccæ caput*. Notat autem Grosippus omnes Imperativos in *A*, *E* & *I*, ancipitem apud veteres habuisse ultimam, ejusque rei apud Comicos exempla passim inveniri. Catul. in Hendecasyllabo.

*Quæso, inquit, mi Catulle, paulum  
Istos commoda: nam volo ad Serapin  
Deferri. Mane inquit puella.*

In marmorea arca valde antiqua, *Tempera jam genitor lacrimas, tuque optima mater Desine.*

(s) Non solum *Cave*, sed & *Vale*, brevi *E*, inveniri notat Alvarus: cujus rei ratio est, non quia

verba ista priscis fuerint tertii ordinis, sed quia, ut dixi, A, E & I in Imperativis erant ancipites. Valer. Flaccus lib. 5. *Incumbens Odrussa mero, vide lata comantem.* Martial. 3. epigr. 4.

*Si quando veniet, dicet: responde Poëta*

*Exierat; veniet cum Citharadus erit.*

Idem lib. II. epigr. ult. *Lector salve: taces dissimulasque? vale.* Ita veteres membranæ. Vulgo *Solve.*

(t) *Vulgo putant (ait idem Gifanius) veteres in Superne & similibus adverbii E semper produxisse. Hinc depravata sunt loca plurima. Virgil. 2. Geor. Flos apprimé tenax. Ita vetustissimus Codex. Vulgo Apprima. Horat. Album mutor in alitem superne. Sic in vetustissimo Codice legi. Vulgo Superna. Lucret. 6. Tecta superne timent, metuunt inferne cavernas. Idem lib. 4. Longè tamen parte ab summa cum tota videtur. Terent. Andr. act. I. sc. 4. Sanè pol illa temulenta est mulier & temeraria. Ubi Sane pol, est Dactylus.*

(u) *Ergo semper Causam significat, cum valeat idem, quod Facto vel Opere, sitque Ablativus ab imper: et si usus fecit particulam illativam, cum ex eo quod dictum est, aliud infertur. Deus est animus. Ergo precipuè animo est colendus: quasi dicat, Hujus rei ergo, hanc ob rem, hac de re, id est, hac de causa. Corripitur verò O per Systolen, perinde ut in Quomodo, Vigilando, Postremo, Cito, Sero, quæ Ablativos esse Grosippus docuit. Martial. Tu comes alterius, jam sumus ergo pares, hoc est, Illius rei causa. Monet enim Gifanius, errare Grammaticos, cum Adverbia in O putant omnia esse producta, ut Serio, Crebro.*

(x) *Non animadvertit Alvarus, T litera terminata priscis tam longa fuisse, quàm brevia. Ennius,*

*Omni*



*Omnis cura viris, uter esset Induperator.*

*Infit ô cives, qua me fortuna fero sic.*

*It eques & plausam cava concutit ungula terram.*

Livius Andron. *Cum socios nostros mandisset impin' Cyclops.* Plaut. Merc. act. 4. sc. 2. *Solet hortator remiges hortarier.* ubi *Solet* Jambus est: quod haud intelligens Josephus Burdoscäiger, *Hortator* repone conatus est. quo nomine merito vapulat in Scioppij Scaligero Hypobolimæo pag. 200. Terent. Heaut. act. I. sc. I. *Putavit me & atate & benevolentia.*

Virgil. *Cum clamore Gyas revocabat ecce Cloanthum,*

*Ardus effractoque illisit ora cerebro.*

*Multa Deos orans oneravit athera votis,*

*Dum trepidant it hasta Tago per tempus utrumque.*

Sic in veteribus libris ista legi testatur Gifanius.

Monuit me tamen Grosippus, revera nullam consonantem longam esse, cum syllabæ longitudo, sit vocalis productio & quasi geminatio. Ergo, *Et* longum est quasi *Eet*, similiterque *It*, longum est *Iit*. Cum positio longam facit syllabam, id.ait propter pronunciandi moram contingere, quam brevibus quoque vocalibus affert consonantium numerus. Ergo in *Eet*, breve est *E*, non minus quàm in *Es*, sed duæ consonantes eam excipientes ipsam syllabam faciunt longam, cum pronunciationem morentur: quod tamen non faciunt, quoties consonantium aliqua liquefcit, ut in hoc Virgilij contingit, *Ponite spes sibi quisque viri*. Nam *s* liquida est, testibus veteribus Grammaticis.

(xx) Hoc semper breve est, teste Probo. Auctor liberi carminis, *Et vos hoc ipsum quod minamur invitat.* Plaut. Aul. *Nunc hoc ubi abscondam cogito solum locum.* Veteres tamen dicebant *Hocce* & *Hocc*, quod positione longum est.

(z) Negat Alvarus ullum sibi succurrere exemplum

plum productæ ultimæ syllabæ in *Celtiber*. Grosippus hoc mihi ex Catullo subjecit, *Nunc Celtiber in Celtiberia terra*. Idem me monuit, in *Or* definentia ancipiti apud veteres fuisse intervallo. Lucillius, *Languor oppressitque piger, torporque quietis*. Ita Prudentius, *Quos lana terret discolor in stipite*.

(y) Verum est quod ait Alvarus, *M* non semper elidi solitum: sed fallitur, cum in fine verborum semper corripitur solere censeret. Lucillii enim versus sunt, quos sic in membranis legitestis est Gifanius,

*Præterea ut nostris animum attendere dictis*

*Huncne inquam Hyacintho hominem cortinipotensis*

*Deliciis confendi?*

id est, Hunc ne parem putari Hyacintho ab Apolline adamoto?

(aa) Quanta sit posterior in *Anas*, non docet Alvarus. Petronius corripit hoc phaleucio, *Aus piscis anas innovata pennis*. Itaque media in *Anatis* erit correpta, & secunda in *Anatinus*, qua voce Plautus Rudent. utitur, *Utinam fortuna nunc anatina uteretur*: in quo versu hiatus est, nec *A* ante *U* eliditur.

(bb) Regulæ huic controversiam moverit, quod est apud Ovid. in Ariadnæ epistola,

*Quis scit an hac savas insula tigres habet.*

Sed ibi Grosippus *Tigras*, accusativum Græcum pluralem reponendum monuit, sicut *Lyncas* apud Horat. lib. 4. oda 6. *Lyncas & cervos cohibentis arcu*. Ultimam in *Ganymedes*, natura longam (nam in Græco est \*, sive Ee) Poëta in Ithyphallicis corripuit, *Cui tradat Ganymedes ipse nectar*. Notavi etiam *Es* à *Sum* produci in Pedonis elegia ad Liviam, *Nata quod es alte, quod fatibus aucta duobus*.

(cc) Insignis Alvari alucinatio est, quod putat penultimam in *Stoicida* natura longam esse, quasi esset *Parricida*, *Homicida*, qui icilicet *Stoam* cædat: quod

quod prorsus est ridiculum. Rectè Britannicus monet esse fictam vocem instar Patronymicorum, ut *Priamida*, *Æneada*, *Romulida*, & ab Hirtaco *Hirtacides*, ab Æaco *Æacides*, quasi Stoæ filii, sive à Stoa profecti, hoc est, à Porticu, in qua Zeno Stoicæ sectæ pater docere fuit solitus. Simili modo *Plautus Rapacidus* finxit, quasi de Furum genere.

(dd) Nihil opus erat licentiam Poëticam comminisci, cùm syllabarum longarum correptio ad figuram Sytolen, de qua infra, pertineat. Potestas quidlibet audendi, de qua loquitur Horatius, ad res ipsas, non ad verba, nec earum quantitatem spectat. Verba quippè valent ut nummi, adeoque vel à populo exhibebantur qui verbis efferendis vel minimum peccarent.

(ee) Idem Catullus plerumque Glyconium à Choreo, rarius à Spondeo incipit, nonnumquam & à Jambo :

*Diana sumus in fide  
Puella & pueri integri,  
Usque dum tremulum movens  
Cana tempus anilitas  
Omnia omnibus annuit.*

Secundus quoque Sapphici pes apud Catullum Trochæus invenitur : ut,

*Seu Sæas, sagittiferosque Parthos  
Pauca nunciate mea puella  
Otium Catulle tibi molestum est.*

Idem Catullus secundum Phaleucii locum Spondeo sæpe occupat, quod tamen est insuavissimum, nec Hendecasyllabi nomen admittit : ut,

*Oramus si fortè non molestum est,  
Puellas omnes amice prendi.  
Tanto ten' fastu negas amice  
Et multis languoribus peresus.*

(ff) Viri docti Quisque legunt, non Quisquis : quo-

quomodo apud Aufonium, *Pareto legi quisque legem sanxeris*, pro Quicumque.

(gg) Syllaba natura longa est, quæ duo habet tempora, ac si vocalis esset geminata, ut *Maater*, *Feelix*, *Dederunt*, *Modoo*, *Quomodoo*, *Postremoo*, *Cantandoo*, *Exemplaare*, *Nee*, pro *Non*, *Putaa*, *Valee*, *Proopaago*, *Obiit* dissyllabon, *Lunit*, *Pluverat*, quæ pronunciabantur ita, ut U posterius ad primam syllabam pertineret *Luu---it*, *Pluu---erat*. Sytsole igitur est, cum talis syllaba longa corripitur, id est, cum vocalis non duobus temporibus, sed uno tantum effertur: quod Poëtas in multis fecisse deprehendimus, ut in *Dederunt*, *Modo*, *Quomodo*, *Cantando*, *Exemplar*, *Nefas* (quod contra est *Neefarius*) *Putat*, *Vale*, *Propago*, *Luit*, *Pluerat*. In *Abici* pro *Abjici*, similiter quidem Vocalis eliditur, sed syllaba tempus non mutat, cum etiam in *Abjicit*, *Objicit*, brevis sit, etsi duo Ii constituent ibi diphthongum, cum in *Obiit* dissyllabo tantum una longa sit litera.

Lucret. *Ipse Epicurus ob It decurso lumine vita.*

Juvenal. *Magnus civis ob It, & formidatus Othoni.*

Virgil. *Sceptra Palatini, sedemque pet It Evandri.*

Sic in Romano codice legi testis Pierius. nec aliter Paulus Gabianus in Cardinalis Carpenfis exemplari Trajani temporibus scripto invenit: ut *Erythræum* nec *Diis*, nec viribus æquis cum literarum principe Politiano congressum miserari potius, quàm quicquam morari debeamus. Qua porro ratione fiat, ut prima in *Iacit*, & media in *Abjicit*, sit diphthongus, nec tamen producat, cum unaquæque vocalis unum tempus in pronunciando consumat; cur etiam *Ab*, sequente diphthongo producat; à Grosippo de Orthoëpeia pag. 163. expeditum invenies. *Postremo*, ultima brevi extulit Juvenalis sat. II. *Et Scauros & Fabricios, postremo Severos*: cum tamen sit *Postremo* loco. De *Modo* posteriore

steriore correpta, res est in vulgus nota. Terent.  
*Fac apud te sis. PH. modo ut possim, pro, Hoc modo,*  
 quo possim, ita ut possim, hac lege promitto me  
 apud me futurum, si facere id possim: nam *Ut*, ni-  
 hil est aliud, quàm *Quomodo*, seu *Quo pacto modo*,  
 cui vel expresso vel suppresso respondere solet.  
 Plaut. Capt. *Eodem pacto, ut Comici servi solent.* Et  
 Bacchid. *Scin' quo pacto me ad te intro abducas? BA.*  
*mecum ut sis.* Ergo *Abduc me ut tecum sim*, concisè  
 dictum est, pro *Hoc pacto modo me abduc*, quo  
 pacto tecum sim, ita me abduc, ut tecum sim.  
 Idem Milit. *Ita faciemus, ut quod vidit, non viderit.*  
 Idem Bacchid. *Veniat miles ita ne mihi sit mora*, pro  
*Modo ne sit*, eo modo, quomodo ne sit, sive quo-  
 modo non sit. Ubi perspicuum est *Modo* esse posi-  
 tum pro *Eo modo*, *Ita* vel *Sic*. Plaut. Afin. *Ætatem*  
*velim servire Libanum ut conveniam modo*, pro *Hoc*  
*modo seu pacto aut lege servire velim*, ut conve-  
 niam Libanum. Et quoniam *Modus* etiam *Finem*  
 significat, eo fit ut *Modo* pro *Tantum* accipiatur, quasi  
 sit *Hac fine*, *Hactenus*, id est, non amplius. Sed de  
 his Grosippus in Minerva pluribus exsequitur, qui  
 Grammaticæ pag. 96. docuit *Quomodo* binas esse  
 voces. Et tamen Horatius dixit, *Cum victore sequor*  
*Macenas quomodo tecum.* Sic *Sero* habet *O* correptam  
 per *Systolem*, cùm sit *Sero tempore diei*, ex eoque  
 producitur. Ovid. 2. Amor. eleg. 11. *Sero respicitur*  
*tellus ubi fune soluto.* Et *Cito* ellipticos dicitur pro  
*Cito negotio*: *Vero* pro *Vero negotio*, re vera, in re  
 vera, sicut Terent. Hec. *Mulieres falso nobis suspectas*  
*in re ipsa invenimus.* Ita & *Mutuo* valet *Mutuo nego-*  
*tio*, re mutua, in qua per vices negotium aliquod  
 geritur: ut, *Amant se mutuo*, hoc est, Catullo in-  
 terpretante, *Mutuis animis amant, amantur.* Ita qui  
 pila datatim ludunt, mutuo pilam dant, mutuo ac-  
 ciipiunt, id est, *In vicem*, seu *Per vices*, alius alia  
 vice,

vice , ut Accipere & Dare sit res mutua , quæ inter Datores & Factores mutuo seu vicibus geritur : ex quo planum fit , quanta eorum sit imperitia , qui *Pecuniam mutuo dare & sumere* dicunt pro *Mutuum*. Vide Grammat. pag. 101. Politissimi Antonii Goveani in Adelpbos Terentii verba sunt , *Ablativos esse Primo , Verò , Cito , Sedulo , Mutuo , ultimisque correptis dici interim nemo nescit.*

(bb) Diaſtole eſt , cùm ſyllaba brevis produci-  
tur , quod fit , quando vocalis velut geminata effer-  
tur , ut duo habeat tempora : quod in vocibus ma-  
croſyllabis ſæpius uſuvenit , eo quod obſcurius ex  
longitudine ſit intervallum. Hinc I in *Canicula*,  
*Cuticula* & *Clavicula* produciſtur , etſi natura brevis  
ſit. Horat. *Hic in reducta valle canicula.* quod con-  
tra Plautus corripit Curcul. act. 5. ſc. 1. *Vix foras  
me abripui atque effugi. apage iſtanc caniculam.* Qui ver-  
ſus eſt Trochaicus tetrameter catalectus , habetque  
trybrachin ante catalexin. Perſ. *aſſiduo curata cuti-  
cula Sole.* Cato in Ditis , *Dulci namque tumet nondum  
viticula Baccho.* Germanicus Cæſar in Aratæis,

*Qualis ferrato ſabigens clavicula dente  
Succutit, & foribus reducit vincula clauſtri.*

Ubi in *Re* eſt diaſtole , quod efferitur ut *Ree* , adeo-  
que nihil conſonantem geminari attinet , etſi id in  
*Reddo* factum minimè ignoro.

Cæterum ex iſtis Alvari præceptis nequaquam  
conſtituere poſſis , adjectiva nomina in *Inus* exeun-  
tia , I longa an correpta efferri debeant. Omnes  
quidem ſcholæ , etiam illorum qui ſoli ſcire divini-  
tus , ſuamque docendi rationem aureo fune de  
cælo demiffam videri poſtulant , hac perſonant re-  
gula , quæ ab animantibus deriventur , eſſe produ-  
cta , ab inanimis autem brevia. Itaque *Onomaſtici  
Romani* auctor *Oleum Laurinum* I correpta pueros  
efferre docet , quia ſcilicet *Laurus* anima careat.

Ab

Ab eadem igitur ratione discipuli ejus I corripient in *Funginus*, *Collinus*, *Alpinus*, *Marinus*, multisque aliis res inanimas significantibus; producent autem in *Elephantinus*, ut scilicet elephantis corio qua magistri, qua discipuli circumtenti judicentur. Sed ut Grosippus censeret, ejusdem prorsus est, tanti flagitii erroribus tirones imbuere, & barbaros scriptores, à quibus Latine loqui discant, iisdem proponere, ut scilicet Onomastici illius emtores parvam caudam *Caudiculam* quàm *Caudulam* malint dicere, eodemque exemplo *Mensiculam*, *Penniculam*, *Barbiculam*, *Linguiculam*, mille alia uberis virgidentia minimè indigna. Quod si animum notæ istius doctores possent inducere, ne omnes alios præ se fœnum esse oportere crederent, præcipueque ne aliarum religiosarum sodalitarum homines ut indoctiores contemnerent an contererent, discere *Mamotrecto* monente poterant, nomina *Inus* in exitu habentia, si Græca sint, esse breviora, Latina vicissim longa. Itaque *Elephantinus*, *Faginus*, *Crystallinus*, *circinus*, *crocinus*, *amaracinus*, habent I correptam, cum sint Græca O in U conversa: *Laurinus* autem, *Funginus*, *Collinus*, *Ostrinus*, habent I productam, cum à nominibus Latinis sint derivata. Ab *Uncus*, quod natura adjectivum est, in quo *Clavus* vel *Hamus* subauditur, fit *Uncinus*, I brevi, cum sit Græcum: qua voce Vitruvius utitur lib. 5. cap. 10. Ab adverbii Latinis derivatorum alia est ratio, ut *Vespertinus*, *Clandestinus*, *Crastinus*, *Serotinus*: nam *Matutinus* esse à nomine *Matura*, nemini potest esse dubium.

FRAN-

FRANCISCO ET CAROLO  
LOTERIIS,ROMANIS JURISCONSULTIS,  
MARIANGELUS A FANO  
BENEDICTI S. P. D.

## X.

**J**AM septimus hic annus agitur, cum Roma huc reversi nobiles viri Senator & Antonius Septalii, Ludovici filii, admiranda quædam de ingeniorum vestrorum felicitate retulerunt: Vos nimirum nonnisi XI. & XII. annos natos totum Civile Jus jam perdidicisse, & in Sacrorum Canonum studio feliciter versari, Virgilii vero Poëmata omnia tamquam unguis digitosque vestros nota habere, in iisque recitandis ne unam quidem peccare syllabam; quodque admirationem auxit, ne abditissima quidem summi Varis mysteria vos effugere, ut ea vel iis, qui nostra ætate in Poëtarum primis censentur, explanare possitis. Venit postea in urbem hanc Grosippus, qui mihi & literas à vobis ad se datas ostendit, & vos quarto & tertio decimo ætatis anno in Romani Athenæi Academia publicè magna cum omnium acclamatione plausuque Juris utriusque Consulti titulo affectos esse, ac nunc Philosophiæ operari, simul tamen virorum optimo patri vestro in respondendo de Jure causisque clientium dirigendis subservire, laboremque minuere, nunciavit. Ista me impellunt, ut inter eos, qui vos amant, ac velut Italiæ nostræ ornamenta mirantur, nomen meum profitear, meque mutuo à vobis amari expetam. Quod ut minore negotio



negotio à vobis obtineam , muneri vobis mitto , quæ nuper Grosippus meo rogatu de ratione dime-  
tendi versus Comicos , commentatus est : quem  
quoniam à vobis patris vestri exemplo coli ac ma-  
gnopere diligi scio , istam ejus lucubratiunculam  
multo vobis gratissimam fore merito mihi per-  
suadeo. Valere.

# PASCASII GROSIPPI

## De Versibus Comicis.

Versus Co- micorum alii sunt	Fambici, quo- rum pedes sunt	Fambus v -
		Spondaus - -
		Tribrachys v v v
		Dactylus - v v
		Anapaestus v v -
	Trochaici, quo- rum pedes sunt	Proceleusmaticus v v v v
		Trochaus seu choreus - v
		Spondaus - -
		Tribrachys v v v
		Dactylus - v v
		Anapaestus v v -
		Proceleusmaticus v v v v
	Confusi, οὐκ ὁμοῖα μέτρα, in quibus Fam- bus, Trochaus aliique pedes ponuntur pro- miscuè.	

Cic. in Oratore , Comicorum Senarii propter simili-  
tudinem sermonis sic saepe sunt abjecti, ut non numquam in  
his vix numerus & versus intelligi possit.

## I A M B I C I.

*Mohometer, duobus constans pedibus: ut, Optime odio es - v v / v - Pessima mane - v v / v - Abite vos v - / v -*

*Versus  
Iam-  
bicus  
est vel*

*Dimeter  
quatuor  
constans  
pedibus,  
isque vel*

*Acatalecticis seu plenis, cui nihil  
deest: ut, Lucāna mutet pascua  
v - / v - / - - / v - Verebar quorsum  
evaderet v - / - - / - - / v -*

*Catalecticis, cui in fine deest syllaba:  
ut, Quem nemo vidit umquam  
- - / v - / v - / -*

*Hypercatalecticis, qui syllaba in fine  
abundat: ut, Ornare pulvinar  
deorum - - / v - / - - / v - / v*

*Brachycatalecticis, cui pes in fine  
deest: ut, Ita peregre adveniens  
v v v / v - / v v -*

*Acatalecticis seu plenis: ut, Poëta  
cum primum animum ad scri-  
bendum appulit v - / v - / - v v / - - /  
- - / v - Beatus ille qui procul ne-  
gotiis v - / v - / v - / v - / v - / v -*

*Catalecticis, cui in fine deest syllaba:  
ut, Trahuntque fittas machinæ  
carinas v - / v - / - - / v - / v - / -*

*Trimeter  
seu Sena-  
rias, sex  
constans  
pedibus,  
isque vel*

*Hypercatalecticis, qui syllaba in fine  
abundat: Ut demonstratæ sunt,  
hasce ædes esse oportet - - / - - / - - /*

*- - / - - / v - / v Aliter vocatur Satur-  
nius. Dabunt malum Metelli  
Nævio poëtæ v - / v - / v - / - - / v - /  
v - / -*

*Brachycatalecticis, cui pes in fine  
deest. Opulento homini hoc magis*

gis servitus dura est vv- / vv- /  
vv- / v- / -

In Magis, S eliditur. Nonne idem  
hoc lucis me mittere poruit -- /  
-- / -- / -vv / vv -

Scaron seu Clandus, qui in ultima  
sede pro Jambo habet spondaum. Mi-  
ser Catulle definas ineptire v- /  
v- / v- / v- / v- / - Quapropter  
edulcare convenit vitam -- / v- /  
-- / v- / v- / -

Acatalecticus seu plenus. Nil est  
triumpho, si licet me latere  
tecto abscedere -- / v- / - / v- /  
-vv / v- / - / v- Istuc tibi ex  
sententia tua obtigisse gaudeo.

Tetrame-  
ter seu  
Qua-  
dratus  
vel Octo-  
narius,  
octo con-  
stans pe-  
dibus,  
isque vel

Catalecticus seu Septenarius, vel  
Hipponacticus, cui in fine deest syl-  
laba. Deprensa navis in mari ve-  
saniente vento -- / v- / v- / v- / - /  
v- / v- / - Satis pol proterve me  
Syri promissa huc induxerunt  
vv- / v- / - / v- / v- / - / - S, in  
Satis eliditur. Istuc tibi ex sen-  
tentia tua obtigisse heror.

Hypercatalecticus, qui syllaba in fine  
abundat. Atque ejus amicam sub-  
agitare vel heri in vino quo  
immodestus -- / vv- / -vv / v- /  
vvv / - / -vv- / - Deprensa navis  
in mari vesaniente Apeliota.

Septenarius, septem constans pedibus apud Plau-  
tum sapius, raro apud Terentium invenitur.

## TROCHAICI.

	Monometer, duobus constans pedibus, isque vel	<p><i>Acatalectic</i>us seu plenus, cui nihil deest: ut, Vapulabis - v / - v</p> <p><i>Catalectic</i>us, cui in fine deest syllaba: ut, Occidi - v / -</p> <p><i>Hypercatalectic</i>us, qui syllaba in fine abundat: ut, Vapulabitis - v / - v / -</p> <p><i>Acatalectic</i>us seu plenus: ut, Cras amet, quod numquam amabit - v / - - / - v / - v</p>
Versus Trochaeicus est vel	Dimeter, quatuor constans pedibus, isque vel	<p><i>Catalectic</i>us, cui in fine deest syllaba: ut, Proh Deum atque hominum fidem - v / - vv / - v / -</p> <p><i>Hypercatalectic</i>us, qui syllaba in fine abundat: ut, Qui te ad scopulum è tranquillo inferat - - / vv - - - / - v / -</p> <p><i>Acatalectic</i>us seu plenus: ut, Ad fores auscultate atque affervate ædes - v / - - / - - / - - / - - / - v</p>
	Trimeter seu Senarius, sex constans pedibus, isque vel	<p><i>Catalectic</i>us, cui in fine deest syllaba: ut, Nonne idem hoc lucis me mittere potuit - - / - - / - v / vv v / -</p> <p><i>Hypercatalectic</i>us, qui syllaba in fine abundat: ut, Qui mihi ubi ad uxores ventum est, tum fiunt senes - v / vv - / - - / - - / - - / - vv -</p> <p><i>Acatalectic</i>us seu plenus: ut, Adeon' hominem esse invenustum aut infelicem quemquam, ut ego sum? vv - / vv - / - v / - - / - - / - - / - vv / - v</p>
	Tetrameter seu Quadrius,	<p><i>Catalectic</i>us, cui in fine deest syllaba: ut, Proh Deum atque hominum fidem, quod si fit, pereofunditus - v / - vv / - v / - - / - - / - vv / - v / -</p>

Sic

*octo con-*  
*stans pe-*  
*dibus, est*  
*vel*

Sic Amyclas cum tacerent per-  
 didit silentium -v/ - -/ -v/ - -/ -v/  
 -v/ -v/ -  
*Hypercæcælecticus, qui syllaba in fine*  
*abundat: ut, Tu fortasse quid me*  
*fiat parvipendis, dum illi consu-*  
*las - -/ -v/ - -/ - -/ - -/ - -/ - -/ -v/ -*

## Admonitio de Dimensione, seu scan- sione versuum Comicorum.

I. **I**N eadem scena modo Jambici, modo Tro-  
chaici, & utrique modo longi, modo bre-  
ves inveniuntur.

II. Sæpe syllaba prima versus ad finem præceden-  
tis, & ultima ad principium sequentis pertinet.

III. Sæpe vocales longas uno tempore per Sy-  
stolen, breves duobus temporibus per Ecstasin  
vel Diastolen extulerunt. *Abi v v Imo v -*  
*Animo vvv Phormio vvv Fuit -v Fieri -v-Reducō -v*

IV. Sæpe vocales, vel diviserunt per Diæresin,  
vel contraxerunt per Synæresin aut Synalephen.  
*Jam vv Qui v- Hospitæ-v - - Phaëton - - Nihil-Rei-*  
*Hujus - Ait - Meos - Fiat - Potius v v Adeo v v*  
*Puero v - Proinde -v Duorum -v Ambiens - - Le-*  
*giones - - - Histriones - - - Ajebas vel Aibas - -*  
*Hodie v v*

V. Sæpe per Ecthlipfin literas & syllabas extrive-  
runt, sive literæ consonantes essent, sive vocales,  
& hæ tam longæ, quàm breves; idque vel in  
medio vorum per Syncopen, vel in finibus per  
Apocopen. Ita Cicero pro *Postmarium*, *Postmeri-*  
*dianus* efferebat *Postmarium*, *Postmeridianus*, & alii  
extrita etiam *S*, *Pomarium*, *Pomeridianus*. *Axilla*,  
*Vexillum* efferebant *Ala*, *Velum* fuga literæ vastio-  
ris, ut ait Cicero, qui etiam testatur pro *Vasis*

argenteis dici solitum *Vas argenteis*, pro Virorum *Virum*, pro Testis fractis *Testis fractis*, pro Si vultis, *Sultis*, pro Si vis sis, *V extrita*, pro Si audes *Saudes* vel *Sodes*, pro Cape si vis, *Capsis*, in quo tamen Cicero fallitur. Sed *Facsis*, certum est dici solitum pro Face si vis, & pro Cedite *Ceste*, pro Surripere, *Syrrigere*, *Porrigere*, *Sarpere*, *Surgere*, *Porgere*, pro Evasisi *Evasti*, pro Vixisset *Vixet*, pro Irritavit *Irritat*, pro Decreverat, *Decrerat*, pro Scire licet *Scilicet*, pro Ire licet *Ilicet*, pro Caldior *Caldior*, pro Valide *Valde*, pro Populo *Poplo*, sicut *Poplicus* & inde *Publicus*, pro Admisisse *Admisisse*, pro Lamina *Lamna*; pro Eveniat *Evenat*, pro Applicat *Aplicat* prima brevi, quia A in Ad natura brevis est: quomodo etiam *Invidus*, *Convenit*, primam correptam habent propter elisionem literæ N, quæ elisio aperta est in *Coëo*, & in *Copis*, quasi *Coopis*, unde *Copia*; sicut *Inopis*, *inops*, *inopia*: pro Dives *Du*, pro Divinæ *Diria*, pro Videsne *Viden*, Vultisne *Vultin*, Aisne *Ain*, pro Tamen *Tame* & *Tam* teste Festo, pro Obmitto *Omitto*, extrito M, quod ex B factum fuerat, pro Juvit *Juit* sive *Ju-it*, extrita V. Ista omnia satis veterum auctorum testimonio certa sunt, adeoque nemini jam durum aut insolens videri debet, homines doctissimos in dimetiendis versibus Comicis nullam eorum, quæ Grammatici præcipiunt, rationem ducere: qualia sunt *Audivi* -- nempe V elisa & duobus I coalescentibus *Reicio* vv-vv & *Reicio* -vv *Senex* -- quasi *Snex*, & *Senectus* -- E elisa, sicut in *Fenstra* pro Fenestra, & in *Liberius* -vv *Argumentum* -- v *Vextrita*, *Fateor* vv *Confiteor* v v elisa E. *Audivere* -- v quasi *Audiere* vel *Aud-iere*, *Viden'tu* vv-elisa N; sicut etiam in isto, *Hera in crimen* vv-v & *Tamen vix* vv-quasi esset *Tame vix*. *Ne hoc quidem tacebit* -vv / v-v extrita

extrita M, sicut etiam in *Omnes* - *Nampe* - *Enimvero* - *Nam quid ego* - *Delisa*, sicut & ibi: *Quod ego te* - quasi esset *Qu-ego te*. Ita *Sed quid hoc* - quasi esset *Sed quoc*. Et *Sed eccum* - pro *Seccum*, *Ædepol* - quasi esset *Æpol*, sicut *Æcastor quidem* - quasi esset prius *Quiem* post *Quem*. Ita B, & vocalis exteritur in *Nobis* - quasi esset *Nois* & *Nis*, *Tibi*, *sibi* - quasi *Tiisii* & postea *Ti*, *Si*. Et *Abi* - quasi *Ai*. L sæpe eliditur in *Ille*, quasi esset *Ile*, priore correpta, quomodo veteres *Oli* pro *Illi* dicebant. Ita eliditur in *Simul cum* - *Idipsum* literæ R & S, sive consonans, sive vocalis sequatur, usu venit. *Miser quod* - *Par referre* - *Soror dicta* - *Est* - *Iste* - *Ostendo* - *Esse* - *Nimisquam* - *Tu abis ab illa* - quasi esset *Tababilla*. Sic *Melius est* - quasi *Melust*. *Commoditates in hac re* - *elisa* prius S; postea E. Eliditur etiam P in *Voluptas* una cum V, cum sit à *Volupis*, id est, jucundus, quasi *Volupitas*. Sic in *Ineptus* cum *Aptus* sit factum ex *Aptus* ab *Apere* verbo prius, quod significat *Nectere*, jungere, unde *Apex*. Etiam T elidi solet, ut *Dabit nemo* - *Tacet cur* - *Venit nunc* - In *Nemine ego* - fit esth-lipsis duplex, quasi esset *Nemneco*: sic *Idem mihi* - quasi esset *Iem mihi*.

V I. Sæpe literas interposuerunt, ut vocalium concursus sive hiatum effugerent: ut, *Mederga* pro *Me erga*, *Antideo* pro *Anteo*, *Antidhac* pro *Antehac*. Etiam *Calim* pro *Clam*, teste *Festo* dicebant. In *Plauto* est *Perdeam* pro *Percam*.

V I I. Sæpe hiatum vocalium admiserunt: ut, *Quomodo hinc abeam nescio* - *Modo* non eliditur. Sic *Abi hinc in malam crucem*, non eliditur I in *Abi*. *Hecyra est huic nomen fabula*. *hac* cum data est. non exteritur

tur Ae, in Fabulæ. *Illo opere foris Faciundo lassus noctu advenit.* Nec E in Ille, nec V in Noctu eliditur, ut sit Trochaicus tetrameter catalecticus.

VIII. Sæpe M non exteritur sequente vocali, & modo producitur, modo corripitur: ut, *Officium hoc viri nequaquam est boni* -vv / - - / v - / - - / v - / v -

IX. Interjectiones Heu, O, Papa, Au, St, & similes animi motum exprimentes sæpe Actoris sunt, non Poëtæ, adeoque ad versum non pertinent, ut monet Victor. lib. 2. de metris. Illustre rei hujus exemplum est in Plauti Mostel. act. 3. sc. 2. Ibo intro igitur. TR. mane sis, videam ne canis. TH. agendum vide.

TR. Est. TH. ubi canis est? TR. abi dierecta, - abin hinc in malam crucem?

At etiam restas? abi istinc. SI. nihil periculi est, age.

Alii editio partim, & alii Codices habent, Abi dierecta est. Et mox, At etiam restas? Est? abi istinc. Sed nihil est dubii, quin pro Est ubique legendum sit St. & Abi pro Ubi.

Hoc modo,

St, abi canis, st abi dierecta, st abin hinc in malam crucem.

At etiam restas? St abi istinc. SI. nihil periculi est, age.

Sunt versus Trochaici tetrametri catalectici, ad quos tamen interjectio St, præterquam primo loco, non pertinet.

F I N I S.






GASPARIS SCIOPPII

Comitis à Claravalle

# CONSULTA- TIONES


De Scholarum & Studiorum  
ratione,

*Deque Prudentiæ & Eloquentiæ  
parandæ modis.*



AMSTELODAMI,

Apud JUDOCUM PLUYMER Bibliopolam,  
propter Aquam, sub signo Senecæ, 1665.



*Illustriss. Marchioni*

D<sup>N</sup>. T R A J A N O  
G U I S C A R D O,

*Magno Montisferrati Cancellario,*

G A S P A R S C I O P P I U S S. D.

**J**Am multi sunt anni, quod à compluribus amicorum rogatus de constituendis Scholis, deque ratione literas compendio docendi ac discendi nonnulla commentatus sum, nihil minus cogitans, quam ut ea in vulgus ederentur. Sed posteaquam multi in Italia & Germania summates viri ea legerunt ac probarunt, inque necessariorum suorum usus describenda censuerunt, nonnulli etiam adolescentes consilio meo usi tantos brevi tempore in literis progressus fecerunt, ut omnibus admirationi essent: cujus rei specimen cernere est in Leonardo Pappo, Constantiensi Canonico & Austriæ domus Consiliario, in Octavio Ferrario, clarissimo ac disertissimo politiorum literarum in Patavino Athenæo doctore, & in Mariangelo à Fano Benedicti, omnibus animi & ingenii dotibus ornatissimo: quin ea prælo subjicerem typisque descripta exire paterer, amicis ita contendentibus negare non potui. Visum autem mihi fuit, libellum tuo nomine præscriptum emitte, cum te non minus de literis rectè judicandi facultate præditum, quam in obeundis Principum legationibus, inque Repub.

adminiſtranda majorem vitæ partem cum laude  
verſatum, nec minus eo nomine, quam ob patriam  
proximis annis tua potiſſimum fide, prudentia &  
conſilio conſervatam, Sereniſſimo Principi ac Pa-  
trono noſtro Mantuano Duci acceptiſſimum eſſe  
compererim. Quo accedit, quod tuæ erga me bene-  
volentia non ſemel rebas ipsis ſpectatæ memoris  
gratæque voluntatis profeſſionem debere me ſaltem  
tantisper cenſui, dum aliquid cum multiplici vir-  
tute tua, tum amicitia noſtra, meaque erga te ob-  
ſervantia dignius ad te mitto. Cujus rei ſponſorem  
ſatis, opinor, locupletem admittes Paulum Bom-  
binum noſtrum, virum inter præcipua ætatis  
noſtræ ornamenta numerandum, cum quo mihi  
colendi tui certamen eſt. Tu, Vir Illuſtriſſime, pro  
humanitate tua munuſculum hoc interea boni con-  
ſulas rogo, utque diu ſalvus ſeſpeſque ſis, ex animo  
voveo. Kal. Jul. Anni M. DC. xxxvi.

DE

# DE CONSULTATIONUM

*harum Utilitatibus Judicium.*

**V**idimus, ac legimus has de scholarum, ac studiorum ratione Consultationes: in quibus nos Viri Clarissimi iudicium tanta nominis ejus celebritate dignissimum, magnopere oblectavit. Unde etiam spes fore, ut Principes, & sacrorum proceres, quorum fidei ac tutelæ divinarum & humanarum literarum studia commissa sunt, tantam scientiis ac disciplinis obortam lucem gaudeant, neque istam de humano genere bene merendi occasionem neglecturi sint: Namque aucto in immensum scribendi docendique studio, librorumque numero ac mole mutuo se prementium nova subinde sobole exoriente, & præcipiti temporis fuga, cujus stolidè prodigi sumus, magna studiorum pars est, recta studendi ratio. Nisi ergo omnia nos fallunt, si ad rem conferantur, quæ Scioppius consulit, incredibili temporis, laborum, & impensarum compendio literarum humaniorum & Philosophiæ spatia adollescentes decurrent, & ad publicas quarumcumque disciplinarum Actroases multò paratiores accedent, longeque majus in scientiis illis breviori tempore perdiscendis operæ pretium facient. Classicarum certè Scholarum Magistris magnopere ex usu futurum censemus, quod indicium eis sit librorum, quorum lectione & ipsi proficiant, & auditoribus facilius & compendiosius præcipere queant. Itaque hoc nomine ætati huic gratulandum arbitramur: cujus judicii nostri hoc publicum extare testimonium volumus. Patavii, Kal. Jul. Anno M. DC. xxxvi.

*Bartholomæus Vecchius Senensis*, J. U. D. Patavii Professor juris civilis primar.

*Alexander Syncliticus*, J. C. & Antecessor Patavinus.

*Ostavius Ferrarius*, Theologus, & Oratoriæ artis Græcarumque literarum Interpres primus.

## PÆDIA ELOQUENTIÆ

*Compendio contracta.*

**E**loquentia est facultas animi sensa variis linguis efferendi, sive id voce, sive scripto fiat.

Ejus parandæ adjumenta sive media sunt tria, Disciplina, Usus, & Ordo in utroque.

Disciplina est cognitio eorum, quæ eloquentiam conficiunt: quorum alia sunt substructionis seu fundamenti, alia exstructionis sive operis.

Substructio partim est communior, partim eloquentiæ magis propria.

Communior substructio est partim Intelligentia linguarum sine ullis regulis; partim Præceptio regularum ad etymologiam & syntaxin pertinentium. Utraque res Logicæ & Rhetoricæ communiter substruitur.

Propria eloquentiæ substructio est præceptio Logica de Argumentorum generibus & locis, deque Argumentationum formis: quæ nisi prius cognita habeantur, plurima Rhetoricæ artis præcepta de Inventionem, Dispositionem & Elocutionem longè difficilior & tardior discuntur.

Exstructio est ars Rhetorica, sive systema aut constitutio præceptorum de inventionem, dispositionem & elocutionem.

Usus, sive loquendi scribendique Exercitatio est partim secundum Artem, partim secundum Artificem.

Exercitatio secundum Artem est vel Analysis, vel Genesis.

Analysis est alieni operis, cum Logicis & Rhetoricis præceptis comparatio.

Genesis

Genesis est novi operis secundum Logicæ & Rhetoricæ præcepta effectio.

Exercitatio secundum Artificem est imitatio ejus, quem quis vel legit, vel audit.

Ordo est eorum quæ discuntur & exercentur in sua tempora divisio, ut ea scilicet præmittantur, sine quibus Eloquentiam majore laboris & temporis impensâ parari necesse est.

### *Ordo paranda Eloquentiæ Latine.*

#### *Primo Studii anno.*

**O**Mnium primum est, ut discantur Declinationum & Conjugationum Paradigmata, quæ in *Mercurio* nostro *bilingui* Mediolani edito continentur: quod vel uno, aut summum duobus mensibus fieri potest.

Proximum, ut linguæ Latinæ intelligentia pareretur memoriæ mandandis mille ac ducentis sententiis in eodem *Mercurio* *bilingui* comprehensis, unâ cum *Conjugatis*, sive primitivis, derivativis, simplicibus & compositis eorum nominum & verborum, quæ in iisdem sententiis includuntur. quod quidem mediocri ingenio præditi octo vel novem mensium studio facile consequentur.

Tertium, ut primi anni postremi duo menses consumantur memoriâ complectendis etymologiæ & syntaxeos præceptis, quæ *Rudimenta Grammatica* nostræ *Philosophica* exhibent: quæ sunt 140. versus Hexametri (quibus Regulæ & Exceptiones de Nominum generibus & casibus continentur) tum quindecim Regulæ de tota syntaxi unâ cum Figuris, seu figurata vel irregulari syntaxi.

*Secundo Studii anno.*

**Q**uartum, ut studiosi exerceantur partim secundum Artis præcepta, quæ jam didicerunt, partim secundum Artificum exempla, quæ legendo cognoscunt. Magister enim eis præleget atque explanabit hoc anno faciliores Ciceronis epistolas, Cornelii Nepotis sive Æmylii Probi vitas, Terentii comædias, Phædri fabulas, Ovidii libros Tristium & de Ponto: ipsi verò quotidie aliquid ex sermone vernaculo Latine convertent, quod Magister legat & corrigat, indicando scilicet, si quid invenerit sive cum Regulis etymologiæ aut syntaxis minimè congruens (quod genus sermonis vitia Barbarismus & Solœcismus vocantur) sive à Ciceronis, Cæsaris, Nepotis, Livii, Plauti & Terentii consuetudine alienum, quod *Insolentia* vitium est, cuius genera sunt Archaismus, Neoterismus & Idiotismus vel Peregrinitas, de quibus *Propadia* nostra *Rhetorica* videri potest.

*Tertio Studii anno.*

**Q**uintum, ut ex *Propadia* nostra *Logica* discant studiosi genera Argumentorum, Prædicamenta, Propositionum definitiones & divisiones, Argumentationis species Syllogismum, Enthymema, Inductionem, Soritem, Dilemma, cum Syllogismorum figuris, modis & affectionibus: quibus omnibus discendis tres menses mediocri ingenio satis esse experimento est cognitum, quoniam nullus hic scholasticarum Quæstionum usus est.

Sextum, ut ex *Propadia* nostra *Rhetorica* sex mensibus Inventionis, Dispositionis & Elocutionis præcepta memoriæ mandent: quo tempore  
simul



simul versus *Alvari de Profodia* seu syllabarum quantitate, unà cum *Annotationibus Mariangeli à Fano Benedicti* eis prælegi & explanari possunt, similiterque libri aliquot Virgilianæ *Æneidos*, aut epistolæ *Horatii*.

Septimum, ut postremo trimestri sex hebdomadæ impendantur nostro *Pervigiliò bonæ mentis*, sive Introductioni in Philosophiam Moralem: unde discent, quid & quot generum sint Affectus, sive animi perturbationes, quid Virtutes, eisque opposita Vitia.

Octavum, ut aliæ sex hebdomadæ impendantur Introductioni in *Physicam*, quam Peripateticorum princeps Petrus Johannes Nugnesius Hispanus edidit. Toto autem anno discipuli quotidie stylum exercebunt, Magistro ea quæ singuli scripserint ad Grammaticæ & Rhetoricæ præcepta sedulò exigente.

*Quarto Studii anno.*

**N** Onum, ut priore semestri exerceantur partim in *Genesi* secundum Artem Grammaticam & Rhetoricam, componendo epistolas, orationculas & carmina, si tamen non sint abhorrentia & absurda ad Poëticam ingenia; partim in *Analysi*, sive in resolvendis Ciceronis orationibus & epistolis, in Livianis concionibus, in Odis *Horatii*, Elegiis *Propertii*, *Tibulli* & *Ovidii*: ut scilicet observetur, quo modo isti magni artifices inventionis, dispositionis & elocutionis oratoricæ ac poëticæ præcepta custodierint, ut eorum exemplum studiosi postea in *Genesi*, seu componendis novis operibus imitari possint.

Decimum, ut posteriore semestri exerceantur in *Genesi secundum artem & artificem*, id est, ut ali-

quid novi operis , epistolam puta , narrationem , orationem , elegiam , epos , satyrā , odam , epigramma , aut quid aliud componant , quod à Magistro corrigatur , ita scilicet ut moneantur de vitiis non tantum *Sermonis* , quæ artis regulis , aut bene loquentium consuetudini adversantur ( quæ esse diximus Barbarismum , Solæcismum , Archaismum , Neoterismum & Idiotismum ) sed etiam oratoriæ *Diſtionis* , quæ sunt Plebitas , seu Vilitas , five Sordes , κατὰ τὴν φύσιν , five oratio versicoloria aut multiformis & inæqualis , similiterque oratio nullis Troporum & Figurarum luminibus distincta , exilis , attenuata & exsucca , parum bene collocata , malè juncta , minus numerosa , & jejuna , five inops sine verborum varietate & copia : de quibus vitiis satis multa in *Propædia Rhetorica* diximus. quæ vitia qui cavere ac virtutibus mutare noverit , stylo quotidie per omnem vitam exercendo , consummare Eloquentiam , five ad summum perducere poterit. Ut enim ait Cicero , *Caput est quam plurimum scribere. Stylus quippe optimus & præstantissimus est dicendi effector ac magister.* Sin autem quotidianum scribendi aut loquendi exercitium ista sermonis & diſtionis vitia non excludat , evitari non potest , quin oratio fluat lutulenta , nec puncta doctorum auferat , velut hac altera ejusdem Ciceronis sententiâ docemur :

*Perverſe dicere homines , perverſe dicendo facillimè consequuntur.*

## PÆDIA PRUDENTIÆ

*compendio contracta.*

**P**rudentia est rectè vivendi & imperandi scientia. Estque vel Moralis, vel Civilis. Moralis, five Ethica, est scientia rectè vivendi.

Civilis, seu Politica, est scientia rectè imperandi.

Prudentiæ parandæ adjumenta five media sunt tria, Disciplina, Usus, & Ordo in utroque.

Disciplina est cognitio eorum, quæ Prudentiam conficiunt: quæ sunt cum Materia five Objectum, id est, res discendæ, tum Modi, quorum in discendo usus est.

Materia disciplinæ alia est princeps, alia administra principi subserviens.

Materia princeps sunt cum Regulæ, tum Exempla vivendi & imperandi.

Regulæ sunt decreta & præcepta Ethica & Politica. quid autem Decreta præceptis intersint, in *Elementis Philosophia Stoica* Moguntiæ editis declaravimus.

Exempla sunt cum præterita, quæ in libris leguntur; tum præsentia, quæ in vitâ agenda videntur.

Materia administra est Geographia, Chronologia, & Genealogia, de quibus dictum in prima Consultatione.

Modi disciplinæ sunt Lectio, Auditio seu Conversatio, & Peregrinatio.

Usus est partim obnoxius, partim liber & voluntarius.

Obnoxius paret vel Docentibus, cum quis vivit

vit aut imperat secundum consilia & monita aliorum prudentium: vel Imperantibus, cum quis eorum excipit imperium, & iussu exsequitur.

Liber est, cum quis suæ spontis est, suoque modo vivendi & imperandi regulas & exempla ad rem confert, sive opere ipso exsequitur.

Ordo est præmissio eorum, sine quibus alia ad prudentiam idonea tardius aut difficilius addiscuntur.

*Ordo parandæ Prudentiæ.*

**O**Mnium primum est, ut quis doceri & imperari assuescat, hoc est, ut consuetudinem ducat ea faciendi, quæ rectè vivendi & imperandi disciplinæ sunt consentanea. Nam sine tali consuetudine nec regulas faciliè intelliget, nec in iis, quæ regulis & exemplis facere doctus fuerit, exerceri animum inducet.

Proximum est, ut vivendi & imperandi regulas Magistris audiendis & libris legendis addiscat. Quales verò libri eam ad rem usui esse possint, in prima Consultatione distinctius exposui.

Tertium, ut præterita vivendi & imperandi exempla ex variorum populorum Historiis cognoscat, semper agendi consilia & eventa cum Regulis conferendo, ut nempe consideret, quo quidque consilio actum fuerit, quaque de causa eventus consilio æquè aut minùs responderit. Nam sine tali examine Historiarum lectio voluptatis quidem habet non minimum, ad prudentiam tamen non multò plus nihilo conferre solet.

Quartum, ut peregrinabundus variorum populorum vivendi & imperandi morem videndo & audiendo, sive conversando, addiscat. De generibus verò & utilitatibus Conversationis in prima Consultatione uberius disserui.

Quin-

Quintum, ut siue sibi vivens, siue Principi aut Patriæ in muneribus obeundis inserviens quæ facienda didicit, ad rem conferre studeat.

*De Prudentiæ causis & effectis Ecclesiastic.*

cap. 39.

**S**apientiam omnium antiquorum exquiret Sapiens (*id est, Philosophorum libros ethicos & politicos*) & in Prophetis vacabit (*id est, in sacris literis.*) Narrationem virorum nominatorum conservabit (*libros Historicos*) & in versutias parabolarum simul introibit: occulta proverbiorum exquiret, & in absconditis parabolarum conversabitur (*quales Salomonis libri continentur.*) In medio Magnatum ministrabit, & in conspectu Præsidis apparebit (*muneribus publicis fungetur.*) In terram alienigenarum gentium pertransiet. Bona enim & mala in hominibus tentabit (*peregrinatione bona & mala populorum instituta cognoscer.*) Cor suum trader ad vigilandum diluculo ad Dominum qui fecit illum, & in conspectu Altissimi deprecabitur. Si enim Dominus magnus voluerit eum, spiritu intelligentiæ replebit illum (*Vult autem siue amat Deus, Sapientiam discere aventos.*) Qui diligunt illam, eos diligit Deus, Eccl. 4. *Exemplo est Salomo, ad quem Dei verba sunt 3. Reg. 3.* Quia non petiisti tibi dies multos, nec divitias, aut animas inimicorum tuorum, sed postulasti tibi Sapientiam ad discernendum iudicium, ut populum judicare possis: ecce feci tibi secundum sermones tuos, & dedi tibi cor sapiens & intelligens; sed & hæc quæ non postulasti, dedi tibi, divitias scilicet & gloriam.) Ipse palam faciet disciplinam doctrinæ suæ, & in lege testamenti Domini gloriabitur (*siue gloriosus erit, & celebris docendo prudentiam Legis divina*

*divina studio partam.* ) Collaudabunt multi sapientiam ejus, & usque in sæculum non delebitur. Non recedet memoria ejus, & nomen ejus requiratur à generatione in generationem. Sapientiam ejus enarrabunt gentes, & laudem ejus enunciat Ecclesia.

## CONSULTATIO PRIMA

*De Studiorum ratione;*

*Ad nobilem & ornatissimum adolescentem Mariangelum à Fano Benedicti Patricium Mediolanensem.*

**Q**Uicquid de Studiorum tuorum ratione afferri potest, vel ad Finem pertinet, qui tibi propositus esse debet, vel ad Instrumenta, sive Adjumenta (vulgo Media) quæ ut fine proposito potiri possis, sunt necessaria.

Finis vel ultimus est, vel medius, seu subordinatus.

Ultimus finis tuus esse debet gloria Dei creatoris, redemptoris & sanctificatoris tui, ut is scilicet in te, per te, & propter te glorificetur.

Medius finis tuus primarius est felicitas vitæ futuræ, consistens in visione & fruitione Dei: & vitæ præsentis partim Contemplationi, partim Actioni deditæ. Secundarius finis est honorum & opum mediocritas, ac tandem cum dignitate otium.

Media horum finium potiundi sunt Eloquentia, Prudentia & Sapientia.

Eloquentia est facultas animi sensa explicandi cum sermone, tum scripto in linguis compluribus:

bus ; quarum aliæ necessariæ sunt ad eruditionem, ut Græca ; aliæ ad usum seu commercium, ut Hetrusca , Gallica , Hispanica , Germanica & Sclavonica ; aliæ ad utrumque, id est , ad eruditionem & commercium , ut Latina.

Prudentia est notitia cū ejus quod justum est , ut est scientia Juris Civilis & Canonici : tum ejus quod est utile imperio aut regimini , ut est scientia Civilis, cujus partes sunt Ethica & Politica : Administræ verò sunt Chronologia , & Genealogia. Chronologia, ut quis sciat , quæ quibus sæculis primaria orbis Imperia ab orbe condito , aut post diluvium fuerint , quamque diu singula perduraverint. quam ad rem usui est Tursellini Epitome historiarum , pereleganti stylo scripta , ut facile politissimi Mureti discipulum agnoscas. Geographia , ut quis sciat , quæ orbis partes , quaque in parte præcipua regna sita sint. cui rei usui est Atlas major & minor Mercatoris. Genealogia, ut quis sciat , quæ præcipuæ Regum ac Principum familiæ hodie sint , & prioribus sæculis fuerint. Hac de re extant volumina Henningis , Reusneri , Panvini, Ammirati, Miræi, Quercetani, aliorum.

Sapientia est vel divina , quæ nisi Deo revelante nemini contingit , de Dei natura & operibus : vel humana , sive humano studio parabilis , de rebus Physicis , Metaphysicis & Mathematicis. Ad Physicam pertinent utraque mundi Sphæra sive Globus cœlestis & terrestris : ad Mathematicam verò Arithmetica , & Arcium munio seu Fortificatio.

*Modi quibus Media ista comparantur.*

**I**N genere duo sunt Modi , Disciplina & Usus sive Exercitatio. Prius enim discere , tum id quod

cognoscendæ vacares , cum exquisitam linguæ Germanicæ notitiam , tum eam Juris scientiam tibi parares , quâ majorem vix eorum quisquam affert , qui ex Nobilium ordine cum passim alibi , tum in Cæsaris præcipuè Regia juri reddendo primum admoventur.

Civilis Prudentia , sive Ethica & Politica ; lectione , peregrinatione , & conversatione seu consuetudine hominum paratur.

Lectio est librorum . qui cum præcepta , tum exempla suppeditant.

Libri præcepta Ethicæ & Politicæ continentes , alii à priscis , alii à novis scripti sunt. Prisci sunt Plato , Aristoteles , Plutarchus , Cicero , Seneca , Epictetus , ac similes , quorum insignia fragmenta Stobæus collecta habet.

Novi trium ferè sunt generum. Nam vel veterum libros Commentariis explanant ( ut Gifanius & Johan. Magirus Aristotelis Ethica : sicut Politica idem Gifanius & Philippus Scherbius ) vel artium Systemata conficiunt per definitiones , divisiones & regulas , id est , per decreta & præcepta procedendo ( cujusmodi sunt Bart. Keckermanni & Clementis Timpleri Systemata Ethica , Oeconomica & Politica , ex quibus tamen tollenda fuerint , quæ Hæresin sapiunt ) vel denique de variis quæstionibus disserunt , sive ut vulgò loquuntur Discursus faciunt , cujus generis libri passim extant , ut Jani Gruteri , Scipionis Ammirati , Virgilii Malvezzi & aliorum in Tacitum : de quo scriptore quid mei sit judicii , in libro meo *de Virtutibus styli historici* expositum vidisti.

Libri Exempla continentes sunt Historiæ veterum ac recentiorum : item Onufrii , Panvinii , Johannis Rosini , Glandorpii , Lipsii ac similium de Romanis antiquitatibus lucubrationes. Thea-

B

trum



trum quoque vitæ humanæ Theodori Zuingeri-  
torum coacervandis exemplis occupatur.

Peregrinatio, de qua nunc agimus, est præci-  
puarum Europæ partium perlustratio, ut mores  
variarum gentium cognoscantur, & linguæ com-  
merciis plus necessariæ addiscantur. Germaniæ  
Nobiles hunc ferè in peregrinando servant ordi-  
nem, ut perlustrata superiore & inferiore Germa-  
niâ in Angliam trajiciant, inde in Galliam, porro  
in Hispaniam, post in Italiam ac Siciliam; ac  
domum tandem se recipiant. Qui verò hanc pere-  
grinationem minore temporis ac pecuniarum im-  
pensa, nec minima cum utilitate conficere cu-  
piunt, ista observare solent. I. Operam dant, ut  
linguam gentis illius, ad quam se conferre cogi-  
tant, prius probè intelligant. II. Ejusdem gen-  
tis Historicum aliquem prius legunt, & Choro-  
graphiam ejus, sive Tabulam Geographicam sibi  
familiarem reddunt: quod ipsum faciunt de Ge-  
nealogiis præcipuarum illius gentis familiarum.  
III. Relationes de eadem gente consulunt, quæ  
in Johan. Botero, in Thesauro Politico, ac simi-  
libus libris extant: tum Itineraria ab iis edita,  
qui priores eandem provinciam perlustrarunt.  
IV. Comites se adjungunt aliis Nobilibus idem  
iter suscepturis, idque sedulò dant operam, ut  
aliquis sit in comitatu, qui jam eandem peregrina-  
tionem confecerit, aut saltem linguam populi,  
quò contendunt, probè calleat. Hæc quippe res  
plurimi solet fieri, eoque contingit, ut qui varias  
linguas novit, is facilè occasionem nanciscatur  
alienis impensis plura regna ac provincias perlu-  
strandi. Ultero enim Magnates talem ambiunt, ac  
liberis suis peregre ituris ducem itineris additum  
exoptant.

Conversatio proximus Peregrinationis fructus  
est.

est. Ad Prudentiam enim parandam perparum in videndis variis locis momentum est, plurimum verò in usu hominum & convictu. Ut autem speratus ex conversatione fructus percipi possit, ad hæc tria respiciendum tibi noveris. I. de quibus rebus conversandum aut colloquendum sit. II. cum quibus. III. quibus in locis. Quod ad primum attinet, omnis conversatio ad ea dirigi debet, quæ sunt vel Gnoseos sive Indicij, vel Criseos sive Judicij. Indicium præstat multarum rerum singularem notitiam, innatumque plura sciendi desiderium alit. Hanc ad rem usui tibi fuerit Zuingeri Methodus Apodemica, peregrinandi artem docens. Inde disces, cujusmodi sint ea, quorum indicium & notitiam interrogando persequi, sive quibus de rebus peregre delatus percunctari debeas, ut multarum rerum scientiâ instructior aliquando domum reverti possis. Judicium docet, quæ facienda aut fugienda sint, quæ scilicet sint vel honesta aut turpia, vel utilia aut noxia. Conversationis ergo fructus erit, ut quis varias res habeat cognitatas, id est, ut norit quid esse aut fieri soleat, tum quid esse aut fieri debeat. Ad alterum quod attinet, cum iis conversandum est, qui vel docere possint, vel discere parati sint. Docere norunt, qui vel longa ætate, vel multa lectione, vel peregrinationibus, vel denique diuturno hominum rerumque usu multarum rerum notitiam, deque faciendis & fugiendis, sive de honestis ac turpibus, deque utilibus ac noxiis judicandi facultatem consequi potuerunt. Ab horum congressu vix unquam nisi scientior, aut intelligentior discedes, modò ipse tibi non defueris, nec ea quæ ignoras dextrè percunctari, aut quoquo modo sermonis de iis inferendi occasionem neglexeris. Ex eorum verò, qui discere cupiunt, convictu hoc consequi poteris.

ris, ut & memoriam eorum quæ videris audieris, ve corroboret, & animum ad ea quæ rogaris intendas, ut quæ nescis investiges, atque aliunde exquirenda tibi memineris. Idonea tandem conversationis loca sunt, quò potissimum confluere homines solent, qui multa vidisse, legisse, audivisse, aut gessisse sive administrasse judicantur, tanquam Aulæ Regum, Romæ putà, Viennæ, Lutetiæ, Bruxellæ, & Madriti. Ibi enim Principum Oratores & Curatores negotiorum magno numero invenies, qui cæteris plura norint, & ex longorū hominumque usu judicio polleant. Et ad horū domos plerique sive officii & salutationis ac deductionis causa, sive conversatione tempus fallere cupientes subinde ventitant, ut multa cognoscendi occasio nemini, qui eam quærat, ibi deesse possit. Neque verò cuiquam ad Oratorum amicitiam interpretis operâ, aut commendationibus opus est, cum illi etiam ultro iis se debere putent, qui ad se officii ergo veniunt, sibi que appariturâ & deductione seu comitatu operam navare student.

Divina sapientia, quanta homini Christiano, eidemque nec indocto, & supra plebem eminenti satis sit, quotidiana Sacrorum Bibliorum, tum librorum Catorthomaticorum lectione parari potest. Sunt autem Catorthomatici, qui perfectum hominis officium docent, quod Ciceroni est Catorthooma, actio scilicet aut perfectam & heroicam virtutem constituens, aut ex talis virtutis habitu profecta. Tales libri sunt, quos Thomas de Kempis, Johan Gerson, Abbas Blofius, Ludovic. Granatenfis, Johan Avila, Franciscus, Arias, Alfonsus Rodriquez, alique vitæ spiritualis magistri, magno Reipublicæ Christianæ bono ediderunt: qui hoc præcipuè præstant, ut & se ipsum homo rectius noverit, & cognita sua vilitate ac  
pra-

pravitate suas ipsius cogitationes & actiones maximè suspectas habeat, & ad Dei misericordis opem supplex se recipere meminerit. Ipsum verò sapientiæ omnis fontem, codicem dico Sacrae Scripturae lecturus, præter Nicolai Lirani Commentarium, etiam Annotationes in eum Emmanuelis Sà, & Johannis Marianæ adhibendas tibi noveris, quas suo in S. Biblia Commentario inseruit doctissimus P. Stephanus Menochius. Earum enim operâ *Literalem*, quem vocant, Scripturae sensum minimo negotio discas, ac subinde de Hebræa, Chaldæa, Syra & Græca lectione admoneberis.

Scientia rerum Naturalium in vulgaribus Philosophorum scholis parùm addiscitur, sive quòd Magistri plerumque ad hoc alios doceant, ut ipsi discant; sive quòd in otiosis, inutilibus, & loco ac tempore alienis quæstionibus occupentur; sive quòd Auditores nec arte Logica, ut oportebat, instructi sint, nec aliquod disciplinæ Physicæ Systema prius cognoverint, quale habes in Physicis institutionibus Petri Johannis Nunnessii, Philosophiæ Peripateticæ facilè principis, & interiore Græcarum ac Latinarum literarum notitiâ sermonisque elegantia nemini secundi. Omnino auctor tibi sim, ut Timpleri Systema Physiologicum diligenter evolvas, ac subinde de iis, quæ minus ibi intellexeris, aliquem Philosophica doctum consulas. Ita rerum naturalium causas & affectiones satis cognitæ habebis, nec de frivolis illis quæstionibus, quibus Cathedræ vulgò personant, multum eris sollicitus. In primis autem ex Timpleriano Systemate ea te velim probè discere, quæ ad utriusque Globi, cœlestis & terrestis, explicationem pertinent, quoniam sine Astrologia & Geographia non quantum res poscet in Chronologicis & Historicis proficere poteris. Gemmarum, itemque Planta-

rum complurium genera ac virtutes pernovisse, cum varias habet utilitates, tum homini cum Principibus ac Magnatibus versanti ad gratiam & Polymathiae, seu multiplicis doctrinae opinionem suffragari solet.

Metaphysicam, seu primam Philosophiam, ex ejusdem Timpleri Systemate commodissime haurire poteris. Nam pleraque omnia, quae à Fonseca, Suario, aliisque majorum gentium Philosophis uberius sunt explicata, miro ille compendio contraxit. Duo tamen in eo facienda tibi memineris; unum, ut prius à docto aliquo Theologo inducenda ac delenda cures pauca illa loca, in quibus Ecclesiae Catholicae doctrina non minus imperite, quam impie impugnatur, cujus generis sunt quae lib. 3. cap. 8. problemat. 1. 4. 5. & 13. leguntur: & lib. 4. cap. 4. problem. 27. Alterum ut ex Propædia nostra Logica corrigas, quae ille de Entis attributis respectivis minus methodice disposuit. Divisio quippe illa in certas Attributorum classes est omnino arbitraria, & agricolâ numerante, quàm Philosopho generibus res varias digerente dignior.

Mathematicarum scientiarum quantum tibi variis nominibus usus venire potest, tantum tibi, aut etiam aliquantò plus Keckermanni liber exhibuerit, qui *Systema totius Mathematices* inscriptus extat. Cum ergo hominem inveneris idoneum, ut librum illum tibi interpretari possit, eam tibi occasionem nequaquam omittendam censeo. Et quoniam in Arithmeticis satis exercitatus es, Graphidem quoque, sive artem rerum quas velis imagines lineamentis cretâ, carbone, vel atramento ductis adumbrandi vel designandi calles, perfacile tibi futurum conjicio, ut Architectonices principia ex Vitruvio, tum hodiernam arcium muniendarum

darum rationem Magistrum nactus addiscas. quod tamen non nisi subsecivis horis, & bono modo, nullaquæ studiorum magis necessariorum remorâ & impedimento facere te moneo. Vale Mediolani, mense Augusto, Anni 1629.

## CONSULTATIO II.

*De Prudentiæ & Eloquentiæ parandæ modis in adolescentis cujusdam Germani usum.*

**U**T aliquando, quod te velle video, reipub. operam minimè vulgarem navare, & nominis claritatem generi tuo inferre possis, opus est, ut de Fine, quem in studiis tuis spectes, rectè constituas, & Adjumentis seu Mediis, quæ vulgò vocant, iis utaris, quæ te ad finem animo destinatum quàm commodissimè perducant.

Finis proximus studiorum tuorum esse debet Habitus Prudentiæ & Eloquentiæ. Prudentia verò partim est Senatoria seu Consiliaria; partim Forensis, Judiciaria seu Juridica, quemadmodum vulgò loquuntur. Illam Græci *βουλευτικήν*, hanc *δικαστικήν* appellant. Quid inter eas intersit, hinc cognosces. Rex, sive Princeps omninoque is, penes quem est *τὸ πᾶν κράτος*, sive summa imperii aut Reipublicæ, cùm consultat, tum judicat. Consultatio est de Utili, hoc est, de eo, quod Statum, sive imperium, aut reipub. conservare & augere potest. Judicium verò de jure, hoc est, de eo, quod vel lege scripta; vel more aut consuetudine, justum perhibetur. Ad Consultationem sive Consilium Status, seu Senatum adhibentur Politici, qui nimirum Politicam didicerunt, quæ est Ars con-  
dendi, conservandi, & augendi Status sive Rei-  
publicæ.

publicæ. Ad Judicia verò, sive Tribunalia Juris-  
consulti adhibentur, qui Juris artem tenent, sive  
qui eis, qui litigant, respondere sciunt, quo jure  
sua respub. in testamentis, contractibus cæteris-  
que privatorum negotiis utatur. Ut igitur non  
modò Causidicum sive Advocatum agere, sed  
etiam à Regibus & Principibus in sanctius Consi-  
lium non tam illorum errore, quàm merito tuo  
cooptari possis, utrâque Arte, hoc est, tam Politi-  
ca, quàm Jurisprudentia instructus esse, adeoque ad  
eas parandas studia & actiones tuas dirigere debes.

Eloquentiam voco facultatem ea, quæ animo  
conceperis & sentias, pluribus linguis planè & or-  
natè proloquendi ac scribendi. Linguas porrò alias  
ornamenti, alias usûs sive utilitatis causâ disces.  
Ornabit te & in magna apud plerosque existimati-  
one ponet Græcæ linguæ notitia. Usui tibi erunt  
præcipuè quidem Germanica, Latina, & Italica  
sive Hetrusca; secundariò verò Hispanica & Gal-  
lica; quas quidem omnes intra quatuor annos non  
magno negotio condisces, velut multorum mihi  
exempla spondent.

Jam de modis ac rationibus sive Mediis, quibus  
Prudentia & Eloquentia parari possit, habitâ non  
tam rei, quàm captûs tui ratione, quædam breviter  
monebo.

Prudentia consiliaria seu Politica, quantum ad  
Studium attinet (nam de Praxi sive Usu & exer-  
citio hîc non loquor) cùm legendo, tum audiendo  
acquiritur. Lectio est partim præceptorum, par-  
tim exemplorum. Præcepta duûm generum libris  
continentur. Nam alii Systema seu corpus totius  
Artis Politicæ complectuntur; alii de certis qui-  
busdam materiis disputant, seu *discurrunt*, quemad-  
modum ipsis appellare placet. Prioris generis libri  
aut priscorum sunt auctorum, aut recentium. Inter  
priscos

priscos familiam ducunt Aristoteles & Plato. Aristoteles octo libros Politicorum scripsit, & tres Rhetoricorum, qui quavis commendatione majores sunt. In libros Politicos extat Oberti Gifanii principis Jurisconsulti commentarius, Danielis Heinsii paraphrasis, & Philippi Scherbiî eminentissimi Philosophi annotationes, ex ejus ore ab adolescentibus quibusdam properanter exceptæ. In libros Rhetoricos notas quasdam Muretus & justam Paraphrasin Riccobonus edidit. Illæ Ingolstadtii sunt typis vulgatæ, hæc Francofurti. Justum verò in eisdem Commentarium edidit Majoragius, & P. Victorius literarum princeps. Platonis libros de Republica & de Legibus satis explanatos invenies in Montecatini commentario, quem in secundum librum Politicorum Aristotelis Ferrariæ edidit. Inter recentiores, qui multi sunt, maxime probo Systema Politicum Keckermanni & Timpleri, & ejusdem Keckermanni Apparatum Practicum, dum tamen paucula illa loca, quæ Hæresin sapiunt (uterque enim Calvinum sectatur) in iis libris expuncta fuerint, quæ quidem aliàs tibi indicabo.

Alterius generis libri proximo sæculo pænè innumerabiles prodire, qui nimirum Disputationes seu *Discursus* de variis materiis Politicis complectuntur. Eos passim in librariorum tabernis invenies. Et Francofurti quidem Thesaurus Politicus Latino & Hetrusco sermone scriptus exiit; quem tibi parare memineris. In Italia Joannis Botteri libros non sine fructu leges.

Exempla eorum quæ libris Politicis præcipiuntur in Historicis invenies, in quibus legendis quomodo versari te oporteat, cum ex aliis libris, tum ex Apparatu illo Practico Keckermanni discies.

Audiendo Prudentiam parabis, si peregrineris,



multumque cum iis, qui vel ipsi rempub. administrarunt, vel peregrinando multorum mores hominum & urbes cognoverunt, versari voles: cujus quidem rei copiam Romæ vel maximè habebis, quippe ad quam præstantissima quæque non modò Italiæ illius Politicorum nutricula, sed etiam totius Christiani orbis ingenia confluere consueverunt.

De paranda Jurisprudentiâ vix tibi consilium subjicere audeo, cum ipsos annos viginti ab eo studio abfuerim, animumque aliis curis occuparim. Quia tamen cum præstantissimis orbis totius Jurisconsultis familiarissimè vixi, eosque de Arte sua non semel differentes audivi (cum præsertim is, qui familiam inter eos ducere videtur, Antonius Faber Romæ anno 1601. quotidie domum meam ventitans mihi Plautinas fabulas interpretanti operam dare, seque discipulum meum profiteri haud erubesceret) non dubitabo rationem tibi monstrare, quâ intra vertens biennium labore minimè magno tantum in eo studio proficere queas, quantum tibi ad tuendum Jurisconsulti nomen & rem strenuè faciendam satis sit futurum. Omnium ergo primum in manus sumito *Epitomen Institutionum Juris* à Dionysio Gotofredo scriptam, quæ cum libello Institutionum à Gotofredo editarum circumfertur, atque etiam in corpore Juris Civilis ejusdem Gotofredi inter Institutiones & Codicem interjecta visitur. Eam Epitomen si velis, itidem ut ipse adhuc adolescens faciebam, uno mense totum edisces: sed ego trimestre tibi constituo, ut subinde textum Institutionum consulere, & si quid non æquè intelliges, Gifanii commentarium inspicere possis: nam is non perinde, ut vulgus interpretum, insanit, qui libellum illum invito Justiniano verbosissimis commentariis onerant, quæ nequa-

nequa-

nequaquam minor est ineptia, quàm si Grammaticus pueris cum literas colligere & pronunciare discunt, Etymologiæ & Syntaxios regulas inculcet. Postquam verò Epitomen illam memoriæ penitus infixeris, omnesque definitiones & divisiones promptissimè reddere ex ea poteris, proxima tibi cura erit ut Titulos Digestorum & Codicis tibi familiares reddas, quod quidem, si Memoriæ Localis (quam vocant) artificium scires, uno solo octiduo facillimè præstares. Sed etiam sine illo artificio non parum proficies, si Titulos omnes uno folio aperto ac patente descriptos sic parieti cubi- culi tui affixeris, ut semper in conspectu sint, & quotidie perlegere volueris. Interea verò lectionem Paratitlorum Matthæi Wesembecii incipies, in qua cum annum unum consumpseris, tantum te profecturum præstabo, quantum vix centesimus eorum, qui hodie Jurisconsulti ab Academicis *nemine nemineque penitus dissentiente* renunciatur, & partim animo ad Praxin converso lucrum non pœnitendum faciunt. Te tamen, quod ad biennium tibi temporis erit reliquum, cognoscendo Juri Canonico tribuere velim, Danielis Venatorii Analyfi juris Pontificii adjutum. quo facto, quin quæ didiceris ad rem transferas, hoc est, in Praxi te exercere incipias, & hodiernam fori consuetudinem, ac de jure respondendi & advocandi rationem addiscas, nihil te videbitur remorari posse. Tam multi enim & laboriosi extant materiarum Juris indices seu Repertoria, ut nihil dubitarit asseverare Cardinalis Seraphinus Olivarius, qui quadraginta tres annos Rotæ Romanæ Auditorem sive Assessorum magna cum omnium commendatione egit, hominem vel mediocri ingenii, qui nihil nisi Artis hujus propria vocabula sive Terminos intelligat, ejusmodi Repertoriis instructum non triduo, quod

quod de se Cicero promittebat, sed tribus horis Jurisconsultum se professurum. Aliam eorum rationem esse minimè nego, qui Antecessores fieri, Jurisque libros aliis de superiore loco interpretari cupiunt, quod facere non possunt, nisi ingenti divinarum & humanarum literarum flumine inundati. Sed iis, qui omne hoc studium emolumento seu lucro metiuntur, veterisque Romanæ Jurisprudentiæ, tanquam mulieris cum annosæ; tum pannosæ & indotatæ amorem missum faciunt, ea, quæ exposui, satis futura cum magnorum, velut dixi, Jurisconsultorum auctoritas, tum eorum, quos non alia via ad magnas opes brevi spatio duxit, exempla pollicentur.

De Adjumentis parandæ Eloquentiæ quædam universè & generatim, quædam sigillatim & in specie commemorare libet. In genere Linguae cujusque habitus, vel lectione, vel auditione, vel scriptione, vel sermocinatione comparatur. Lectio est librorum, qui vel notitiam vocum loquendique generum, vel elegantiam, vel utrumque docent, ut sunt Lexica, phrasiologiæ, Comœdiæ, Dialogi, epistolæ, in quibus ea discuntur, quorum quotidianus ferè in vita usus est. Auditio est vel histrionum seu mimorum, vel Concionatorum. Scriptio partim libera est, cum quis argumentum quod libeat tractat, partim alienis verbis velut adstricta & obnoxia, cum quid ex alia lingua verendum suscipitur. Sermocinatio præstat, ut quæ quis legendo & audiendo didicit, cum facilitate tandem possit expromere. Atque hæc in genere.

Jam de Græca lingua hoc modo monendus videris, operam tibi esse dandam, ut ex Grammatica declinationes, quas vocant, nominum, verborumque conjugationes memoriæ mandes, usum quoque pronominum, conjunctionum, præpositionum

tionum & adverbiorum ( quod ipsum in omnibus linguis addiscendis observari oportet ) ex iis exemplis, quæ doctiores Grammatici repræsentare solent, probè condiscas. Quo facto Mythologiam Græcolatinam lectitare poteris, Francofurti in 8. anno 1610. editam, & Luciani opera quatuor partibus sive tomis distincta, quæ Basileæ Græcolatina abhinc circiter biennium prodire. Novum quoque Testamentum Græcolatinum non inutiliter versaveris. Nam versio, sive interpretatio è regione verbis Græcis opposita faciet, ut vivam magistri vocem non æquè requiras, quamvis eam, cum copia ejus dabitur, te repudiare nolum. Scapulæ denique Lexicon Græcū, quod nuperrimè Basileæ recusum est, comparare debes, idque inter legendum subinde consulere. Hoc modo consequeris, ut Græcè doctissimus habearis, quod homini, in negotiis gerendis occupato & in reipub. luce versanti, meritò satis videri debet, tamen si longè ille abfuturus sit, ut cum Græculis illis de schola hominibus æquari possit.

De Gallica lingua quod sigillatim & distinctè moveam, non habeo, cum animum, ut eam addiscerem, nunquam inducere potuerim. Nescio enim quomodo semper fui suspicatus, ejusdem hominis esse aliter loqui, quàm scribat, & aliter sentire, quàm loquatur: in qua quidem suspicione non parum me confirmavit, quod ex magno eorum numero, qui in Galliis fuerunt & linguam illam egregiè didicisse visi sunt, neminem adhuc cognovi, qui melior, quàm illuc profectus fuerat, in Germaniam reverterit. Plerosque omnes, si minùs ab honestate animique integritate, à Germanica quidem certè gravitate & maturitate plurimum descivisse, & animos regulis quibusdam sive Maximis, statui Romani Imperii infestissimis, imbutos retulisse multi boni

boni atque intelligentes viri non minimo cum dolore compererunt. Itaque si quis me audiat, aut in tenera adhuc ætate liberos in Galliam mitter, cum & linguam facilius pronunciare discunt, neque corruptelas illas imbibere possunt, aut eos in vicina Comitatus Burgundiæ vel Lotharingiæ subsistere, & illic linguam discere jubebit. Quamvis enim non eam ibi pronunciationem paraturi videantur, ut pro Aurelianensibus aut Parisiensibus haberi possint: tanti tamen est, eos animum sincerum, incorruptum, & à patriæ rationibus minimè alienum reportare, neque parùm feliciter in ejus linguæ studio profecisse videri possunt, si nihilo deterius, quàm politiores Burgundi aut Lotharingi, eam pronuncient.

Hispanicam linguam nullo ferè negotio addiscet, qui cum Latinæ cognitione sive Hetruscæ, sive Gallicæ conjunxerit. Institutiones ejus linguæ, quas Henricus Dærgang Colonia anno 1614. edidit, maximo erunt usui. Si quis etiam habeat librum Salmanticæ editum, qui inscribitur *Janua linguarum*, sententiis ejus Hispanicis, quibus interpretatio Latina è regione responder, memoriæ mandandis uno mense vel sine magistro tantum proficiet, ut cum libros Hispanicos intelligere, tum epistolam minimè fastidiendam ejus linguæ verbis scribere queat. Optandum verò foret extare apud nos Terentii Comædias à Simone Aprilæo in Hispanicum sermonem elegantissimè conversas, & Compluti postremum editas, tum librum, quo cujusquemodi Epistolarum formulæ hodie usitatæ continentur, cujus inscriptio est: *Estilo y Metodo de escribir cartas missivas y responder como conviene a ellas*. Vulgatus est Madriti in 8. anno 1608, & iterum Mediolani anno 1616. Lexicon sive Vocabularium ejus linguæ nullum adhuc vidi, in quo  
non

non permulta meritò desideres. Antonii Nebrissen-  
fis Dictionarium Antverpiæ annis abhinc sexaginta  
circiter editum, nuper admodum Madriti recusum  
est, quod modò Latina verba Hispanicis, modò  
Hispanica Latinis subjectis interpretatur. Quod  
Christophorus Casa Venetiis in 8. edidit Vocabu-  
larium, quo Hispanica & Italica vocabula inter-  
pretari se proficitur, extremæ est notæ, & nulli  
omnino usui. Madriti anno 1611. exiit Thesau-  
rus linguæ Castellanæ, à Sebastiano Covarruvia  
conscriptus. Sed eo non nisi qui jam Hispanicum  
sermonem callent, uti possunt: tum plurima pro-  
pter ignaviam auctoris & oscitantiam in eo de-  
sunt, non pauciora vicissim redundant, quæ auctor  
idem nullo prorsus judicio ad ostentandam erudi-  
tionis varietatem ineptissimè congeffit. Omnium  
accuratissimus est Thesaurus Hispanicæ, Gallicæ,  
& Italicæ linguæ ab Hieronymo Victore Bono-  
nienti Italo compositus, & Genevæ in 4. anno  
1609. editus, quem linguarum illarum studiosus,  
qui me audiet, incunctanter comparabit.

De ratione discendi linguam Hetruscam sive  
Italicam pæne supervacuum videtur, quicquam à  
me in medium afferri. Passim enim invenias, qui  
eam paucis mensibus labore minimè magno scri-  
bere ac loqui didicerint. quorum vix quisquam fu-  
turus videtur, quin de addiscenda ea deliberanti  
consilium utile suppeditare possit. Itaque aliud  
nihil monebo, nisi rectissimè facturum, qui sibi  
Euphrosyni Lapinii institutiones linguæ Floren-  
tinæ, Cruscæ Vocabularium, Mundi Fabricam,  
Fabrini Terentium, & Ideam Secretarii compara-  
verit. Horum enim librorum maxima est ad vim  
vocabulorum cognoscendam, & ad epistolas scri-  
bendas, utilitas. Cætera hominum Italorum usus  
satis docebit.

De Germanica lingua rectè discenda te hominem Germanum moneri, minus mirabitur qui sciat, quanta sit Dialectorum ejus linguæ varietas, quamque parum rectè Austriæ Provinciæ homines quæ pronunciare, quæ scribere soleant. Dialectos alias vocare principes placet, siue generales, alias principibus subjectas siue speciales, quæ quamvis in multis à principe aliqua Dialecto recedant, in multò pluribus tamen ad eam referuntur. Inter principes familiam ducit & primas obtinet dialectus Misnica, quæ Germanis idem est, quod Græcis Attica, Italis Florentina, Gallis Aurelianensis, Hispanis Toletana. Misnenses enim optimis & probatissimis vocabulis ac phrasibus utuntur, quamvis in pronunciandis diphthongis & consonantium nonnullis, risum cæteris Germanis meritò debeant. Verbi gratia, cum dicunt, *Heebe* pro *Haupt*, *Zeebener* pro *Zauberer*, *Jot* pro *Got*, *Gahr* pro *Fahr*. *Jott geb euch ein jutes neues gahr*, pro *Gott geb euch ein gutes neues Fahr*. Misnicæ subjectæ sunt Turingica, Francica, Hassica. Secundum locum tribuo Rhenensi Dialecto, quæ Rheni accolæ ad fines usque Belgii magnam partem utuntur. Moguntia cives eam reliquis emendatius pronunciare judicantur. Tertia est Suevica, quæ & ipsa suas in diversis Sueviæ partibus varietates habet. Quarta Helvetica, quæ quondam omnes ferè Alemanni, hodie Helvetii tantum utuntur, quam haud scio an omnium superioris Germaniæ copiosissimam minimeque depravatam rectè dixerim. Homines enim suo contenti & Aularum contemptores (ex quibus ferè Helvetiorum respublicæ constant) minus exteris misceri, neque de lingua polienda & adscitis peregrinis vocibus loquendique generibus exornanda solliciti esse solent. Quinta dialectus est Saxonica, quæ cum Saxones, tum Westphali, Holfati, Mechel-

Mechelburgenses, Pomerani, & Brandenburgenses utuntur. Sexta est Bavarica, cujus in Bavaria, Tirolis, Stiria, Carinthia, Austria, & trans Danubium in Aistadiensi Episcopatu, & apud Nariscos, qui & *Armalausi* quondam dicti, sive in superiore Palatinatu usus est. Exteri cum eam audiunt, ex ipso sono longoque vocalium tractu homines ea loquentes dissolutos, ignavos, & animo omissiores esse suspicantur. Alacritas enim linguæ & pronunciationis celeritas, ingenii acris ac vividi index putatur. Qui ergo vel consonantes alioqui minime asperas proferre pigratur, vel Vocales longo pronunciationis tractu usque eò producere gaudet, ut ex singulis ternas vel quaternas facere videatur, quod Bavari & Austriaci solent, cum exempli causa *Aaa* dicunt pro *Auch*, *Pfaffenhoosen*, *Schrobn haaausen*, *Wuaarls* pro *Warlich*, *Tyynglstat*, *goold*, *eiijsen*, *triiinck*, *buunt*, *Granaz* pro *Graz*, *Taaaler*, pro *Teller*: talis igitur faciliè Italis, Gallis & aliis suspicionem movet, ut eum *Veruccum in patria crassoque sub aëre natum* credant. In qua suspitione saltem de plebejis hominibus non multum eos falli, vel opificum, qui ea dialecto magis utuntur, exempla fidem faciunt, quos magnam partem obtusi ingenii, ignavos & laboris fugitantes esse constat: sicut etiam in eorum censu, qui Germanicum nomen literis & ingeniorum monumentis illustrant, quique vel in Societate Jesu, vel inter Lutheranismi Præcones ingeniis, eruditione, & eloquentia excellunt, multò pauciores Bavari, Austriaci, Tirolenses, quàm Suevi, Franci, Rhenenses, & Saxones numerantur. Neque tamen negaverim Austriacos, qui vel in Aula Viennæ, vel in vicina, ac velut suburbana Pannonia multum consuetudine exterorum usi sunt, Bavaricæ stribiliginis aliquantum deterfisse, eaque ex re sic jam animis efferri,



ut emendatæ tersæque locutionis palmam non Bavaris modò , sed & quod maximè est ridiculum , ipsis Misnensibus & Rhenanis ereptum eant. Verùm , si quod res est dicere volumus , etiam quos inter ipsos esse cultissimi purgatissimique sermonis oportebat , tamen idiotismis Bavaricis non modò cædendis sermonibus , sed neque scribendo abstinere possunt. Non longè abiero , Melchior Clelio Viennensi Episcopo non temerè quisquam Austriacorum , quantumvis ipse sibi placeat , se Germanicè melius loqui aut scribere persuasum habet. Eum enim haud alia res , quàm Germanica facundia , quâ Hæresin pro concione multis annis feliciter flagellaverat , ex humillimo loco ad tam cellsum honorum fastigium evexit. Ex hoc tamen audias , partim etiam in scriptis ejus legas *Mir*, pro *Wir*; *Enck* pro *Euch*; *Ees* pro *Ihr*: *Entem* pro *Darüber* aut *lêseit* : *Thaan* , pro *thun* : *Kaan* , pro *Kuen* : *Graaß* , pro *Graz* : *Es gehært mein* , *dein* , *sein* , pro *es gehært mir* , *dir* , *ihm* , vel *es ist mein* , *dein* , *sein*. Quem porrò mihi dabis Austriacum ex omni Cæsaris comitatu , qui non iisdem aut fœdioribus Bavarismis orationem inficere soleat ? ut quicumque eòs exaudiunt , sine controversia statim rogare possint , *Numquid omnes isti qui loquuntur , Galilai sunt* ? Nam hæc verba Serenissimi Archiducis Ferdinandi Concionator Aulicus Pater Baltasar Nimitsch Jesuita , equestris apud Silesios familiæ , in celeberrima concione Pentecostes anni 1609. non alium habere sensum ajebat , quàm si quis hodie diceret : *Nonne omnes isti sunt obtusi & crassi Bavari* ? qua tamen interpretatione meo quidem judicio superfedere non uno nomine debuit. Primum enim cùm humanitatis causa , tum propter religiosum , quod profiteretur , vitæ genus cautum ab eo oportuit , ne sic integram nationem palàm stuporis infimularet ,

in

in qua præsertim viros pietate in Deum & multiplici virtute spectatos, neque nullos ingenii ornamentis & eloquentia claros numerari ne ipse quidem abnuere auderet. Deinde etiam ingenui gratique animi officium erat, nequaquam tam unaliam Bavaris gratiam rependere, qui primi omnium Germanorum Societati Jesu receptum apud se præbuere, eamque in hodiernum usque diem fovere non desistunt. Adhæc auribus & rubori Bavarorum, qui ei concioni intererant, consulere debebat, quoniam se non modò à Nobilissimis Bavaris, Archiducum Cubiculariis, sed etiam ab ipsâ Principis conjuge, cui ipse à sacris Confessionibus esset, audiri minimè ignorabat, cujus pater Serenissimus Baviaræ Dux Gulielmus Collegiis an Basilicis illis quæ Jesuitæ Ingolstadii & Landspurgæ habitant, à solo excitandis & ditandis, tum vel maximè binum millionum impensa, quam in unum Monachienſe Collegium fecisse existimatur, quidvis potius meruit, quàm ut stuporem Bavaris ullus Jesuita exprobret. Postremò hominis non satis sani fuit Bavaros tam inclementer apud eos accipere, qui ejusdem essent linguæ participes, neque qua illis laude præstent, planum facere possent. Sed sunt ista alterius loci, neque mihi nunc morum censuram exercere libet. Itaque ad Germanici sermonis dialectos ex diverticulo revertor: quarum longè omnibus præferri debet, quæ Communis appellari potest: cujus loquendi genera sive phrasæ à Misnensibus potissimum petuntur, pronuntiatio verò Idiotismis & propriis singularum vitiis caret, ut si quis ea loquentem audiat, qui cæteroque omnes Dialectos agnoscit, sermonem quidem ipsum prober, nequaquam tamen, cujus ille nationis sit, constituere possit. Hæc Spiræ & in Aula Cæsaria facilè addiscitur, quòd eò ex omnibus

Germaniæ partibus multi confluere soleant, qui magnoperè cavent, ne vernaculæ linguæ idiotismis, quos cæteri omnes ut vitiosos exhibitant, risum iis, quibuscum versantur, commoveant.

Jam ut quos potissimum libros discendi Germanici sermonis causa legere debeas, exponam, alios tibi propter verba cum singula, tum conjuncta sive phrasas; alios propter integram orationem sive compositionem legendos memineris. Prioris generis sunt Trilingue Lexicon, Latinum putà, Græcum; & Germanicum Argentinæ typis Rihelianis excusum, Phrasiologia & Rhetorica Germanica Satleri, & Ulneri phrasas. Posterioris verò Constitutiones sive Recessus Imperii, & Georgii Schereri Jesuitæ opera. Joannis Pistorii libri sublimi modo generique dicendi verba ac phrasas suppeditant, cujus in Principum epistolis & edictis usus est. Conradus Vetter, Jesuita verborum & phrasum copiam angere potest, sed in postremis suis libris cum idiotismos Suevicos ac Bavaricos, tum plebeja non pauca nimisque humilia & sordida orationi infarcit, cæterum festivissimus & verè Germanorum Plautus, si tamen gravissimas de Religione controversias id genus sale condiri non dedecet.

Reliquum est, ut de modis & adjumentis discendæ Latinæ linguæ sententiam meam tibi aperiam. Aut igitur mediocri & imperfecta ejus linguæ notitia contentus es, quæ scilicet homini in reipub. negotiis occupato satis futura videatur; aut propositum tibi est eam perfectè cognoscere, omniaque ejus mysteria perspecta habere, ita ut non modò animi sensa tolerabili, vel etiam laudabili verborum genere exprimere, sed hoc ampliùs de cujuscumque scriptoris Stylo ac Latinitate explorato ac sine errore judicare possis. Si prius placuerit, duplicis generis libros legas oportet, quorum alii culpa ac vitio

tio carere, alii laudem aliquam mereri te doceant. Vitia verò orationis aut præceptis five Grammaticorum regulis, aut consuetudini & idiomati eorum, qui optimè locuti sunt & scripserunt, adversantur. Præceptis adversantur Barbarismus & Solæcismus. Illo enim Orthographiæ, Prosodiæ, & Etymologiæ, hoc autem Syntaxeos seu Constructionis regulæ violantur. Consuetudini repugnat partim Archaismus, five veterum & obsoletorum verborum usus; partim Neoterismus, Novatio seu Novitas, cum quis verbis utitur, quæ nemo ante Ciceronem usurpavit; partim denique Idiotismus alterius linguæ, five Peregrinitas, cum quis verbi gratia propriam Italici aut Germanici loquendi consuetudinem Latinis verbis imitatur: ut si dicas *Pati damnum*, uteris quidem verbis Latinis, sed minimè Latinè: nam Latinus Idiotismus postulat *Facere damnum*, aut *capere* vel *accipere*, vel etiam *Affici damno*. Sed Idioma Italicum est aliarumque nationum *Pati damnum*. Solæcismos & Barbarismos boni Grammatici caveredocent, ut fuerunt ætate nostra Franciscus Sanctius Brocensis, Nicodemus Frischlinus, & (si Jesuitis fides) Emmanuel Alvarus. Ab Archaismo nullum est hodie periculum nisi iis, qui Plautum, Terentium, Sallustium, Lucretium, Varro- nem, & vetustissimorum fragmenta nullo cum iudicio legerunt. Peregrinarum linguarum Idiotismos Hadrianus Cardinalis, Maturinus Corderius, & Antonius Schorus curiosè notarunt. Novationis culpam ut effugias, vulgaria Lexica Latina utiliter consules, imprimisque Latinæ linguæ Thesaurum à Roberto Stephano editum: nam quæ ibi aut nullum, aut non nisi posteriorum temporum auctorem habent (post Hadriani scilicet Imperatoris ætatem) iis velut novis & apud superiores ætates nondum auditis merito abstinebis. Decipiunt qui-

dem id genus libri iudicium non semel , cum vel quæ Latina ac bonis auctoribus usurpata sunt omit-  
tunt , vel quæ nullum idoneum auctorem habent ,  
pro Latinis venditant , vel Latina perperam inter-  
pretantur , eoque pacto Latinis verbis barbarè lo-  
qui docent , vel vitiosa denique auctorum exem-  
plaria in recitandis eorum verbis sequuntur. quam  
ob causam viri docti Lexicis non velut Magistris ,  
sed tanquam Ministris , ac velut in memoriæ sub-  
sidium utuntur. Ei tamen, qui primarum inter lite-  
ratos partium esse non postulet , sed mediocritate  
contentus sit , Lexicographorum fidei se permitte-  
re nequaquam turpe aut pudendum videtur.

Laudes orationis præcipuæ sunt Perspicuitas ,  
Puritas, & Elegantia: quas ut assequaris , Cice-  
ronem inprimis , & ut quisque est Ciceronis similli-  
mus, sæpe legere & scribendo imitari te oportebit.  
Nam ut rectè minor Plinius censuit , *Stultissimum  
est ad imitandum non optima quæque proponere.* Opti-  
mam porrò fuisse eorum linguam , qui circa Cice-  
ronis & Augusti ætatem floruerunt , & ea ipsa æ-  
tate longè omnibus Ciceronem præstitisse, maximi  
omnium sæculorum viri uno ore contestantur: quo-  
rum consentiens iudicium contemnere , & inferiorum  
ætatum auctores potius imitandos arbitrari ,  
hominis est , cui vel pudor omnis perierit , vel mi-  
nimè sanum sit sinçiput atque helleboro indigeat.  
Ex omnibus porrò Ciceronis operibus Orationes ,  
libri de Officiis , & Tusculanarum disputationum  
diligentissimam ac sæpius iteratam lectionem me-  
rentur ; Epistolæ verò omnes , si quis eas familia-  
rissimas sibi reddiderit , hoc præstant , ut ne si velit  
quidem possit non eleganter scribere. Similiores  
Ciceroni sunt Cæsar , Cornelius Nepos , Livius ,  
Curtius , Valerius Maximus , & Vellejus. In Tro-  
gi Pompeji historiam nonnulla Justinus degeneran-  
tis

tis posteriorum ætate Latinitatis vocabula invexit ; quod ipsum Asconio Pediano , quamvis rarioribus locis , usuvenit. Illos igitur priores tutius à te legi existimabis, cum quibus, si vacet , Terentium conjunges. Usui quoque erunt Ciceronianus Nizolii Index , Schori , Manutii , Gifanii , aliorumque phrasiologiæ Ludimagistris, quàm mihi , notiores. Francisci quoque Sylvii Progymnasmatibus & formulis Briffonii cognoscendis non pœnitendum feceris operæ pretium , sed magis , quæ Godescalcus Stenechius , & post eum Tursellinus de Latinæ linguæ Particulis commentati sunt.

Atque ista quidem ei , qui nihil nisi perspicue , purè atque eleganter scribere cupiat , satis esse possunt. Verùm ei, qui exactam perfectamque linguæ Latinæ notitiam & rectè de alieno Stylo judicandi facultatem parare velit , longe improbius præsumendus est labor. Primum enim omnes, cujuscunque generis Grammaticos Latinos cognitos habeat oportet , sive illi verborum origines ac significationes tradant , sive artis præcepta doceant , sive denique auctores Latinos explanent aut emendent , quod genus Critici vocantur. Tales ex veteribus quidem sunt Varro , Pedianus , Festus , Agellius , Nonius , Macrobius , Servius , Donatus & Euphrasius ; ex recentioribus verò Charisius , Diomedes , Priscianus , cæterique in corpore Latinorum Grammaticorum à Putschio comprehensi : ex novissimis denique Critici in Gruteri Thesauro Critico relati, Glossarum interpretes , Lexicographi , Valla , Linacer , Saturnius , uterque Burdoscaltiger , Sanctius , Schorus , Hadrianus Cardinalis , Frischlinus , Becmannus ; & Critici , quorum opera in Thesauro Gruteri non comparent, quæ in genere familiam ducunt , inter Italos Fulvius Ursinus , inter Hispanos Petrus Ciacconius , inter Gal-

los Hadrianus Turnebus, inter Germanos Justus Lipsius.

Deinde auctores & conditores Latinæ linguæ, pro cujusque ætate atque pretio legat atque imitetur necesse est, qui turbæ literatorum eximi & inter principes censerī postulat. Ut enim ex ipsorum met auctorum testimonio satis constat; variæ Latini sermonis ætates fuere, quarum aliam quidem Auream, aliam Argenteam, Æneam, Ferream, Ligneam, Luteam denique vocare soleo.

Aurea mihi est, qua cæteri, qui consecutis sæculis literarum & eloquentiæ laude polluerunt, homines Romæ quàm purissimè, emendatissime & elegantissime loqui & scribere solitos fatentur. Hanc à temporibus belli Punici secundi ad extremos usque Augusti annos produco, quibus linguam corrumpi cœpisse ex utroque Seneca, Suetonio, Quintiliano, & Hadriani Imperatoris apud Charisium verbis discimus. Hujus ætatis scriptores alios facio veteres, alios medios, alios novissimos. Veteres vocat Cicero Plautum, Terentium, Ennium & similes, quorum hodie non nisi fragmenta quædam extant. Horum dictio Aurum est, sed cui nonnihil scorix vel purgamenti sit admixtum. Scoria ista est partim usus vocabulorum, quæ posteriores judicio repudiarunt velut obsoleta & imposita, partim Compositio hiulca, aspera & scabrosa atque *αὐτὸ πρὸς πρὸς*, sive nullis numeris colligata, partim denique verba & loquendi genera exotica seu peregrina, & ex aliis Italiæ partibus in Latium importata, quibus Statium Cæciliū Insubrem, & Pacuvium Calabrum orationem infuscare solitos ipse testatur Tullius. Medios appello, qui quamvis tempore conjunctiores essent Novissimis, tamen neque prisca verba missa facere, neque aptæ verborum alioquin optimorum structuræ & compositioni

positioni aliquid curæ impertiri animum induxerunt. Tales sunt duo Ciceronis amici Varro, & Lucretius, totidem clientes, Catullus & Cælius, cujus est octavus inter libros epistolarum Ciceronis ad familiares, unus denique inimicus Sallustius: de quo quid partim æquales illorum temporum, partim ei ætati suppare judicarint, in libello, quo meum de styli Historici virtutibus judicium aperio, distinctius expositum invenies. Novissimos facio Ciceronem, Cæsarem, Corn. Nepotem, Livium, Trogum Pompejum, Vitruvium, Virgilium, Horatium, Tibullum, Propertium, & Ovidium. In Nepotis tamen vitas dubium non est nonnulla posterioribus sæculis irreplisse ab ævi Augustæi auro remotiora, Æmylii credo Probi opera, cujus nomen multis sæculis libellus Nepotis præscriptum habuit. Trogi certè Historiam Justinus non solum admutilavit, sed non uno etiam loco verbis ferrea demum ætate usurpari cœptis inquinavit. Vitruvius orationem peregrinitate & plebitate, id est, verbis loquendique generibus infimæ plebi familiaribus, aut ad transmarini seu Græcanici sermonis consuetudinem ineptiasculè conformatis passim infuscat. quæ vitia unà cum archaïsmis & novitatibus etiam apud Varronem inveniuntur, cui propterea elegantiam defuisse notavit P. Lavinius in libro de verbis fordidis, velut apud Agellium videre est lib. 20. cap. 2. Ovidius quoque magna in verbis novandis licentia utitur, ac neque humilia & à plebe petita fastidit, eaque re nonnemini visus est Argenteæ potius ætati accensendus.

Argentea porrò Latinæ linguæ ætas præcipite jam & vergente ad finem Augusti imperio cœpit, simulque cum Neronis interitu finem habuit. Hujus ætatis est Curtius, sed propè aureâ dignior,



rum Vellejus, Valerius Maximus, Manilius, uterque Seneca ( Rhetor inquam & Philosophus ) Asconius Pedianus, Petronius, Mela, Columella, Phædrus fabularum scriptor, Hyginus, Lucanus, Persius, & Tragædiarum Thebaidis ac Medæ scriptor. nam cæteræ Tragædiæ, quæ Senecæ nomen præferunt, nec sententiarum acumine, nec dictionis puritate cultrique ad duarum illarum summam procedunt. Phædrum tamen & Hyginum velut elegantiae minùs studiosos plebeja plusculum usurpasse apparet: quo sermonis vitio neque Petronius abstinere se potuit, qui passim etiam habet *Singularia* præter omnium veterum & æqualium consuetudinem: quæ tamen vitia aliis vitiis, sed dulcibus nec paucis acutè, falsè & eleganter dictis redimit. In Asconium nonnulla posteriorum Grammaticorum glossemata palàm barbara alicubi irrepsunt.

Æneam ætatem imperio Vespasiani ac filiorum, Nervæ, Trajani, & Hadriani determino, qua principes sunt in versu quidem Juvenalis, nemini argenteæ secundus, in soluta verò oratione Quintilianus. Eiusdem sunt uterque Plinius, quorum major est copiosior & acutior, minor dilucidior cultiorque. Eiusdem Suetonius, Tacitus, Florus, Solinus, Stadius, Valerius Flaccus, Sulpitia, Silius Italicus, & Martialis. Etiam Jurisconsulti hujus ætatis, quorum in Justiniani Pandectis fragmenta legimus, longè cæteris, qui posterius florere, purius & cultius loquuntur. Itaque hac ætate imitandi licentiam definire placet, ut videlicet horum modò scriptorum, non etiam illorum, qui posterioribus ætatibus vixere, verbis loquendique generibus, tutò ac sine justa reprehensione utaris, hætenus tamen, si meliora ex superiorum ætatum auctoribus non suppeditent: nam ubi Aurea de-

sint,

sint., argenteis ; sin autem hæc quoque deficient , æneis uti jus est.

Ferrea ætas ab Hadriani. sine ad minoris usque Theodosii tempora extenditur , ad quam plerique sancti Patres & Ecclesiæ doctores pertinent , quorum in sermone cæteris præstant S. Ambrosius , eique proximus S. Hieronymus. Lactantius Ciceronem satis feliciter imitatur , Agellius , Tertullianus , Arnobius , Minutius & Apulejus propter eruditionis varietatem omninò legendi sunt , sed imitatio eorum stoliditatis opinionem conficit. Prudentius sanè tolerabilis est Poëta , sed aliàs ætatis consuetudine abripitur , aliàs priscorum verborum usui & Lucretii imitationi nimium indulget. Ausonius , & Claudianus vel melioribus sæculis inserere se possunt. Symmachus in epistolis quoties suo , quàm Theodosiani sæculi more ac modo loqui mavult , non multum neque optimis concedit. Eiusdem ætatis , sed pretii non ejusdem sunt Macrobius , Panegyristæ quidam , Vegetius , Nemesianus , Olympius , Frontinus , Censorinus , Aurelius Victor , Fl. Vopiscus , Aur. Sparrianus , Æl. Lampridius , Trebellius Pollió , Jul. Capitolinus , & Volcatius Gallicanus. Hos satis fuerit semel legisse , & ex iis annotasse , si quid ad superiorum intelligentiam usui futurum videatur.

Scriptores , qui Lignea & Lutea ætate vixerunt ( quorum illam Justiniani Imp. temporibus desinitio , hæc non multò pòst non magis Imperii , quàm sermonis Romani interitum vidit ) quoniam nulla eorum ad id , quod hoc loco quærimus , utilitas esse potest , meritò à me prætermittuntur.

Inscriptionum veterum Latinarum , quoniam plurimæ melioribus sæculis natæ fuerunt , magnam meritò rationem duxerit , qui eam , quam dixi , in Latinis literis perfectionem & absolutionem desiderat.

derat. Multum igitur Jano Grutero optimo ac doctissimo viro hoc etiam nomine debent literæ, quod Inscriptiones omnes laboriosissimè undique collectas in unum volumen redegit ac digessit, & Indicibus, qui sæpè explanationis quoque vice esse possint, ornavit.

Verùm an tanti sit tantum in hujus linguæ studio temporis ac laboris impendere, meritò ambigitur. Ego quidem, cui sit res angusta domi, nisi gloriam ac nominis claritatem lucro potiozem ducat, nunquam ejus rei auctor ei fuero. *Nescio quomodo bonæ mentis soror est paupertas*, ait senex ille apud Arbitrum. At ego non nescio, quæ res faciat, ut politiores literas interius docti cum rei familiaris angustis plerumque luctentur. Principes hodie nullum literarum gustum habent, neque quicquam cuiquam temerè largiuntur, nisi quo vel voluptatis suæ, vel utilitatis administro uti queant. Itaque Assentatores & Ridiculi, sive Parasiti hilaritatis per meliora dicta artifices, tum vel maximè Lenones ac perductores & stuprorum atque adulteriorum interpretes ac sequestri in bene aucta parte passim apud Reges & cujuscunque generis Principes inveniuntur, quoniam eis jucundi sunt & voluptatem creant, in quâ illi ferè, placitis Epicuri convenienter, felicitatis humanæ summam collocare solent. Audi sodes eundem exercitati vultus senem, qui videtur nescio quid magnum promittere:

*Qui pelago credit, magno se fœnore tollit.*

*Qui pugnas & castra petit, præcingitur auro.*

*Vilis adulator picto jacet ebrius ostro,*

*Et qui sollicitat nuptas, ad præmia peccat.*

*Sola pruinosis horret facundia pannis,*

*Atque inopi lingua desertas invocat artes.*

Habes

Habes hic viam non unam, qua recta ad lucrum hodie quoque curritur, Mercaturam videlicet, Militiam, Assentationem, & Lenocinium. Sed si satis ingenium tuum pernovi; plurimum ab iis, velut partim periculosis, partim illiberalibus ac turpibus abhorrebis, nec temerè ullam earum ingredi voles, potiusque ad Jurisprudentiæ studium animum appelles, quòd eam juxta quæstuosam & honoratam esse videas. Sive enim sacrum aut Ecclesiasticum vitæ genus sectari, sive in hoc Laici hominis statu permanere & liberis quærundis uxorem ducere volueris, ista Jurisconsulti professione non modò paupertatem expellere, sed luculentum insuper quæstum facere poteris. Primum enim palam est, majorem eorum partem, qui hodie vel maximis in Ecclesia dignitatibus præsunt, & unctissimis Episcopatibus atque Sacerdotiis fruuntur, quantulacunque juris ac legum notitiâ tinctos ad eos honores opesque pervenisse; cæterum Hebraicè, Græce ac Latine indoctissimos, tum Sacrarum literarum non magis, quàm Scythici, aut Japonici sermonis intelligentes esse. Quamvis enim S. Paulus eum, qui velit esse Episcopus, Doctorem esse jubeat, qui scilicet aut ab infantia sacras literas didicerit, aut saltem in lege Domini die ac nocte meditetur; tamen aded res hodie rediit, ut qui Theologiæ Doctor sit, vix nomen inter Episcopatum Candidatos profiteri audeat, solisque Legum ab impiis & paganis latarum Doctoribus ad Ecclesias aditus pateat. Hi scilicet sunt, quos Ecclesiæ suæ Deus daturum se Ierem. 3. sic promisit: *Dabo vobis Pastores juxta cor meum, ipsi pascent vos scientiâ & doctrina.* Quis enim dubitet, quin id genus Doctores scientiâ ac doctrina Christi oves pascere noverint, cum Jurisprudentia vel ipsorum prædicatione sit.

fit *divinarum atque humanarum rerum notitia?* Sed si S. Paulum de iis percuncteris, aberit non longè, nisi ego longè fallor, quin sua hæc verba rectè in eos conferri respondeat: *Volentes esse Legis doctores non intelligunt quæ loquuntur, neque de quibus affirmant.*

Deinde autem Principum vitio fieri constat, quoniam illi, quantum Jurisprudentiæ arte benè imperandi sive Politicæ interfit, prorsus non intelligunt; ut non modò in Tribunalibus, ubi de jure scripto aut moribus recepto agitur, Jurisconsultos collocent, sed etiam in sanctius sive Status consilium, ubi de eo, quod Statui sit utile, quæritur, plerumque adsciscant. Ipsi autem ei Principum ignorantia sibi quæstuosissimæ refragari religioni habent, quamvis se non nisi formulas & litium jura didicisse, nullamque rem in Politicis sapere probè sint conscii.

Postremò etiam illos rem facere ac patrimonia non conduplicare, sed multiplicare passim videas, qui Causidicinæ modò dant operam, & lites aliorum seu voce, seu scripto; seu consilio solum moderantur. Nec enim ulla tam palàm iniqua aut deplorata est causa, cui isti si libeat (libet autem, quoties eis dolosi spes refulserit nummi) colorem obducere, & vincibilem probabilemque reddere nequeant. Quo nomine qui eos accusant minimèque ferendos putant, meminisse debent, à graviore reprehensione eos abesse oportere, qui quod malè faciunt, palàm profitentur, potiusque omnem illis culpam assignari debere, qui professioni ejusmodi locum in repub. relinquunt. Apertè autem ferunt isti, se Jurisconsultos, sive Juris utriusque Doctores esse, ac de Jure consulentibus respondere, Judicibus denique Jus illud suum obtrudere, Jus porro suum partim justum, partim injustum esse minimè dissimulant. *Jurisprudentiæ* (ajunt) *est justit*

Et in

& *injusti scientia*. Nimirum Genus per Species suas declarant. Prudentia vel scientia Juris alia justī est, alia injusti. Atque hujus sententiæ adstipulatorem habent Ciceronem, cujus verba sunt in secundo de Legibus : *Stultissimum est existimare, omnia justā esse, quā scita sūt in populorum institutis aut legibus*. quī poterat planius dicere Jura civilia partim justā, partim injusta esse? Nimirum *Jus* priscis erat *Jussum*, quod scilicet populus jussisset, sicut *Ostestantibus* Grammaticis prius erat *Offsum*. Populus autem in jubendo non directam illam justitiæ & æquitatis regulam, sed utilitatem modo sequitur, ac propterea *Utilitas justī propè mater* & *æqui* ab Horatio dicitur, & sæpè in libris Juris, Romani aliquid propter utilitatem receptum legimus. Atque hæc Platoni causa fuit, cur Jurisconsultos & Causidicos sapientes esse, aut veræ Justitiæ notitiam habere ullam negaret. Ejus in Epinomide verba sunt : *Neque Sapientes dicā eos, volumus, qui litigantibus suas in dicenda causa vires commodant : quippe cū memoriā & usu, opinionis moribus se accommodent, & à vera justitia intelligentia procul aberrant*. Utrovis ergo modo præstant, quod profitentur isti Juris utriusque sive duplicis Doctores, sive justum sive injustum Jus clientes suos Judicesque doceant, ipsique propterea ab iis, qui professionem tolerant, accusari non merentur.

Fortassis autem studium istud quamvis lucro aspiciatissimum hoc tibi nomine minus arridebit, quod plerumque quo quis in ista justī & injusti scientia melior & recoctior, tanto improbior ac nequior, tum etiam indoctior, & à sensu bonarum literarum remotior perhibetur. Nam apud Germanos nostros proverbio ferri non ignoras, *Gut Jurist, booser Christ*, id est, Bonus Jurista, idem malus est Christianus: & apud Italos pervulgatum est : *Purus Legista purus asinista*. Sed neutrum satis idoneum

idoneum non quidem omnibus ( nam quosdam Jurisconsultorum eximie doctos verèque probos in Italia, Hispania, Gallia, & Germania novi, & amicos habui atque etiamnum habeo ) multò tamen maximè eorum parti videtur, cur in alteram partem possidere palmam, hoc est, vel literati, vel valde boni viri audire postulent. Et contra Germanicum quidem adagium strenuè frontem perfriquant, commodante eis advocationem illo Juvenalis monito :

———— illa tuo sententia semper in ore  
 Versetur, Dñs atque ipso Fove digna Poëtæ :  
 Unde habeas, querit nemo, sed oportet habere.

Igitur dum habeant, aliorum omnium de moribus suis existimationem flocci non faciendam putant,

———— ut quidam memoratur Athenis  
 Sordidus ac dives populi contemnere voces  
 Sic solitus : Populus me sibilat : at mihi plaudo  
 Ipse domi, simulac nummos contemplor in arca.

Similiter autem & alterum de barbarie ac literarum incititia tritum in Italia verbum, meritò sibi videntur infra fiduciam ponere ac velut frivolum contemnere, cum plerorumque omnium judicio opes cumulare, hoc demum sit scire literas, & quemadmodum est apud Platonem : Multi in hoc consentiunt, sapientem imprimis sibi ipsi sapere oportere : hujus autem hac est summa, ut argenti quamplurimum acquiratur.

Quod si tamen omnem istam barbariæ ac ruditis opinionem à se amoliri velint, atque aded varia doctrinâ culti ac literati videri affectent, minime difficulter id consequuntur, si eorum faciant  
 exem-

exemplo, quos ipse in Regia Cæsaris, Romæ, aliisque locis paulò novi ac tractavi familiaris. Postquam scilicet rem familiarem constabilitam habere cœperint, Bibliothecam multis cujusque generis libris instruere, & à Bibliopolis, ad quorum tabernas plurimi subinde confluunt, pro quibusdam librorum heluonibus celebrari solent, cum ipsi interea Indices seu Titulos librorum &, si fortè, Præfationes, in quibus argumentum operis & scribendi consilium ferè continetur, inspicere satis habeant. Si quando etiam consultores & adventores suos transactis; quorum causa venerant, negotiis à se dimissuri sunt, captâ astutè occasiunculâ libri alicujus ex nuperrimè emptis mentionem injiciunt, eumque procedente sermone promunt & inspiciendum præbent. Eadem verò operâ suam ipsi sortem miserantur, quibus vix tantillum à gravioribus negotiis otii suppeditet, ut quasi furtim ad mansuetiores Musas revisere, animumque legendis id genus libris avocare ac recreare possint: quod cum audiunt homines vel semidocti, vel certè nihil de isto famæ parandæ artificio suspicantes, & ipsi eorum ingenium, quod tot curis ac studiis sufficiat secum admirantur, & alios porro in eundem errorem prædicatione sua inducunt. Verùm haud scio, an vel maximum conficiendi literarum nominis in eo momentum collocent, quod Vocationibus, id est, conviviis aliisque officiis Poëtas, Grammaticos, Oratores, quicunque denique humanioribus literis censentur, sibi devinciunt. Primum enim eos cum literarum impensè amantes, tum ipsos non vulgariter literatos esse consentaneum est, qui hominibus literatis familiariter uti gaudeant. Deinde fieri necesse est, ut in sermone isti literati eorum convivæ suum de aliis, qui habent aliquod in literis nomen, deque eorum op-

D

ribus



ribus promant iudicium, quod ipsi postea velut suum apud alios reddant, eoque pacto sui admirationem in eis alant & augeant. Postremò cum passim ab iis, quos jam sibi fecerunt obnoxios, laudibus extollantur, etiam si postea sive iidem ipsi, sive alii eorum inscitiam casu aliquo deprehenderint, tamen possessione partæ jam opinionis frustra eos deicere conentur. Quin immò periculum subeunt, ne ipsi potius aut levitatis aut invidiæ in se suspicionem commoveant, qui vel infamatum eant, quem paulò prius celebrarint, vel eundem hominem pariter in Jurisprudentiâ & pòlitioribus literis excellere videri æquis animis concoquere non possint. Sed de artibus istorum hominum plus satis. Nunc ecce tibi Syllabum auctorum & librorum, quos eum legisse, partim etiam multum trivisse oportere censeo, qui consummatam Latini sermonis notitiam parare cupiat. Sed præmonitum te velim, me neque novissimas auctorum veterum editiones semper indicasse, quippe quas nondum viderim, neque etiam plerorumque Grammaticorum & Criticorum, qui nuperrimè extiterunt, nomina satis cognita habere. Illud quidem & novi & præstare audeo, editiones auctorum, quibus manum Gruterus admovit, esse omnium emendatissimas, ac ferè notis atque explanationibus doctissimorum virorum ornatas & instructas. Qui si Ciceronem totum sua & Jani Gulielmii industriâ & iudicio recognitum nobis dederit, quod prope diem se facturum nuper mihi per Davidem Hæschelium significavit, neminem paulò humaniorem futurum puto, quin vel àurea statuâ, quæ ingentibus ejus de re literaria pròmeritis sit monumentum, puncto suo dignum iudicet. Vale, Augustæ Vindelicorum, ad diem xii. Junii, Anno M. DC. xvi.

AUCTO-

# AUCTORES LINGUÆ LATINÆ:

*Ætatis Auræ.*

**M** Tullii Ciceronis opera omnia, cum Commentariis Manutiorum & aliorum. Venetiis in folio, anno 1583.

Ejusdem opera omnia, edente Alexandro Scoto. Lugduni in 12. anno 1588. quibus responder Index Nizolianus ab eodem Scoto interpolatus, quem inscripsit, Apparatum Latinæ locutionis, in cujus priore editione prodigiosi errores magno numero inveniuntur, quos haud scio an in posteriore sustulerit. Eidein Indici responder editio Lambini in folio. Genevæ 1616.

Ciceronis opera omnia correctissima ex Jani Gruteri recensione. Hamburgi 1620.

Ciceronis epistolæ familiares cum Freigii notis in 8. Francofurti apud Wechelium 1592.

Ciceronis orationum Tomi tres cum ejusdem Freigii notis in 8. Ibidem 1592.

Plauti Comædiæ cum commentario Taubmanni in 4.

Terentii Comædiæ cum commentario Donati & Eugraphii in 4. Parisiis 1602.

Augustini Gambarelli Index in Terentium. Bergomi in octavo.

Ennii Fragmenta collecta & illustrata ab Hieronymo Columna in 4. Neapoli 1590.

Ennii Annales editi à Paulo Merula in 4. Lugduni Batavorum.

Lucilli fragmenta collecta à Francisco Doufa in 4. Lugduni Batavorum.

Fragmenta veterum Poëtarum edita ab Henrico Stephano in 8.

Fragmenta Historicorum collecta ab Antonio Augustino cum notis Fulvii. Ursini Antverpiæ in 8. apud Plantinum 1595.

Lucretii poemata cum Commentariis Dionysii Lambini. Francofurt. in 8.

Lucretius cum indice & observationibus Oberti Gifanii in 8. Lugduni Batavorum.

Cæsaris opera cum variorum notis. Francofurti 1606. in 4.

Cornelii Nepotis liber cum Comment. Lambini & aliorum, editus ab Andrea Scotto in fol. Francof. 1608.

Catullus, Tibullus, Propertius cum Comment. variorum in fol. 1615.

Catullus, Tibullus, Propertius cum summi viri Joh. Passeratii notis & Commentario in Propertium. Parisiis in folio, anno 1608. & nisi fallor in 4. Hanovizæ.

Catullus, Tibullus, Propertius cum Indice Horatii Tuscanellæ. Basileæ in 8. 1592.

Varronis opera omnia cum notis Ant. Augustini, Josephi Scaligeri, Pet. Victorii, Parisiis in 8. anno 1585.

Varronis opera ex editione Aufonii à Popma. Lugduni Bat. in 8.

Varronis de lingua Latina editio nova recensente Scioppio in 8. Ingolstadii 1605.

Virgilii opera cum Comment. Servii ex bibliotheca Petri Danielis & G. Scioppii. Parisiis in fol. anno 1600.

Virgilii opera cum Comment. Jacobi Pontani Jesuitæ, qui nisi fallor libros Æneidos paraphrasticè exposuit, sicut prius Nicodemus Frischlinus Bucolica & Georgica: quod genus explanationis  
adole-

adolescentibus studiosis est utilissimum. Augustæ fol.  
Virgilii opera cum Comment. Joan. Ludovici  
de la Cérda Jesuitæ doctissimi. Lugduni.

Joan. Pierii Valeriani Castigationes in Virgil.  
Romæ in fol. anno 1521. & Basileæ 8. 1541.

Varia lectio in Virgilium Paulo Gabiano Col-  
lectore. Brixie in 8. anno 1565.

Horatii opera cum Comment. Lambini & The-  
odori Marfilii. Paris. fol.

Salustii opera cum notis & comment. variorum,  
edente Jano Grutero in 8. Francofurt.

Livius ex editione Jani Gruteri 1609. & Fran-  
cisci Modii. Francofurt.

Trogi Pompeji historiæ à Justino abbreviatæ  
cum Modii & Bongarsii notis. Francofurt. in 8.

Horatii opera cum paraphrasi Federici Ceruti.  
Veronæ in 4.

Virgilius cum Erythræi Indice in 8. apud Co-  
melinum, anno 1599. & Francofurti anno 1583.

Cato, Varro, Columella, Palladius, rei rusticæ  
Scriptores cum Victorii, Ursini & aliorum notis.  
Heidelbergæ apud Comelinum in 8. anno 1593.

Catonis opera quæ extant ab Aufonio Popma  
collecta & restituta. Lug. Bat. 8. 1590.

Virgilii appendix cum Catalectis veterum Poë-  
tarum & notis Jos. Scaligeri. Lug. Bat. 8.

Marci Vitruvii Pollionis de Architectura: & in  
eum Commentar. Guilielmi Philandri editus, ni  
fallor, Lugduni in 4. anno 1587. Item cum com-  
ment. Danielis Barbari. Venetiis in fol. an. 1567.

Bernardi Baldi Urbinatis de Vitruvianorum ver-  
borum significatione. Augustæ in 4. 1612.

Ovidii opera cum comment. variorum. Fran-  
cofurt. in fol. anno 1601.

Ejusdem Metamorphosis, Tristitia & de Ponto,  
cum Comment. Jacobi Pontani.

*Ætatis Argenteæ.*

**C**urtii historia cum Francisci Modii & Valentis Acidalii Notis.

Vellejus Paterculus, à Jano Grutero recensitus, nisi fallor. Extant in eum notæ Aldi Manutii, Scheckii, Lipsii, Acidalii & Claudii Puteani.

Valerius Maximus cum Pighii, Lipsii, Coleri, forsan & Gruteri notis.

Cornelius Celsus de re Medica.

Dictys Cretensis de bello Trojano cum Josiæ Merceri notis. Parisiis.

Phædri Augusti liberti Fabulæ cum Rittershusii notis in 8. Lugd. Bat. anno 1597. & Parisiis cum Rigaltii notis.

Mythologici Latini, in quibus familiam ducit C. Julius Hyginus Augusti libertus, qui sæpius plebejam loquendi consuetudinem amplecti videtur, quod etiam patronum ejus facere solitum ex Suetonio & Charisio discimus. Editi sunt à Comelino in 8. anno 1599.

Senecæ Rhetoris & Senecæ Philosophi opera cum Pinciani, Mureti, Gruteri, Fabri, Jureti, Lipsii & Schotti notis. Parisiis, atque haud scio an & alibi edita.

Senecæ Tragædiæ cum Commentario M. Antonii Del Rio.

Persii Satyræ cum Vineti, Pithœi, Marcilii &c. notis in 4. Parisiis, anno 1613.

Persius, cum Paraphrasi Federici Ceruti. Veronæ in 4. anno 1600.

Lucanus cum Commen. Hortensii & Joan. Sulpitii. Basileæ in fol. 1578.

Asconius Pedianus in Ciceronem, cum Hottomanni notis, Lugduni in 8. anno 1551.

Colu-

Columella cum Varrone & Palladio de re rustica, & in omnes Fulvii Ursini, Victorii, aliorumque notæ, apud Comelin. 8. anno 1593.

Pomponius Mela & Julius Solinus ex emendatione Andreæ Schotti in 4. Antverpiæ 1582.

In eundem Melam à se recognitum Petrus Ciacconius commentarium, si satis memini, reliquit, quem vidisse videor Madriti apud D. Joan. Fonsecam.

Persius cum Casauboni comment. Paris. in 8. anno 1615.

Petronius cum variorum notis & observationibus in 16. & 12. Lugd. Bat. & Parisiis.

M. Manilii Astronomicon libri quinque, cum Jos. Scaligeri comment. Paris. in 8. anno 1579.

Gratii Cynægeticon editum à Petro Pithæo. Parisiis inter poemata vetera.

### *Ætatis Aneæ.*

**M** Fabii Quintilianii Oratoriæ Institutiones à Gallandio editæ. Paris. in fol. 1549. aut Genevæ apud Jacobum Stoër in 8. anno 1604. unà cum Declamationibus eidem tribui solitis.

Juvenalis Satyræ cum Comment. & notis variorum. Paris. in 4. anno 1613.

Juvenalis cum paraphrasi Federici Ceruti. Veronæ in 4. anno 1599.

Plinii majoris historia naturalis à Jacobo Dalecampio recognita. Francofurt. in 8. anno 1608. donec prodeat Petri Ciacconii Tolerani Plinius, qui superioribus annis apud Ludovicum Castellam servabatur, nunc, ut suspicor, est penes D. Joannem Fonsecam.

Plinii minoris epistolæ cum Commentariis Joan.

Mariæ Catanei. Genevæ anno 1600.

Plinii epistolæ & Panegyricus cum Minois & Casauboni notis.

Suetonius cum Torrentii, Casauboni, Gruteri, aliorumque notis & commentariis.

Tacitus cum variorum notis, editus à Jano Grutero in 8. Francofurt. anno 1607. aut in fol. Parisiis 1608.

Flori historia cum variorum notis & castigatioribus, in 8. apud Joan. Vignonium & Hieron. Comelinum. Puto editum etiam à Grutero.

Statii poemata cum veteris Grammatici commentario ex bibliotheca Fr. Pithœi. Parisiis in 4. anno 1600.

Statius unâ cum omnium veterum & novorum comment. & notis. Parisiis in 4. anno 1618.

Valerius Flaccus cum Ludovici Carrionis notis. Antverpiæ in 16. apud Plantinum.

Sulpitiæ Satyra reperitur in libello, quo continentur Epigrammata & poemata vetera ex bibliotheca, ni fallor, Petri Pithœi, edito Parisiis in 16. anno 1590.

Martialis cum Indice & Commentar. variorum. Parisiis in 4. anno 1601.

In Martialem scripserunt etiam Raderus, Ramirez, Gruterus, alii.

Silius Italicus cum doctissimi pueri Danielis Heinſii Crépundiis. Lugduni Batavorum, apud Raphelengium.

Solinus editus à M. Antonio Del-rio. apud Plantinum & cum Mela Schotti, 1582.

Frontini Stratagemata edita sunt unâ cum Vegetio, Paris. in 4. anno 1607.

Ejusdem de Aquæductibus & Coloniis libelli editi sunt ab Onuphrio Panvinio in Commentariis reipub. Romanæ. Paris. in 8. anno 1588.

*Ætatis*

*Ætatis Ferreæ.*

**A**Gellii, quem vulgò Aulum Gellium vocant, Noctes Atticæ cum Henrici Stephani animadversionibus. Parisiis in 8. anno 1585.

Apuleji opera cum Petri Colvii Notis. Antverpiæ in 8. apud Plantin. anno 1588.

Apulejus cum Beroaldi comment. & notis Stevechii in 8. Basileæ.

Apulejus cum Vulcanii notis in 8. Lugduni Batavorum anno 1594.

In Apuleji opera Symbola Critica Scioppii in 18. Augustæ 1605.

Tertullianus cum comment. Jacobi Pamelii & aliorum notis. Colon. in folio anno 1617. & Parisiis 1516.

Arnobius & Minutius Felix emendati à Petro Ciacconio & Fulvio Ursino. Romæ in 4. anno 1583. quorum plerasque conjecturas alii postea in Belgio pro suis venditarunt.

Vegetii & Frontini militaria cum Comment. Godescalci Stevechii &c. in 4. Parisiis an. 1607.

Vegetii de re veterinaria sive Mulo medicina, edente Johan. Sambuco in 4. anno 1574.

Panegyrici duodecim à Grutero, Acidalio, & Rittershusio recogniti. Francofurti in 16. anno 1607.

Rhetores antiqui ex bibliotheca Frat. Pithœi, quorum Rutilius Quintiliano est antiquior. Parisiis in 4. anno 1599.

Lactantius cum Michaëlis Thomasi notis. Antverpiæ in 8. anno 1568.

Censorinus de die Natali cum Aldi Manutii notis. Veneriis in 8. anno 1611.



Aurelius Victor cum Andreæ Schotti notis. Antverpiæ 1579. in 8.

Symmachi epistolæ cum Gasp. Scioppii notis. Moguntia in 4. anno 1608. cumque Fr. Jureti comment. Paris. in 4. anno 1604.

Macrobius cum Joannis Isacii Pontani notis. Lug. Batavorum in 8. anno 1597.

Ausonius cum Eliæ Vineti Comment. in 4. cumque Jos. Scaligeri notis in 8. aut 16.

Prudentius cum Victoris Gisellini notis in 8. Antverpiæ.

Claudianus cum M. Antonii Del-rio notis. Antverpiæ in 8.

Calphurnii & Nemesiani poëmata : Robertus Titius cum notis edidit. Florentiæ in 4. quæ quoque extant inter Epigrammata & poëmata vetera edita Parisiis in 16. anno 1590.

Ammianus Marcellinus editus à Lindenburgio Hamburgi in 4. anno 1609.

Julii Obsequentis de Prodigiiis. Lugduni in 16. anno 1588.

Apicius de re Culinaria cum Gabrielis Humelburgii notis. Tiguri in 4.

Martianus Capella cum Hugonis Grotii notis. Lug. Batavor. in 8. anno 1600.

Iulii Firmici de errore profanarum religionum , editus à Ioanne Woverio , Hamburgi 8. anno 1603.

Boëthius de Consolatione Philosophiæ , editus à Rittershusio , Lug. Batavorum 1600.

Q. Sereni Sammonici carmen de Medicina : extat inter poëmata vetera, Parisiis anno 1590. edita , ut & Rutilii Itinerarium & Symposii Ænigmata , quæ poëmata separatim quoque extant.

Historiæ Augustæ scriptores , Spartianus , Lampridius , Trebellius Pollio , Capitolinus , Vulcatius

tius & Vopiscus, cum doctissimis Isaaci Casauboni, & literarum principis Claudii Salmasii Comment. qui Salmasius multa alia edidit, quæ doctorum omnium puncta tulerunt, sed mihi necdum visa.

*Ætatis incertæ aut variæ.*

**A**uctores finium regundorum cum Nicolai Rigaltii observationibus, qui etiam de singulorum ætate in præfatione monet. Editi Parisiis in 4. anno 1614.

Medici Latini veteris Cælius Aurelianus, qui Galeno antiquior videtur. Scribonius Largus, & Marcellus Empiricus extant in corpore Medicorum edito Genevæ.

Inscriptionum antiquarum volumen ingens Iani Gruteri apud Comelinum in fol. anno 1602,

*Grammatici & Critici veteres.*

**V**arro & Pedianus non modò Grammatici sunt, sed etiam auctores linguæ, quos quis tutò imiteretur, præterquam ubi nimis antiquarius est Varro, & Pedianus à posterioribus interpolatus. Agellius ei, qui confirmati sit iudicii, etiam ipse aliquid imitatione non indignum suppeditare queat. Posterioribus tantum creditur, quantum ex locupletium auctorum scriptis probant.

Festus ex Verrio Flacco de verborum significatione cum Augustini, Scaligeri, Ursini & aliorum notis. Paris. in 8. anno 1584.

Nonius Marcellus, & Fulgentius Placiades, cum variorum notis. Paris. in 8. anno 1583. item 1614.

Ser-

Servius in Virgilium ex bibliotheca Petri Danielis. Paris. anno 1600.

Philargyrius in Virgilium conjunctus est cum Daniele Servio, editus prius à Fulvio Ursino, cum notis in scriptores rei rusticæ. Romæ in 8. anno 1587.

Donarus & Eugraphius editi sunt cum Terentio in 4. Paris. anno 1602.

Acron, seu quisquis est Horatii vetus scholiastes, editus est à Jacobo Cruquio cum Horatio in 4. Antverpiæ apud Plantinum.

Scholiastæ veteres in Persium & Juvenalem editi sunt cum ipsis auctoribus. Parisiis in 4. anno 1613. & apud Comelinum in 8. 1590.

Interpres vetus Statii cum ipso Poëta editus est Parisiis in 4. anno 1600. & 1618.

*Grammatici & Critici recentiores.*

**C**harisius, Diomedes, Priscianus, Victorinus, Terentianus, Longus & alii simul editi sunt ab Helia Putschio in corpore Grammaticorum. Hanovix in 4. anno 1605 quorum nonnulli inter veteriores locum habere possunt.

*Grammatici & Critici Novissimi.*

**G**lossaria Philoxeni & aliorum cum B. Vulcanii notis. Lugd. Batavorum in folio.  
Glossæ Isidori cum reliquis ejus operibus editæ sunt etiam cum Philoxeno.

Glossæ Placidi unquamne typis descriptæ exierint, nescio.

Thesaurus linguæ Latinæ quatuor Tomis. Lugduni in fol. 1573. Hoc Lexicon est omnium optimum

num, etsi nec paucis, nec levibus erroribus vacuum. Proximè accedit Forum Romanum Cælii Curionis, ni fallor, tribus Tomis, Basileæ in fol. Et Theodosii Trebellii Promptuarium itidem Basileæ, anno 1545. editum: tum Thesaurus sive Ærarium Latinæ linguæ à Ludovico Lucio Francofurti fol. 1613. Sed ridiculum verèque Abderiticum est de Scriptoribus Latinis iudicium nescio cuius, inter inelegantes & imperfectos Plautum, Terentium, & Lucretium, inter perfectos autem & elegantissimos Varronem, & Sallustium, inter postremos & deficientes Valerium Maximum, Senecam, & Curtium, velut Apuleji æquales recensentis.

Ambrosii Calepini Lexicon quòvis superiorum est deterius, etiam illud, cui avaritia Typographi nomen Joan. Passeratii cum maxima doctissimi viri injuria præscribere nihil dubitavit.

Nizolii in Ciceronem Index à Iacobo Cellario recognitus. Basileæ in fol. 1595.

Roberti Constantini supplementum linguæ Latinæ. Lugduni in 4. anno 1573.

Barnabæ Brissonii Lexicon Juris. Parisiis in fol.

Ejusdem de Formulis sive solemnibus populi Romani verbis. Francof. in 4.

Adriani Junii Nomenclator in 8. Antverpiæ & Francof.

Hadriani Cardinalis de sermone Latino. Colonia in 8.

Francisci Sylvi Progymnasmata in artem Oratoriam. Venetiis in 8. anno 1548. & Colonia in 12. anno 1589.

Antonii Schori Phrasæ linguæ Latinæ. Argentinae, & Colonia in 8.

Christiani Becmanni Origines linguæ Latinæ. Witebergæ in 8. anno 1613.

Q. Ma

• Q. Marii Corradi de lingua Latina. Bononiæ in 4. anno 1575.

• Ejusdem de copia Latini sermonis. Venetiis in 8. anno 1582.

• Thomæ Linacri de emendata structura Latini sermonis.

Laurentii Vallæ elegantia Latinæ linguæ.

• Ejusdem Antidotus in Pogium; Raudensem, & Facium; unâ cum Elegantiis. Basileæ 4.

• Augustini Saturnii Mercurius major. Basileæ in 8. anno 1646.

Julii Burdonis, qui se Julium Cæsarem Scaligerum vocat, de causis linguæ Latinæ. Lugduni in 4. anno 1540. & apud Comelinum in 8. an. 1609.

Francisci Sanctii Brocensis Hispani Minerva, sive de causis linguæ Latinæ: quo libro meruit auctor communis literatorum omnium pater & doctor appellari. Salmanticæ in 8. anno 1587.

Ejusdem Latina Grammatica omnium absolutissima eademque brevissima. Salmanticæ in 8. an. 1587.

Ejusdem Annotationes ad Virgilii Bucolica. Salmanticæ in 8. anno 1591.

Ejusdem Paradoxa & de Auctoribus interpretandis sive de Exercitatione. Antverpiæ apud Plantinum in 8. anno 1582.

Ejusdem Pentecontarchus à Laurentio Ramirez de Prado alicubi interpolatus, & editus Antverpiæ in 4. anno 1612.

Nicodemi Frischlini Grammatica Latina. Francof. in 8. anno 1599.

Ausonii Popmæ de differentia verborum deque usu antiquæ locutionis. Lugduni Batavorum in 8. anno 1606.

• Godeiscalci Stevecchii de particulis linguæ Latinæ. Colonia in 8. anno 1581.

Ho-

Horatii Tursellini de particulis linguæ Latinæ.  
Romæ & Moguntiæ in 16.

Thesaurus Criticus editus à Jano Grutero, cujus  
primo Tomo continentur opuscula Critica Angelī  
Politiani, M. Antonii Sabellici, Philippi Beroaldi  
Domitii Calderini, Joan. Baptistæ Egnatii, Joan.  
Baptistæ Pii, Cornelii Witelli, Jacobi à Cruce, Pii  
Antonii Bartolini, Iani Parrhasii, viri in Latinis ac  
Græcis literis consummatissimi, maximoque cum  
acumine, tum judicii elegantia præditi, Francisci  
Floridi, qui & ipse non facile cuiquam literato-  
rum sit secundus, Laurentii Abstemii, Lucii Ioan-  
nis Scoppæ, Ptolomæi Flavii, Petri Nannii, &  
Francisci Robortelli. Francofurti in 8. anno 1602.

Thesauri Critici Tomus secundus, in quo sunt  
opuscula Fr. Robortelli, Caroli Sigonii, Antonii  
Bendinelli, Bernardini Realini, Lillii Gyraldi,  
Ioan. Brodei, Christophori Rufi, Ioan. Hartun-  
gii, Petri Pithœi, Lucæ Fruterii, Achillis Statii,  
M. Antonii Mureti & Hieronymi Magii. Francof.  
in 8. anno 1604.

Thesauri Critici Tomus tertius, in quo sunt  
opuscula Pauli Leopardi, Bartol. Barrienti, Fran-  
cisci Luifini, Gulielmi Canteri, Theodori Can-  
teri, Ludovici Carrionis, Iani Durantii Casellii,  
Iani Gulielmii & Marfilii Cagnati. Francofurti in  
8. anno 1604.

Thesauri Critici Tomus quartus, in quo sunt  
opuscula Joan. Brodæi, Ioachimi Camerarii, Aldi  
Manutij, Adriani Iunii, Iosephi Castalionis, Iani  
Melleri Palmerii, Ioan. Iacobi Schekkii. Fran-  
cof. in 8. anno 1605.

Thesauri Critici Tomus Sextus, in quo sunt  
opera Valentis Acidalii & Marcelli Donati, ho-  
minis semidocti quidem, sed industrii. Francof. in  
8. anno 1606.

The-

Thefauri Critici Tomis secuturis comprehendi poterunt opuscula Budæi, Briffonii, Petri Fabri, Nicolai Fabri, Petri Pithœi, Andræ Alciati, Antonii Augustini, Petri Ciaconii, Fulvii Ursini, Sebastiani Corradi, Antonii Riccoboni, Jos. Castalionis, Andræ Schotti, Hieroni. Mercurialis, Scipionis Gentilis, Desiderii Heraldi, Martini de Royas, Roberti Titii, Erycii Puteani, Philippi Rubenii, Henrici Stephani, Joannis Meursii, & ipsius in primis Gruteri Suspicionum libri, tum aliorum recentiorum, quos mihi nondum videre contigit.

Nicolai Loënsis Miscellanea. Francofurti in 8. anno 1607.

Adriani Turnebi opera. Argentinæ in fol. anno 1600.

Petri Victorii variaz lectiones.

Jacobi Cujacii opera.

Iusti Lipsii opera.

Iosephi Burdosciligeri opuscula posthuma. Paris. anno 1610.

Claudii Salmasii opera omnia.

Ioannis Rosini antiquitates Romanæ ex variis collectæ cum Dempsteri auctario.

Ioannis Glandorprii Onomasticum historiæ Romanæ. Francof. in folio, anno 1589.

Lexicon Philologicum Matthiæ Martini. Bremæ in fol. anno 1623.

Onuphrii Panvinii Imperium & Respub. Romana.

Petri Iohannis Nunneshii Grammatistica & Grammatica Græca.

Alexandri Scoti Grammatica Græca.

## CONSULTATIO TERTIA,

De Scholarum Classicarum  
Informatione.

**P**rimùm constituendus est proximus harum Scholarum Finis, tum qua viâ ad eum quàm compendiosissimè perveniri queat, considerandum.

Finis est, ut qui jam legere Latinè didicerunt & ad Scholas accedunt, uno quadriennio non modò linguam Latinam probè intelligant, & cùm Grammaticæ Regulis, tum auctorum consuetudini congruenter Latinè scribant, sed etiam Logicam, Rhetoricam, Physicam, & Metaphysicam; hoc amplius autem Ethicæ & Politicæ elementa sic addiscant, ut idonei sint, qui Professoribus Academicis Philosophiam, Theologiam, Jurisprudentiam, & Medicinam docentibus multò, quàm alii, melius & fructuosius operam dare possint. Simul tamen priore biennio in Doctrina Christiana sic erudiantur, ut Catholicæ fidei fundamenta firmissimè teneant, nulloque negotio ejus, quod credunt, rationem reddere, & Hæreticis, sicubi usus veniat, silentium possint imponere.

Medium ejus finis consequendi est cùm Scholarum, tum Magistrorum informatio.

*Informatio Scholarum.*

Scholarum quatuor classes sunt.

**P**rima, qua primo anno discantur prius Nominum & Verborum Paradigmata, tum Mercurii bilinguis sententiæ per octo vel  
E
novem



novem menses ; reliquis tribus aut quatuor mensibus discantur Grammaticæ Rudimenta , sive Regulæ Etymologiæ & Syntaxeos. Omnibus autem Sabbatis aliquid ediscant ex libello Erotematum de Fidei Catholicæ fundamentis, Pontificis & Imperatoris auctoritate in Germania edito.

Secunda, qua secundo anno prælegantur faciliores Ciceronis epistolæ , Cornelii Nepotis vitæ , Terentii Comædiæ , Ovidii Tristia & de Ponto , & Phædri fabulæ Æsopicæ. Simul etiam explicabuntur regulæ Prosodiæ , & omnibus Sabbatis aliquid de fidei Catholicæ fundamentis proponetur : quotidie autem de vernaculis Latina facta corrigentur.

Tertia , qua tertio anno discatur illa pars Propædiæ Logicæ , quæ ad Rhetoricæ intelligentiam est necessaria , idque tribus mensibus : tum integra Propædia Rhetorica sex mensibus , tandem quæ in Logicis sunt reliqua unâ cum Pervigilio bonæ mentis , sive Introductione in Ethicam , & Physicis Institutionibus. Simul autem quotidie exercebuntur Latine scribendo , id est , ex vernaculis Latina faciendo una hora. Quorum ingenia à poetis non abhorrent , etiam versibus scribendis exercebuntur.

Quarta , qua quarti anni primo semestri Systema Physicum , altero Metaphysicum auditoribus sine ulla dictatione declaretur , simulque auditores Analyfi & Genesi exerceantur , ut nimirum in Ciceronis orationibus , Horatii Odis , Propertii Elegiis & Logicum & Rhetoricum artificium explicent , propositoque sibi epistolæ , orationis aut carminis argumento , ipsi suo Marte aliquid componere assuescant. Simul autem Politicæ elementa , & adjuncta , id est , Chronologiam & Geographiam cognoscent , si eis Tursellini Historiarum

rum epitome prælegatur, & ex Phifico Systemate ea declarentur, quæ ad Cælestem & Terrestrem mundi Sphæram sive globum pertinent.

*Qui discipuli ad quas Scholas admitti debeant.*

**Q**Uicunque ad Scholas admitti postulat primum omnium explorabitur, num Ciceronis epistolas Marte suo interpretari sciat. Si sciat, admittetur ad secundam classem, ubi nullo negotio Syntaxeos regulas & figuras ediscet, ac Latine scribendo exercebitur, donec ad tertiam classem translatus Logicæ & Rhetoricæ operam dare possit. Sin nesciat, in prima classe retinendus erit, donec omnes Mercurii sententias intelligat, nominaque omnia ac verba inflectere, cum Erymologiæ & Syntaxis regulis didicerit.

Quod si jam alibi Rhetoricam didicit, in tertiam admittetur, ut Logicam discat, & postea per Analysin & Genesin exerceatur.

*Informatio Magistrorum.*

**D**Ecem omnino Magistrorum opera in Scholis istis requiritur.

Grammatistæ duo, unus Doctor, alter Exactor seu Repetitor: quorum munus erit, ut in prima classe Paradigmata, Sententias, & Grammaticæ Rudimenta doceant.

Grammatici tres in secunda classe, unus Auctorum interpres, duo Correctores sive emendatores styli, qui quotidie Compositiones discipulorum corrigant, indicando eis, si quid cum Erymologiæ aut Syntaxeos præceptis non congruat.

Doctor Logicæ & Rhetoricæ in tertia classe,

idemque exeunte anno myſtagogus ſive introdu-  
ctor in Ethicam & Phyſicam.

Philosophus Phyſicus & Metaphyſicus in quarta claſſe: cujus etiam erit exeunte anno auditoribus declarare Sphæram cœleſtem & terreſtrem, & hiſtoriarum epitomen prælegere, tum Politicæ elementa præcipere.

Rhetores duo in quarta claſſe, alter Analyſeos ſeu Reſolutionis, alter Geneſeos ſeu Compoſitionis. Reſolutionis Maſtri hoc opus habebunt, ut quotidie veterum auctorum opera interpretentur, & Logicum ac Rhetoricum in iis artificium oſtendant, ut appareat diſcipulis, quomodo auctores antiqui artis Logicæ & Rhetoricæ præceptis in ſcribendo uſi fuerint. Compoſitionis Maſtri hoc opus habebunt, ut compoſitionum argumenta ſeu materias diſcipulis dictent, & corrigant, quæ illi ſeu verſa aut ligata, ſeu proſa aut ſoluta oratione conſcripſerint.

Catechiſtes, idemque Sacerdos Pœnitentiarius, ſive à Confeſſionibus, cujus munus erit omnibus Sabbatis Erotemata de fidei Catholicæ fundamentis præcipere & interpretari in prima & ſecunda claſſe.

*Indiculus librorum, quibus Maſtros inſtructos eſſe oportet.*

**O**Mnes illi Latini auctores, quorum Syllabus in ſecunda Conſultatione fuit expoſitus.

Ciceronis epistolæ familiares cum Johannis Thomæ Freigii notis, item cum Italica interpretatione Fabrini.

Terentius Fabrini.

Horatius Fabrini.

Virgilius Fabrini.

Cice-

Ciceronis orationes, cum Freigii annotationibus.

Ciceronis epistolæ & orationes cum Manutii Commentariis.

Huberti Gifanii Observationes linguæ Latinæ.

Hadriani Cardinalis de Latino sermone.

Antonij Schori Phrases linguæ Latinæ.

Manutii Elegantix.

Ærarium five Thesaurus linguæ Latinæ Ludovici Lucii.

Calepinus Johannis Passeratij.

Nizolii Index in Ciceronem.

Basilij Fabri Thesaurus Scholasticæ eruditionis.

Onomasticon Romanum.

Ludovici Vivis Dialogi, five Exercitationes linguæ Latinæ.

Francisci Sanctii Brocensis Minerva five de causis linguæ Latinæ.

Gasp. Scioppii opera Philologica, & Philosophica.

### *De Lingua Græca.*

**Q**Uoniam in Italia Græcæ linguæ doctores vix inveniuntur, ac si qui sunt, soli in scholis relinquuntur, otiosum & inane mihi visum est de Linguæ illius discendæ rationibus quicquam hîc afferre. Si qui tamen sunt, quos Sapientiam & Prudentiam ex ipso Græcorum ore haurire juvat, omnia verò Interpretum fidei credere dispudet, eis auctor sum, ut cum Januæ linguarum, seu Mercurii sententiæ Græcè conversæ exierint (sicut propediem eas unâ cum Hebræa versione exituras confido, ac jam sub prælo esse audio) eandem iis addiscendis rationem observent, quam à Mercurio Bilingui Latinam discere aventibus præ-

monstratam videbunt. Græcam Tschonderi Grammaticam qui nancisci poterit, magno Paradigmata multasque regulas ediscendi labore levatum se lætabitur.

## CONSULTATIO QUARTA,

De Causis Grammaticæ Philosophicæ  
in Scholas inducendæ :

SIVE

*Septem Rationes, quæ conscientiiis Episcoporum religionem, sive scrupulum injicere debent, ne veterem Grammaticam diutius in scholis tolerare, sed novam in eas introducere velint.*

I.

**V**etus Grammatica plena est fraudibus & mendaciis. Turpe verò est permitti, ut pueris tantus mendaciorum numerus à Magistris, præcipuèque Clericis instilletur.

*Animadversio.*

**E**xempli gratia : Nomina arborum & urbium sunt generis fœminini. Hoc manifestè falsum est, cum & ratio philosophica, & locupletum scriptorum auctoritas vincat, istiusmodi nomina non habere genus, nisi ex regula terminationis, vel vi significationis. Ut *Mediolanum magna* dicitur, quia significatur & subauditur *Urbs*, cum alioqui vi terminationis *Mediolanum* sit genere neutrum. Sic *Virgilius Altum Præneste* dixit, significans *Oppidum*; & *Sub ipsa Præneste*, significans *Urbem*. Ita *Hæc Corinthus* dicitur, quod *Urbs* significetur, cum alioqui *Corinthus* per terminationis regulam sit Masculinum,

linum, quomodo à Propertio & Vellejo usurpatum videmus. Priscianus lib. 5. testatur, veteres dixisse: *Hic cupressus, platanus, laurus, ulmus, populus*, propter terminationem: eadem tamen ut foemina efferuntur propter significationem, cum *Arbor* in iis significetur. Hac de re videatur Grammatica Philosophica pag. 108. An ergo non erubescendum est Christianis, quod pueros cogunt mendacia credere & ediscere? Nec refert, quod mendacia ista sint de rebus frivolis: Nam saltem mentien- di consuetudo non est frivola, cum sit homine Christiano prorsus indigna, nec ejus culpam ulla vel necessitatis, vel utilitatis elevet excusatio. Ac tantò nunc turpius est mendacia illa tolerare, postquam eorum falsitas publicè fuit resecta & convicta. Nec enim jam ignorantia quemquam culpâ liberat, cum præsertim planum factum sit, quantum detrimenti privatim ac publicè importet, omnis liberalis doctrinæ fundamentum in mendaciis jecisse.

## II.

Veteris Grammaticæ mendacia ingentibus & supervacuis laboribus juventutem onerant, & ingenia excarnificant.

*Animadversio.*

**N**imirum in Emanuële Alvaro de sola Syntaxi Nominum, Verborum, & Participiorum quingentæ inveniuntur Regulæ cum tot Exceptionibus, Appendicibus, & Observationibus, ut discentem videantur ad insaniam aut suspendium posse adigere, quod contrà Grammaticæ philosophicæ *Syntaxis regularis* quindecim regulis absolvitur, idque sine ulla exceptione. Itaque nihil est factu proclivius, quàm ut pueri, etiam illi, qui aliam quamvis Grammaticam jam didicerint,

rint, unam indies regulam ediscant, quod homo ætate jam provectior, nec philosophica ignarus, vel una horâ fecerit, sine ullo regulas obliviscendi periculo. Aliis quindecim diebus pueri in discenda *Irregulari* seu *Figurata Syntaxi* occupabuntur: quo facto omnium quæ in Latinis auctoribus inveniuntur rationes expeditius reddent, quàm non modò Jesuitarum discipuli, sed ipsi etiam Magistri, immo verò quàm quivis alius, qui vel triginta annos in linguæ Latinæ studio & exercitio consumserit.

### III.

Eadem mendacia plurimum temporis auferunt discipulis, quod vel styli exercitio, vel aliis disciplinis utilius tribuerent.

#### *Animadversio.*

**O**bservato discendi ordine, quem novæ Grammaticæ auctor præscribit, ut prius scilicet ope ac beneficio noviciæ inventionis octo aut novem mensibus pueri Latinam linguam intelligere discant, tum ad Grammaticam accedant, omnium primum pueri unius anni studio cum linguæ intelligentiam, tum Grammaticæ memoriam consequentur. Deinde alio anno legendis facilioribus linguæ auctoribus, & scribendo exercebuntur, sicque idonei fient ad scholas Philosophiæ, Jurisprudentiæ, & Theologiæ Practicæ, sive Casuum Conscientiæ, modò per ætatem alioqui sint capaces. Tertio anno prius *Logicam Scioppii*, tum *Rhetoricam* addiscere poterunt, Cujus rei experimentum in mediocri ingenii puero Germano sexdecim annos nato captum fuit, qui duobus solis mensibus Logicam & Rhetoricam perfectissimè edidicit, & ad publicas Philosophorum acroases admissus longè melius Magistrum intellexit, quàm alii,

alii, qui jam Curriculi philosophici dimidium confecerant. Quarto anno *Padia Scioppiana Physicam & Metaphysicam* sic addiscent, ut rerum multò plus sciant, quàm aliarum scholarum discipuli, tametsi non æquè exercitati erunt in nonnullis Quæstionibus; quarum tamen nullus usus est, nisi ei, qui easdem in scholis alios docere, aut de iis altercando exerceri velit. Ita quatuor annorum spatio, qui nec verbum Latinum intellexerat, cum Latine minimè vulgariter doctus, tum in omni Philosophia satis exercitatus invenietur: neque id alia ex causa, nisi quia tempus prudenter fuit dispensatum, neque vel falsis, vel obscuris, vel longis, vel confusis, vel otiosis & supervacuis præceptis inutiliter consumtum. Jam igitur Episcopi cogitent, quam Christo pro se rationem reddaturi sint, qui juventutem tanto tempore defraudari patiuntur, cum ignorare haud possint, temporis jacturam esse omnium gravissimam, omninoque irreparabilem, ac nullo auri pondere exæquari posse.

## I V.

Eadem Grammaticæ veteris mendacia innumera bilium hominum marsupia exenterant, qui non sine maximo rei familiaris intertrimento complures annos in Grammatico pulvere consumunt.

*Animadversio.*

**V**ix quisquam eorum, qui ad scholas publicas erudiendi gratia mittuntur, ante exactum septimum annum id consequitur, ut quamcunque Ciceronis epistolam Marte suo interpretari, & omnium quæ legit rationes reddere queat. At enim uno solo biennio id eis contingere potest, qui nova Grammaticâ utentur. Quicquid ergo nunc pecuniarum in quinquenni victum



ab eis expensum fertur , ejus jacturam Episcoporum culpa faciunt , qui eos frugibus divino beneficio inventis adhuc in silvas amandant , & concussa quercu glandes legere & porcorum convivas fieri subigunt.

## V.

Eadem mendacia plurimorum ingenia ab omni literarum & scientiarum studio deterrent, qui propter ingentem numerum Regularum , Exceptionum , Appendicum , & Observationum prius odierunt studia , quàm noverint.

*Animadversio.*

**F**ieri non potest , quin celerem habeat satietatem fastidiumque afferat , quod cùm magno , rum diuturno labore comparatur , nec ulla ferè aut varietate seu novitate distinguitur , aut fructus se ostendentis specie mitigatur. Septem ferè annos pueri in præceptis Grammaticæ discendis & repetendis conerunt , & in præceptis quidem obscuris , confusis , supervacuis , ingentique Exceptionum numero restrictis , cùmque Memoriam quotidie onerent , interea nec Mentem aut Intellectum rerum notitiâ alunt , nec objecta aliqua boni vel commodi parti specie labores , quos adhuc sibi capiendos vident , lenire possint. Nec enim eis apparet , quantum quotidie discant , nec aliorum exemplis ad benè sperandum excitantur. Cùm enim Jesuitæ gloriantur , se in Europa circiter ducenta discipulorum millia habere , ex tanto numero quotus tandem quisque continuis septennii laboribus apud eos exhaustis plebi se exemit , ac virorum Latinarum literarum laude clarorum cætui inseruit ? Nimirum in ipsa quoque Societate non temerè decem Patres invenerint , quibus operæ in scholis

scholis aliud fuerit pretium, nisi ut Grammaticè scriberent, & barbarismis ac solœcismis potius dictio eorum vacaret, quàm ullam Elegantiæ commendationem adferre deberet. *Famianus* certè *Strada*, cui suffragiis suis Jesuitæ in Latine scribendo primas sine controversia deferunt, nihilque nisi mellitos verborum globulos & omnia dicta sescamo ac papavere, vel potius cœlitum nectare & ambrosia in scriptis ejus sparsa & imbuta inveniri contendunt, nondum fœdas barbarismi & solœcismi notas sibi impressas eluit, ac fortasse non de nihilo veretur, ne mox Historiæ suæ idem ipsum usu veniat, quod nuper Maffejo: cujus stylum vitiis ne in linguæ quidem tirone ferendis scaterere, in *Scioppii Rhetorica fragmento* Mediolani edito demonstratum vidit. Cùm ergo discipuli eorum in ipso disciplinæ aditu tantum amaritudinis experiantur, nec inter tot annos ex tantis suis laboribus voluntatis quicquam capiant, si præsertim difficiles, morosos & plagosos nacti sunt Magistros (quales ferè sunt, quos obscuro & plebejo natos loco ista scholastici imperii species & juris epheborum natibus reddendi provincia inflare, & feroces sui que ignorantes facere solet) vix animum inducunt, ut aliarum scholarum periculum faciant, & in discenda Philosophia aliisque scientiis laborem ultra capiant. Hujus verò rei nullum in iis scholis timendum est periculum, in quibus Grammaticæ novæ locus dabitur. Nam nec Præcepta artis quicquam habent difficultatis, & quamvis in Magistro non sit plus scientiæ, quàm in iis, quos Jesuitæ in cathedris collocant; si tamen ordinem præscriptum in docendo observet, fiet ut non modò nullum pueris tædium ediscendi labor afferat, sed etiam ut ipsi quotidie fiant ad nova combibenda avidiores. Nimirum post Nominum & Verborum Paradigmata

gmata unius, aut ad summum duorum mensium labore memoriæ mandata sententias morales in *Mercurio bilingui*, seu *Janua linguarum* positas discere incipient, ita quidem ut quotidie Nomina & Verba in decem sententiis comprehensa declinare & conjugare (Magistro quos quodque Nomen casus à Paradigmatis differentes, & quæ quodque Verbum præterita ac supina habeat, indicante) & pridianæ lectionis sententias memoriter recitare jubeantur. Iste labor non modò minùs pueris gravis aut molestus, sed hoc etiam nomine gratus accidet, quòd quotidie circiter quadraginta aut quinquaginta nova vocabula in decem illis sententiis inclusa addiscent, seque indies tantò doctiores fieri intelligent, ac velut laboris sui fructum adspicientes alacriùs quod reliquum est laboris perferent. Et uno quidem quadrimestri tantum fecerint lucri, ut circiter quinque millia vocabulorum intelligant, & declinare ac conjugare noverint, quorum alia sunt, quæ vocant, *Fundamentalia* (quibus scilicet multorum aliorum vocabulorum intelligentia velut Fundamento innititur) alia *quotidiana*, alia denique *rara*. Hoc ita gesto Magister omnium Nominum & Verborum *Conjugata*, id est, primitiva & derivativa, simplicia & composita, pueris dictabit (nisi tamen interea nonnemo ea typis descripta emiserit, quod sanè multò foret conducibilius) eaque cum in schola, tum domi sæpius legere jubebit; instituto etiam provocantium se certamine: cujus usus erit, ut alios gloriæ studium ad discendum exacuât, alii certaminis arbitri ea, de quibus contenditur, non minùs memoriæ insigant, quàm in aures admittant. Ita septimo aut octavo post mense, quàm sententiis illis occupari cœperint, circiter quindecim millia vocabulorum Latinorum intelligent, & quamcunque Ciceronis epistolam

stolam facile interpretabuntur, quod aliarum scholarum discipuli, quamvis doctiorem Magistrum sortiti, vix septimo anno consequentur. Adeò docendi modo modus interest, etiam ubi Magistri inter se pares sunt, pares etiam ingenio & studio discipuli. Postquam verò linguæ Latinæ notitiam sic adepti fuerint, ad Artis præcepta admittentur, quæ sunt *Sexaginta versus Hexametri de Nominum generibus*; & *Octoginta de casibus seu declinationibus*, quibus omnes Etymologiæ Regulae cum omnibus suis Exceptionibus includuntur: quas duabus hebdomadis memoriæ mandare poterunt. *Regula* verò *Syntaxeos* non sunt nisi quindecim, sine ulla Exceptione, Appendice aut Observatione, ut nullam prorsus iis ediscendis experturi sint difficultatem, sicut nec in *Figurata Syntaxi*, quam ad verbum ediscere nihil attinet; sed satis est, eos exempla ibi recitata sæpius relegere, atque inter secundi anni exercitium, cum scilicet auctores eis explanabuntur, figurarum subinde in memoriam à præceptore revocari. Tantò autem amplius in secundo anno capient voluptatis, quantò minoris molestiæ est in eo, quod faciendum didicerunt, exerceri, quam discendo memoriam onerare, cum præsertim legendis notæ melioris auctoribus, Cicerone, Terentio, Nepote, Phædro, Ovidio, ac similibus, penum suam literariam quotidie multis verbis lectis instruent, ac pedetentim non modò diligenter & eleganter, sed etiam ornatè & copiose scribere incipient.

Quod ad versus de *Præteritis & Supinis* attinet, puto linguæ tyrones nihil damnifacturos, si eos non ediscant. Jam enim inter ediscendas sententias quæ quorumque verborum præterita & supina essent, Magistri indicio & monitu eos cognovisse pono: quorum

quorum memoriam quotidiana lectio & scriptio facile conservaverit : sin autem nonnullorum eos capiat oblivio , ad ipsos versus consultum ire poterunt.

Sed centum & quadraginta Alvari versus *de Profodia*, seu Syllabarum dimensione, secundo anno per otium ediscent , quibus ingenium à poëtica minime abhorrens contigerit , saltem ut poëmatum vitia norint , & recitandis alienis versibus amusiam & rerum poëticarum inscitiam apud alios promptam habere caveant : nam ut in poëtando multum ponant operæ , nihil causæ habere eos video. Versus enim malos scribere, ridiculum est : mediocres, inglorium : bonos & legi dignos, pænè inconcessum.

VI.

Eadem mendacia Magistris quoque Crucem figunt , & à gravioribus atque utilioribus studiis eos retardant.

*Animadversio.*

**N**Ec enim Magister dictorum vel scriptorum rationes à discipulis erogitare , aut vitia , quæ illi sive loquendo , sive scribendo admittunt, eis exprobrare & corrigere poterit , nisi omnes Artis regulas ipse memoriâ complexus teneat. Id autem quàm opetofum ac molestiæ plenum sit , vel hinc judicari potest , quod Regulæ sint plusquam mille , eæque maximam partem falsæ , nec auctorum consuetudini satis congruentes : cui porro consequens est , ut tanta Exceptionum , Appendicum , & Observationum turbâ fulciri necesse habeant. Atque hac de causa hunc Jesuitæ morem & institutum habere prædicantur , ut singuli quotannis , cum prolatis studiorum rebus vacatione fruuntur & feriati agitant , velut repuerascen-

ſcentes Grammaticæ præcepta pervolulent, quod aliter omnem eorum memoriam mox in ſe obliteratum iri certum habeant, unde eos minimè multum tironibus intereſſe, deque omnibus quæ legunt aut ſcribunt animo fluctuare & incertos certare neceſſe ſit. Ingens proinde eſt Grammaticæ novæ auctoris etiam erga magiſtros beneficium: qui præter hæc uno menſe quicquid Regulis comprehenditur ludibundi edicere, & omne reliquum tempus legendis & imitandis aureæ ætatis auctoribus Latinis conſumere poterunt; multoque cum rerum, tum verborum ſcientiâ auctiores inveniuntur.

## VII.

Eadem mendacia cauſa ſunt; cur Deus, Eccleſia, ac Reſpublica multò plurimorum opera defraudentur, quam illi minimè pænitentiam navare poſſent, niſi alios Grammaticæ magiſtri tot annis in ſcholis contererent, alii vel temporis longinquitate, vel diſcendi difficultate territi ſtudia deſererent, aut attingere dubitarent.

*Animadverſio.*

**S**I quis jam inveniatur ætate provectior, qui nihil aliud exoptet, niſi Latinè ſatis intelligere, ut Deo & Eccleſiæ inſervire, ac vel Sacerdotio initiari, vel Theologiæ Practicæ ſeu Conſcientiæ caſibus operam dare, ac paulò poſt animarum curam ſuſcipere queat: ſimiliter autem ſi quis Jurisprudentiæ, Medicinæ, aut Philoſophiæ ſtudere velit, conſideret autem tot annos impendendos fore odioſiſſimis Grammaticæ præceptis, donec vel mediocrem linguæ Latinæ notitiam aſſequatur, nec tamen ejus rei cauſa quantaſcumque labores capere parato extra ludos literarios ullam idoneam voto potiendi occaſionem oſtentari: nempe ſum-

pe summæ ac velut inexsuperabilis difficultatis specie perterritus animum despondebit, & quidvis potius, quàm de literis ac disciplinis cogitandum sibi putabit. Jam verò Grammaticæ novæ auctor viam talibus munivit, ut quo volunt uno anno minime laboriosè pervenire possint. Nec enim ullo eis ludo literario, aut arte Grammatica opus fuerit, modo habeant, unde juvenem aliquem cujuscunque Grammaticæ peritum pretio conducant, qui primum in declinationum & conjugationum paradigmatum uno eos mense exercent, ac mox Mercurii bilinguis Sententias eo, quo dictum est, numero ac modo interpreteretur, & Nominum casus Verborumque præterita & supina indicet, tandemque vocum Conjugata dicter, aut cum typis descripta exierint, subinde cum eis translegat. Hoc pacto sine ulla vel Etymologiæ, vel Syntaxeos Regula ante vertentem annum Latine satis docti erunt, ita ut quod ad literas attinet, nihil eos vel à sacris Ordinibus, vel à Philosophorum, Jurisconsultorum, Medicorum, aut Theologorum Practicorum seu Casuistarum, quos dicunt, acroasi submovere aut arcere debeat. Sin autem postea eis libuerit Syntaxis quoque Regulas quindecim cum Figuris Grammaticis cognoscere, suo ipsi Marte nullo præcipiente aut adjuvante per otium facillimè id consequentur, cum eam ad rem nihil nisi linguæ intelligentia requiratur.

*F I N I S.*







